

**KALIKATA LITTLE MAGAZINE LIBRARY-O-GABESHANA KENDRA**  
**18/M TAMER LANE, KOLKATA-700009**

Record No. : KLMLGK 2007/	Place of Publication : <i>১ নং ব্রজবন টাউন, কলকাতা</i>
Collection : KLMLGK	Publisher : <i>শ্রীমতী বঙ্গবন্ধু</i>
Title : <i>সবুজ পত্র (SABUJ PATRA)</i>	Size : 7.5" x 6"
Vol. & Number : <i>৪/১          ৪/২          ৪/৩          ৪/৪-৫          ৪/৬</i>	Year of Publication : <i>সাবুজ পত্র          ১৯৭৫-১৯৭৬          ১৯৭৬-১৯৭৭          ১৯৭৭-১৯৭৮          (১৯৭৮-১৯৭৯)</i>
	Condition : Brittle / Good ✓
Editor : <i>শ্রীমতী বঙ্গবন্ধু, শ্রীমতী বঙ্গবন্ধু</i>	Remarks :

C.D. Roll No. : KLMLGK
------------------------



সম্পাদক—শ্রী প্রমথ চৌধুরী ।

সহকারী সম্পাদক—শ্রী নুরেশ চন্দ্র চক্রবর্তী

কার্তিক ও অগ্রহায়ণ, ১৩২৮ ।



## \*সেখকের প্রার্থনা

—:~:—

( ১ )

চুয়ার মাস আগে যে কলম আমার হাতছাড়া হয়েছে, সেই কলম আবার ধরবার মুহূর্তে সর্বাগ্রে, হে মানবের আত্মা, তোমার কাছে আমি মাথা নত করি। যে ভীষণ প্রলয়কাণ্ড পার হয়ে আমরা এসেছি, তার মধ্যে তুমি সর্বদাই নিজের পথ ও দিক নির্ণয়, নিজের স্বাধীনতা ও ধারাবাহিকতা রক্ষা করবার চেষ্টায় ফিরেছ, এবং তা পাবার আশা কখনও ত্যাগ করনি ;

হে মানবের বেদনা, তোমার কাছে আমি মাথা নত করি। নীরব তুমি, অসীম তুমি, কখনো তুমি পরীক্ষাদানে কুণ্ঠিত হওনি, সকলপ্রকার শারীরিক ও মানসিক যন্ত্রণা তুমি বুক পেতে নিয়েছ,— গোলাবর্ষণ, বারুদ-উৎক্ষেপ, বিষবাপ্পা, অগ্নিবাণ, দুর্ঘটকত, অঙ্গচ্ছেদ, ক্ষুধা, শৈত্য, ভয়, সংশয়, বিচ্ছেদ ও হতাশা ;

হে মানবের করুণা, তোমার কাছে আমি মাথা নত করি। পৃথিবীময় তুমি বিনীত ও একনিষ্ঠ সেবক নাগিয়ে তুলেছ, এবং সর্বত্র যেখানে ব্যথা সেখানে তাদের পাঠিয়ে দিয়েছ। সংক্রামক রোগ কর্দ্দম ও শীত, বস্ত্রাভাব ও গৃহদাহ, হিংসা নিরাশা ও নিঃসঙ্গতা,—এরাই ছিল তাদের প্রতিদ্বন্দ্বী ;

\*Jean Richard Bloch-এর *Carnaval est mort* নামক ফরাসী গ্রন্থ হইতে। এই ফরাসী লেখক চুয়ার মাস ইথোরোপীয় মহাসমরে যুদ্ধ করে' কাটিয়েছেন। কিন্তু এসে তিনি উপরিউক্ত গ্রন্থ লিখেছেন।

হে মানবের বন্ধুতা,—পুরুষে পুরুষে বন্ধুতা ও মেয়েতে মেয়েতে বন্ধুতা,—তোমার কাছে আমি মাথা নত করি। মনুষ্যজাতির উচ্ছেদসাধনের এই যে প্রচেষ্টা হয়েছিল, সে সময় তুমি প্রকৃতই জাতি-সংযোজনের কাজ করেছ। তুমি আমাদের সকলকে সহ করবার ও অগ্রসর হবার শক্তি দিয়েছ, আনন্দ ও আশাপূর্ণ মনে থাকবার বল দিয়েছ;

মানবের আত্মা, মানবের বেদনা, করুণা ও বন্ধুতা,—তোমাদের এই চতুর্ভুজের কাছে আমি মাথা নত করি, কারণ তোমরা আমার মনুষ্যজন্মগ্রহণের লজ্জানিবারণ করেছ। তোমরা আমার মনে এই বিশ্বাস দৃঢ়তর করেছ যে, নরজন্ম বা নারীজন্ম লাভ করায় যেমন বিপদভয় আছে, তেমনি গৌরবও আছে; নর এবং নারীর প্রতি তোমরা আমার ভক্তি শ্রদ্ধা ও প্রীতি বর্ধন করেছ।

( ২ )

আজ আমি ফিরে এসে এক নতুন পৃথিবী দেখছি। এ পৃথিবী যুদ্ধের আগেকার মতই আছে, সে কথা বললে শুনব না; আমাদের ছেলেরাই ঠিকমত বলতে পারবে যে কি-পরিমাণে এখনই আমরা এক আলাদা পৃথিবীতে বাস করছি, এবং কি-পরিমাণে আরও বেশি বদল হবার উপক্রম দেখা যাচ্ছে,—শুভস্ব স্বীভ্রম।

যে পুরাতন পৃথিবীতে আমরা মানুষ হয়েছি ও যেটি আমাদের সামনে আদর্শরূপে ধরা হয়েছে, সেই পৃথিবী থেকে হিংসা, অবজ্ঞা, শক্তিমত্তা, আত্মাভিমান ও উচ্চাকাঙ্ক্ষার একটি অবতারবিশেষ লোপ পেয়েছে।

আবার কলম ধরবার মুহূর্তে আমি এই প্রার্থনা করছি যে, এই যে পৃথিবী আমাদের সকলেরই ভার অতি সহজে বহন করতে পারে, এ

পৃথিবীপৃষ্ঠে প্রত্যেক মানুষে যেন আশ্রয়নিমিত্ত একটি স্থলব্য চাল, এবং ছেলেরদের স্বাস্থ্যপূর্ণ স্থখস্বাচ্ছন্দ্যে মানুষ করবার নিমিত্ত একটি সুযোগ্য ভূমিখণ্ড লাভ করে;

আমি এই প্রার্থনা করছি যে, এই যে পৃথিবী আমাদের সকলকেই অতি সহজে পোষণ করতে পারে, এ পৃথিবীপৃষ্ঠে প্রত্যেক মানুষের পক্ষে শরীরের খাচ্ছ এবং মনের খাচ্ছ যেন সমান সুপ্রাপ্য হয়;

আমি এই প্রার্থনা করছি যে, এই যে পৃথিবীতে সকলকারই পক্ষে পর্যাপ্ত ক্ষেত্র, মাগর এবং খনি রয়েছে, এ পৃথিবীপৃষ্ঠে আর কখনো যেন বলবীর্ঘ্য, গৌরব, সাম্রাজ্য, আত্মাভিমান, স্বার্থ বা জাতীয় প্রতিযোগিতার দোহাই দিয়ে মানুষের স্থখস্বাচ্ছন্দ্য নষ্ট না করা হয়;

আমি এই প্রার্থনা করছি যে, এই যে পৃথিবীর বাতাসে ও ধাত্বে কারোর চেয়ে কারো অধিকার কমবেশি নয়, এ পৃথিবীপৃষ্ঠে কোন পুরুষ বা কোন স্ত্রীলোক, অথবা কোন পুরুষ বা স্ত্রীলোকের দল যেন তার ঐশ্বর্য্য, বংশমর্যাদা বা দারিদ্র্যের নামে বাদবাকি সকলের উপর এমন কোন অত্যাচার শাসনতন্ত্র স্থাপন করতে না পারে, যার ফলে হৃদ্যাস্ত, ক্রুর এবং শঠ লোকের অভ্যুদয় অনিবার্য;

আমি এই প্রার্থনা করছি যে, এই যে পৃথিবী, যেখানে “কিছু না” থেকে “কিছু” উৎপন্ন হয় না, এ পৃথিবীপৃষ্ঠে যেন শ্রমকে সকলের পক্ষেই সমান কর্তব্যের ও সমান সম্মানের পদবীতে পুনঃপ্রতিষ্ঠা করা হয়,— অথচ এমন ধীরভাবে যাতে প্রত্যেকের স্বাভাবিক প্রবণতার ব্যাঘাত না ঘটে।

( ৩ )

আবার কলম ধরবার মুহূর্তে, যারা এই যুদ্ধে হত হয়েছে, সেই



পরিচিত-অপরিচিত বহুস্বদের আমার অন্তরের গভীরতম কৃতজ্ঞতা জানাই, কারণ জ্ঞাত বা অজ্ঞাতসারে, হেচ্ছায় বা অনিচ্ছায়, তারাই আমার মনুষ্যত্বের মর্যাদা রক্ষা করেছে;

যারা চিন্তাক্রিম্ভ মনে অথচ হস্তমুখে নিয়তির সম্মুখীন হয়েছে, আমার অন্তরের গভীরতম কৃতজ্ঞতা তাদের জানাই, কারণ তারাই আমার মনুষ্যত্বের মর্যাদা রক্ষা করেছে;

এই যুদ্ধব্যাপারের সময় যাদের মনে নিঃস্বার্থ কোন ভাব স্থান পেয়েছে, আমার অন্তরের গভীরতম কৃতজ্ঞতা তাদের জানাই, কারণ তারাই আমার মনুষ্যত্বের মর্যাদা রক্ষা করেছে।

এই মুহূর্তে আমি প্রতিজ্ঞা করছি যে, মানুষের দুঃখকষ্ট যেখানে দেখে সেইখানেই তার পোঁজ করা, প্রতিবাদ করা এবং দূর করার কাজে আরো বেশি করে আমার সমস্ত শক্তি নিয়োগ করব;

আমি প্রতিজ্ঞা করছি যে, মানুষের মর্যাদার যে সকল উপাদান— আত্মশক্তি, বেদনা, করুণা, বদ্ধতা, সহিষ্ণুতা, বিদ্রোহভাব, কাজ, স্বাধীনতা, আনন্দ ও নিঃস্বার্থপরতা,—আমার লিপিতাটুর্য্যকে তারই সাহায্যে ত্রুটি করব;

আমি প্রতিজ্ঞা করছি যে কখনো ভুলব না।

শ্রীইন্দিরা দেবী চৌধুরাণী।

## ভারতের শিক্ষার আদর্শ\*

৪র্থ পরিচ্ছেদ।

সজীব পদার্থ মাত্রেই শিক্ষার মত নিজেকে অতিক্রম করে অনেক দূর ব্যপ্ত হয়ে থাকে। অতএব তার একটা ক্ষুদ্র এবং একটা বৃহৎ সত্তা আছে। এর এই ক্ষুদ্র সত্তা আমাদের ইন্ডিয়ের গোচর হয়— একে আমরা স্পর্শ করতে—ধারণ করতে এবং আয়ত্ত করতে পারি। এর অপর সত্তাটা অনির্দিষ্ট। এর কোনও নির্দিষ্ট সীমা নাই—এ দেশে এবং কালে অসীম হয়েই বিস্তৃত হয়ে থাকে। যখন আমরা বিদেশের বিশ্ববিদ্যালয়গুলিকে দেখি তখন তাদের এই ক্ষুদ্রতর সত্তা অর্থাৎ তাদের অট্টালিকাশ্রেণী— তাদের আসবার পত্র ও তাদের আইন কানুনই প্রধানতঃ আমাদের চোখে পড়ে। এর বৃহত্তর সত্তা আমরা দেখতে পাই না। নারিকেলের শাঁস যেমন সমগ্র নারিকেলকেই আশ্রয় করে থাকে তেমনি ইউরোপীয় বিশ্ব-বিদ্যালয় গুলিও তাদের সমগ্র দেশকে আশ্রয় করে আছে। কি সমাজে, কি রাজনীতি ক্ষেত্রে, কি সাহিত্যে দেশের সমস্ত চেফ্টার মধ্যেই তারা স্থান পায়। যে সব ভাব তাদের পাঠ্যগ্রন্থে প্রকাশিত হয় সেই সব ভাব যে সব মানুষের চিন্তা—চেফ্টা ও সমালোচনা থেকে উদ্ভূত সেই সব মানুষ সজীব ভাবেই তাদের মধ্যে বর্তমান থাকে।

\*রবীন্দ্রনাথের The centre of Indian culture নামক গ্রন্থের অঙ্কন।



সজীব চিন্তের সাধারণ যোগসূত্রের দ্বারা তাদের শিক্ষক এবং ছাত্র-মণ্ডলী একই শিক্ষার সম্বন্ধে যুক্ত হয়ে থাকে, তাদের এই যোগ সজীব ও জ্যোতির্শ্বর্য। মোটের উপর তাদের শিক্ষার একটা চিরস্থায়ী আধার আছে—সেটা তাদের চিন্তা; তার একটা উৎস আছে—সেটা তাদের অনুশীলন এবং সেই শিক্ষাকে প্রয়োগ করবার একটা ক্ষেত্র আছে—সেটা তাদের সামাজিক জীবন। তাদের চিন্তা অনুশীলন ও জীবন যাত্রার মধ্যে এই যে একটা সজীব যোগ আছে এরই দ্বারায় তারা ভিন্ন ভিন্ন কাল হতে সত্য আহরণ করে—তাকে অনুশীলনের দ্বারা জীর্ণ করে তাই দিয়ে তাদের সভ্যতাকে নব নব সম্পদে মণ্ডিত করতে পেরেছে।

পক্ষান্তরে যারা আমাদের বিশ্ব বিদ্যালয়ের ছাত্রদের মত বাস্তবিক মানসিক উন্নতির জ্ঞান নয়—কেবল বাহিরের স্তব্ধতা লাভের তরে গ্রন্থের উপর সম্পূর্ণ নির্ভর করে, তাদের মন ও বুদ্ধি স্বভাবতঃই শীর্ণ হয়ে পড়ে। যে সব শিশু কৃত্রিম ছুপ খায় তাদের স্বাস্থ্যের যে দশা হয় এইরূপ লোকের মন ও বুদ্ধিরও সেই দশা হয়ে পড়ে। তাদের বুদ্ধিতে সাহস থাকে না, তার কারণ তারা যে সব ভাব শিক্ষা করতে বাধ্য হয় সেই সব ভাব যে বেটন এবং যে প্রক্রিয়ার মধ্য দিয়ে গঠিত তারা তার পরিচয় লাভ করবার আদৌ অবকাশ পায় না। এই রূপে সেই সব ভাবের ইতিহাস তাদের কাছে অজ্ঞাত থেকে যায় এবং তাদের সম্বন্ধে তাদের এই পরিপ্রেক্ষিত ধারণার অভাব বশতঃ তারা তাদের তাৎপর্য যথাযথ গ্রহণ করতে পারে না। তারা শাদার উপর কাল রঙের মুদ্রিত অক্ষরের মায়ায় একেবারে অভিভূত হয়ে পড়ে; সেই অক্ষরের আদি যে মানুষ তাকে বিস্মৃত

হয়। তারা যে এইরূপে শুধু বিদেশী সভ্যতার অনুকরণ করে তাহা নহে—তাদের বিচারের আদর্শকেও তারা বিদেশীর কাছে ধার করতে থাকে। অতএব শুধু যে টাকাটা তাদের নিজের নয়—তা নয়—এই টাকা তারা যেখানে রাখে সে পকেটটা পর্য্যন্ত অপরের। আমাদের এই শিক্ষার বাহনটা আমাদের তার মধ্যে চড়িয়ে বহণ করে না—এ তার পশ্চাতে আমাদের বেঁধে টেনে হিঁচড়ে চলে। এই দৃশ্য যেমন করণ তেমনি হাঙ্গর। যে ইউরোপীয় সভ্যতার সত্য ও শক্তি তার গতিশীলতার উপর প্রতিষ্ঠিত তাহাই আমাদের কাছে আমাদের প্রাচীন শাস্ত্রের মত আড়ষ্ট হয়ে উপস্থিত হয়। প্রাচীন শাস্ত্রকে আশু বাক্য বলে আমাদের মন যেমন তার সমালোচনা করতে সাহসী হয় না—ইউরোপীয় সভ্যতার সম্বন্ধে আমাদের আচরণও সেইরূপ দাঁড়িয়েছে।

এই করে আমরা সজীব সত্যের গতিশীলতাকে হারিয়েছি। ইংরাজের চিন্তা আদি ভিক্টোরিয়া যুগ থেকে মধ্য ভিক্টোরিয়া যুগে এবং মধ্য ভিক্টোরিয়া যুগ থেকে ভিক্টোরিয়ার পরবর্তী কালে কত ভাব—কত আদর্শ পরিবর্তনের মধ্য দিয়ে চলেছে তা' দেখলে বিস্মিত হতে হয়।

আর আমরা? আমরা যদিও সেই ইংরাজের নিকট হতে শিক্ষা গ্রহণ করছি—তথাপি আমরা সেই সব ভাব ও আদর্শের একটা না একটাকে ধরে তাদেরই সনাতন বলে ধরে বসে আছি। আমরা আমাদের শিক্ষকদের চলমান চিন্তের তালে তালে চালাতে পারছি না—আমরা কেবল এক বিন্দু থেকে আর এক বিন্দুতে লাফিয়ে চলতে চলতে জীবনের সামঞ্জস্য থেকে ভ্রষ্ট হচ্ছি। আমাদের মধ্যে



কেহবা মিল—বেস্লাম, কেহবা চেক্কারটগ্—বার্ণার্ড সর মতের মধ্যেই নিবন্ধ হয়ে চলেছি। তাদের পরস্পরের মধ্যে যে একটা ঘাত প্রতিঘাতের অনিবার্য যোগ আছে তা'আমরা দেখতে পাই না। আমরা আমাদের শিক্ষা-ব্যবস্থাকে বর্তমান যুগের উপযোগী বলে যখন গর্ব করি তখন একথা বিস্মৃত হই যে বর্তমানকে অতিক্রম করে অনাগতের মধ্যে উত্তীর্ণ করাই শিক্ষার উদ্দেশ্য।

৫ম পরিচ্ছেদ।

—ঃঃ—

সজীব সূত্রের মধ্য দিয়েই জীবনের সহিত জীবনের সন্মিলন ঘটে; সুতরাং চিন্তের প্রাণ যে শিক্ষা তা কেবল জীবন্ত মানুষের মধ্য দিয়েই জীবন্ত মানুষের মধ্যে সঞ্চারিত হতে পারে। পুঁথিগত বিজ্ঞা এবং শাস্ত্রের সূত্র কেবল আমাদের বিজ্ঞাভিমানকে বাড়িয়ে তোলে মাত্র। এই সব শিক্ষা স্থাবর বলে পরিমানে সহজেই বেড়ে যায়। এইরূপে অঙ্কিত শিক্ষার সঙ্করকে সতর্কতার সহিত রক্ষা করায় আমরা এক প্রকারের ভোগস্বখ অমুভব করি। কিন্তু প্রকৃত যা' শিক্ষা তা অমুশীলনের দ্বারায় কেবলি চলতে থাকে, বাড়তে থেকে এবং দিন দিন অধিকতর প্রাণময় হয়ে ব্যাপ্ত হয়ে পড়ে।

ইউরোপীয় বিশ্ববিদ্যালয়ের ছাত্রেরা যে শুধু তাদের সমাজে শিক্ষিত মানুষের বেষ্টিনের মধ্যে বাস করে তা নয় তারা তাদের

শিক্ষকের কাছ থেকে অব্যবহিত ভাবেই তাদের শিক্ষা গ্রহণ করে। তারা সিদ্ধা সূর্যের নিকট হতেই আলোক পায়। শিক্ষক এবং ছাত্রদের মধ্যে যে একটা মানবীয় সম্বন্ধ আছে তাহাই এ স্থলে সূর্যের কাজ করে। আমাদের এই সূর্যের স্থলে আছে কঠিন চকমকি পাথর অনেক পরিশ্রমের পর অনেক ঠোকাঠুকি করে আমরা তা থেকে অসম্বন্ধ ফুলিঙ্গ সৃষ্টি করি মাত্র। তাতে যতটা আলোক উৎপন্ন হয় তার চেয়ে শব্দটাই বেশী হয়ে পড়ে। বস্তু বিবর্জিত পুঁথিগত শিক্ষাই এই চকমকি। এ এক কঠিন প্রথার মধ্যেই আবদ্ধ।

আমাদের দুর্ভাগ্যবশতঃ আমাদের দেশে ইউরোপীয় বিশ্ববিদ্যালয়ের সকল আসবাবই আছে, নাই কেবল শিক্ষা দিবার এই মানুষটা। তার পরিবর্তে আমাদের এখানে আছে পুঁথিগত শিক্ষা সরবরাহ করবার একপ্রকারের যোগাড়ে। মনে হয় পুস্তকালয়ের অধিদেবতাটী যেন মুর্তিমান হয়ে তাদের মুখে কথা কইছে। তারা এই দেবত্বের গর্বেই আমাদের ছাত্রদের স্বভাবতঃ অস্পৃশ্য ভেবে দূরে রেখে চলেন। এই দূর থেকে তারা ধীরে ধীরে আলগোচে আলগোচে ছাত্রদের মধ্যে শিক্ষার দান বিতরণ করতে থাকেন এবং পাছে জাত যায় এবং শুচিতা নষ্ট হয় এই ভয়ে তারা তাদের নিজেদের এবং ছাত্রদের মধ্যে নোটবুকের প্রাচীর তুলে ব্যবধানের পর ব্যবধান রচনা করেন। এইরূপে অবজ্ঞার মধ্যে আমরা যে খাণ্ড পাই তাতে রুচিও থাকে না এবং পেটও ভরে না। দুর্ভিক্ষের সময় সরকার বাহাদুর অনশন মুক্তার হাত থেকে বাঁচাবার জন্ম যে রসদ বিতরণ করেন তাতে যেমন তুষ্টি হয় না স্কাণও ক্রমে প্রাণটা বাঁচে মাত্র এও ঠিক তাই। যে শিক্ষা মানুষের প্রয়োজনকে

অতিক্রম করে করে চলে এ সে শিক্ষা নয়। এ এমন কি আমাদের একান্ত প্রয়োজনের চেয়েও কম।

যতদিন পর্য্যন্ত আমরা একথা প্রমাণ করতে না পারব যে আমাদের নিয়ে বিশ্বের দরকার আছে আমাদের ছেড়ে সে টিকে পাবে না আমরা এ জগতে পরের সাধনার উপজীবী হয়ে একান্ত গলগ্রহ হয়ে বেঁচে থাকতে আসি নি—আমরা ভিক্ষুক নহি এবং আমাদের দেনা পরিশোধ দেবার যোগ্যতা আছে ততদিন পর্য্যন্ত আমাদের পনের অনুগ্রহের অপেক্ষা করে থাকতেই হবে। কখনও অপেক্ষা করে, কখনও তোষামোদ করে কখনও বা দাসত্ব করে কিম্বা অপর কোনও না কোনও লাঙ্গুল সঞ্চালন বিছার ঘারাই আমাদের এই অনুগ্রহটুকু পেতে হবে।

যতদিন পর্য্যন্ত আমরা বিশ্বকে শ্রদ্ধার যোগ্য কিছু দিতে না পারি ততক্ষণ পর্য্যন্ত আমাদের কিছু দিবার তরে কারও আগ্রহ থাকতে পারে না। কিন্তু এর তরে আমরা কাকে অপরাধী করব? যে মানুষ কেবল বেঁচেই থাকে কিছু উৎপাদন করতে পারে না তাঁকে নিখিল বিশ্বের সমগ্র পতিত ভূমি দান করলেও তার জন্ম সংস্থানের পক্ষে যথেষ্ট হবে না। তাহলে সমস্ত দেশটাকে আতুর-শালায় পরিণত করতে হয়। কঠোর হলেও এই সত্যটিকে আমাদের হৃদয়ঙ্গম করতেই হবে যে যদি দয়াপরবশ হয়ে আমাদের কেউ দানও করে তাহলেও এইরূপ অবস্থায় আমরা সে দান বস্তুতঃ লাভ করতে পারব না। কেন না জলেই জল বাধে হৃদই বৃষ্টির জলকে গ্রহণ করে রক্ষা করতে পারে মরুভূমিতে বৃষ্টির জল শুকিয়ে যায়। হৃদের গভীরতার মধ্যে গ্রহণ এবং দান এই দুই তত্ত্বই পাশাপাশি

আছে বলেই তার এই যোগ্যতা। ষার আছে সেই পায়; তা না হলে দানেরও সম্ভান থাকে না এবং যে গ্রহণ করে সেও অসম্মানিত হয়। কিন্তু আমরা ভিক্ষুবৃত্তিতে এত অভ্যস্ত হয়ে পড়েছি যে আমরা এই সরল সত্যটিকেও উপলব্ধি করতে পারি না। পাছে সত্যশিক্ষার চেষ্টা করতে গিয়ে তুচ্ছ একটা স্লবোগ থেকে বঞ্চিত হয়ে পড়ি এই ভয়েই আমরা শঙ্কিত হয়ে থাকি। কেরাণীগিরির যোগ্যতার জন্ম প্রস্তুত হবার পথে পাছে বিঘ্ন ঘটে এই ভয়ে আমরা সত্যশিক্ষার আকাজক্ষা করতেও সাহসী হই না। ঘোড়ার পক্ষে গাড়ী যেমন আমাদের শিক্ষাও আমাদের পক্ষে ঠিক তেমনি। গাড়ী ঘোড়ার পক্ষে এক প্রকারের বন্ধন তাকে টানলেই সে তার প্রভুর আস্তাবলে ঠাঁই এবং আহার পায় বটে কিন্তু গাড়ীর উপর মালিকের যে স্বাধীন অধিকার আছে ঘোড়ার তা' নাই, এরই তরে গাড়ীটা চিরকালই ঘোড়ার পক্ষে একটা বিভীষিকাময় ভার হয়ে থাকে। আমাদের শিক্ষাও আমাদের পক্ষে তাই হয়েছে। পেটের দায়ে প্রয়োজনের তাগিদেই একে আমরা বহন করে ফিরি।

৬ষ্ঠ পরিচ্ছেদ।

—:০:—

কেমন করে জাতীয় জীবন থেকে জন্ম-লাভ করে একটা বিশ্ব-বিজ্ঞান্য ক্রম বিকাশের দ্বারা গড়ে উঠে যথাকালে কার্যকরী হয় এবং কোন অবস্থার ক্ষেত্রে বিশ্ব-বিজ্ঞান্যের প্রতিষ্ঠা ব্যর্থ হয় তারই নজীর স্বরূপ আমি এইবার একটা ঐতিহাসিক দৃষ্টান্ত উদ্ধৃত করছি।



ইউরোপে যে যুগকে তমিস্র যুগ বলে অভিহিত করা হয়— যখন বর্বরদের আক্রমণে রোমের চিন্তপ্রদীপ নির্বাপিত হয়ে গেল সেই সময় পশ্চিম মহাদেশের মধ্যে আয়ারল্যান্ডেই শিক্ষা মাথা তুলেছিল। ইউরোপের অপরপার দেশ থেকে ছাত্ররা শিক্ষার উদ্দেশ্যে আয়ারল্যান্ডে সমবেত হত। আমাদের সংস্কৃত পাঠশালায় মত ছাত্ররা সেখায় বিনা খরচায় বাসস্থান, আহার এবং পুস্তক পেত। আইরিস্ সম্রাসীরাই নির্বাপিত প্রায় খৃস্টান ধর্ম এবং খৃস্টান সভ্যতার ধুমায়মান শিখাকে পুনর্জীবিত করেছিল। চার্লসম্‌ প্যারিসের বিশ্ব-বিদ্যালয় স্থাপনের সময় ক্রেমেন্স নামক একজন আইরিস্ সম্রাসীর সহযোগিতা লাভ করেছিলেন। আইরিসরা যে সে সময় সভ্যতার অনেক উচ্চতা লাভ করেছিল এর আরও অনেক প্রমাণ আছে। যদিও রোম এই সভ্যতার আদিভূমি তথাপি দীর্ঘকালব্যাপী মিলনের দ্বারা আইরিস্দের চিত্ত এবং জীবনের সহিত এ এমনি অনুরঞ্জিত হয়ে উঠেছিল যে একে সম্পূর্ণ ভাবে আইরিস্ বলেই ভ্রম হত এবং আইরিস্ ভাষাই এই সভ্যতার বাহন ছিল।

যখন ডেন্ এবং ইংরাজরা আয়ারল্যান্ড আক্রমণ করল তখন তারা আইরিস্ বিদ্যা-মন্দিরগুলিতে আগুণ ধরিয়ে দিল—পাঠাগার নষ্ট করল এবং শিক্ষালয়ের শিক্ষক এবং ছাত্রদের হত্যা করল বা উৎপীড়ন করে দ্বিগ্ন ভিন্ন করে দিল। এর পরও দেশের যে সব অংশ স্বাধীন রৈল এবং এই সব অত্যাচারের হাত থেকে নিষ্কৃতি পেল সেখানে এখনও আইরিস্ ভাষাতেই শিক্ষার আদান প্রদান চলতে লাগল। অবশেষে এলাইজবের্থের সময় যখন আয়ারল্যান্ড সম্পূর্ণ ভাবে ইংরাজের অধিকারে গেল তখনই সে তার স্বদেশী বিশ্ব-বিদ্যালয়

প্রকৃতপক্ষে হারাল। তারপর থেকে শিক্ষা ও অমুশীলনের ক্ষেত্র থেকে নির্বাসিত হয়ে আইরিস্ ভাষা ক্রমে ক্রমে অবজ্ঞেয় হয়ে দেশের ইতর শ্রেণীকে আশ্রয় করে বেঁচে রৈল মাত্র। তারপর ঊনবিংশ শতাব্দীতে আবার জাতীয় বিদ্যালয়ের আন্দোলন আরম্ভ হ'ল। আইরিসরা তাদের শিক্ষার প্রতি স্বাভাবিক ভালবাসা বশে এই আন্দোলনকে সাগ্রহে বরণ করে ছিল। এ্যাংগ্লো-সাক্সন— ছাঁচে আইরিস্দের গড়ে তোলাই এই আন্দোলনের উদ্দেশ্য ছিল; কিন্তু ভালর তরেই হউক কিম্বা মন্দর তরেই হউক বিধাতা ভিন্ন ভিন্ন জাতকে ভিন্ন ভিন্ন ধারায় সৃষ্টি করেছেন; তাদের একজন যদি আর একজনকার জামা পরে তা বেমানান না হয়ে থাকতে পারে না। যখন এই আন্দোলন সূচিত হল তখন শতকরা ৮০ জন আইরিস্ মাতৃভাষা ব্যবহার করত; কিন্তু দশের ভয় দেখিয়ে একান্ত জবরদস্তি করেই তাদের মাতৃভাষা এবং স্বদেশের ইতিহাস আলোচনা ত্যাগ করতে বাধ্য করা হয়েছিল।

এর পরিণাম যে শোচনীয় হয়ে ছিল তার উল্লেখ মাত্রই বাহুল্য। সমস্ত দেশের মন যেন একেবারে মত্ত-বলে অসাড় হয়ে গেল। আইরিস্ ছাত্ররা এই সব বিদ্যালয়ে সজীব বুদ্ধিবৃত্তি এবং শিক্ষার কোঁতুহল নিয়ে প্রবেশ করত; কিন্তু সেখান থেকে যখন বের হত তখন তাদের বুদ্ধি পঙ্গু হয়ে যেত এবং শিক্ষার রুচিও লোপ পেত। এই যান্ত্রিক ব্যবস্থা থেকে উৎপন্ন হ'ত তোতাপাখী।

এক দেশের অবস্থা কখনও অপর দেশের সমান হতে পারে না। ইংরাজ আয়ারল্যান্ডে শিক্ষার যে প্রণালী অবলম্বন করেছিল ভারতে সে ঠিক সেই প্রণালী অবলম্বন না করেও থাকতে পারে; কিন্তু



তার পরিণামের মধ্যে যেন এক জায়গায় একটা সাদৃশ্য দেখতে পাওয়া যায় সেটা হচ্ছে এই যে আমাদের চিন্তা আমাদের শিক্ষার মধ্যে ধরা পড়ে না। আমাদের নিজেদের মন বলে যে একটা জিনিষ আছে এই শিক্ষা ব্যবস্থাতে তাকে একেবারে উপেক্ষা করা হয়; অর্থাৎ আমাদের দেশে শিক্ষার যে সব খাল কাটা হয় তাতে কর্তাদের দক্ষতার যে পরিচয় পাই তাতে বিস্মিত হতে হয় বটে এবং তার খরচও খুব বেশী হয়ে পড়ে; কেবল তাতে অভাব থাকে জলের। তার ফল এই হয় কর্তারা জলের দোষ দেন এবং আমরা জলের পক্ষ নিয়ে কর্তাদের দোষ দিই। ইতিমধ্যে খাল থেকে যায় শুধু। কর্তাদের পাছে ক্রোধের উদ্রেক হয় এই আশঙ্কায় আমার বলতে সঙ্কোচ হচ্ছে বটে; কিন্তু এ সম্বন্ধে সত্য গোপন করতেও প্রবৃত্তি হয় না। সেই সত্যটা এই যে দেশের স্বাভাবিক পরোপ্রণালীকে রুদ্ধ করা হয়েছে বলেই দেশও এইরূপে প্রতিশোধ তুলছে।

৭ম পরিচ্ছেদ।

—:—

পরভাবার মধ্য দিয়ে দেশের শিক্ষা যে সফলতা লাভ করতে পারে না এ কথাটি স্তব্ধসিদ্ধ। অপর কোনও দেশে এ সম্বন্ধে কোনও তর্কই উঠত বলে অনুমান হয় না; কিন্তু দুর্ভাগ্যবশতঃ আমাদের দেশে এই স্তব্ধসিদ্ধ সত্যটা প্রচলিত মতের বিরোধী হয়ে পড়ায় এর উল্লেখ মাত্রই আমাদের স্বেচ্ছাপ্রধান আত্মা বিদ্রোহী হয়ে উঠে

তাহলেও সত্য মাত্রই উপাদেয়। তার উল্লেখ আর যাই হোক তাতে কারও বস্তুতঃ কোনও ক্ষতি হতে পারে না। এই বিশ্বাসে অনেকের অশ্রিয় হলেও আমি একথা বলতে সাহসী হচ্ছি যে যখন আমরা ইংরাজি ভাষায় শিক্ষা গ্রহণ করতে বাধ্য হই তখন সেই ভাষার দুয়ারে যা দিতে দিতে আর তার চাবি খুলতেই আমাদের জীবনের শ্রেষ্ঠ অংশটা কেটে যায়। ঘরের ভিতরে ভোজনের সকল আয়োজন প্রস্তুত হয়ে থাকতে পারে কিন্তু সেই ঘরে প্রবেশ করতে আমাদের যে কষ্টভোগ এবং কালবিলম্ব করতে হয় তাতে ভোজনের রুচি চলে যায় এবং দীর্ঘ উপবাসের দ্বারা পেটেরও হজম শক্তি হ্রাস পেয়ে আসে। ব্যাকরণের সূত্র এবং শব্দের বানান চিবুতে চিবুতেই চোয়াল ধরে আসে—শিক্ষার যা আসল রস ভাব তা' যখন অবশেষে গ্রহণ করবার সময় আসে তখন তা গ্রহণ করবার রুচিও ক্লান্ত হয়ে পড়ে।

যদি কেহ বালুময় জলহীন মরুভূমির উপর বৃক্ষরোপন করবার সংকল্প করে তাকে যে শুধু দূর থেকে বীজ আহরণ করতে হবে তা' নয়; তাকে মাটি এবং জলও দূর থেকে বহন করে আনতে হবে। এইরূপ কষ্ট স্বীকার করবার পর যদি বা মরুভূমিতে গাছ গজায় তা' নিশ্চয়ই খর্ব হয়ে জন্মাবে। তাতে যদি ফলও ধরে তথাপি সে ফল থেকে কখনই বীজের উদ্ভব হবে না। আমরা আমাদের বিশ্ব-বিদ্যালয় হতে যে শিক্ষা-লাভ করি তা' এই মরুভূমির আবাদের শস্যেরই অনুরূপ। এখানে শুধু যে জ্ঞান এবং আদর্শ বিদেশ থেকে আনতে হয় তা' নয়; ষাঘাটা পর্য্যন্ত সাত সমুদ্র তের নদী পার করে না আমদানী করলে এখানে চলে না। এর ফলে আমাদের শিক্ষা



যেমন অস্পষ্ট তেমনি দূর ও অসত্য হয়ে পড়েছে—এর সহিত আমাদের জীবন যাত্রার কোনও যোগ নাই। সময়—স্বাস্থ্য এবং অর্থের দিক থেকে এ আমাদের পক্ষে অসম্ভবরূপে ব্যয় সাপেক্ষ হয়ে পড়েছে; কিন্তু এর থেকে যে ফল পাই তা শূন্যতা ভিন্ন অপর কিছুই নয়।

শিক্ষকতা সম্বন্ধে আমার যে টুকু অভিজ্ঞতা আছে তাতে আমার বোধ হয় অধিকাংশ ছাত্রেরই ভাষা শিক্ষা করবার শক্তি নাই। এই শ্রেণীর ছাত্রদের পক্ষে ইংরাজি ভাষার মধ্য দিয়ে প্রবেশিকায় উত্তীর্ণ হওয়া যদিও সম্ভব হয়; কিন্তু তার পরবর্তী উচ্চতর সোপানে তাদের ভাগ্যে দুর্দৈব-ঘটনা অবশস্তাবী হয়ে পড়ে। ভারতীয় ছাত্রের দ্বারা ইংরাজি ভাষা আয়ত্ত্ব করার পক্ষে অনেক বাধা দেখতে পাই। আমাদের যে মন আজন্ম মাতৃভাষায় চিন্তা করে তার মধ্যে এই বিদেশী ভাষাকে প্রবেশ করানোর চেষ্টা দেশী খাঁড়ার খাপে বিলাতী তলোয়ার প্রবেশ করানোর চেষ্টারই অনুরূপ। তা' ছাড়া ইংরাজিতে পারদর্শী শিক্ষকের সহায়তা পাওয়া আমাদের শিক্ষার প্রথমাবস্থায় অনেকরই ভাগ্যে ঘটে না বলে আমাদের ভিত্তি প্রায়ই কাঁচা এবং বিকৃত হয়ে থাকে। অতএব রামায়ণের হনুমান বিশাল্যকরণী চিন্ত না বলে তাকে যেমন সমগ্র গন্ধমাদন পর্বতটী ঘাড়ে করে নিয়ে যেতে হয়েছিল আমাদের ছাত্রদেরও সেই দশা হয়—ভাষার ব্যবহার থেকে বঞ্চিত হওয়ার অগত্যা তাদের সমস্ত পুস্তকটিকে আছন্ত মাথার মধ্যে বহন করে ফিরতে হয়। যাদের অসামান্য মেধা এমন দু'একজন এই অবস্থায় শেষ পর্যন্ত যায় বটে; কিন্তু সাধারণ ছাত্রদের কাছে এতটা প্রত্যাশা করা অশায়।

এখন কথা হচ্ছে এই যে জন্মাবধি—সঞ্চারিত স্বভাবের কোনও বিকলতা—বলে হটক কিম্বা দৈব-দুর্বিপাকেরই হটক যে সব ছাত্র ইংরাজি ভাষা আয়ত্ত্ব করতে পারে না তাদের এই অপরাধ কি এতই গুরুতর যে তাদের বিশ্ব-বিদ্যালয় থেকে একেবারে চিরতরে নির্বাসিত করতে হবে। এক সময়ে ইংলণ্ডে চোরের ফাঁসি হত। আমার বোধ হয় আমাদের বিশ্ব-বিদ্যালয়ের এই আইন তার চেয়েও কঠোরতর। এখানে চুরি করতে না পারার তরে নির্বাসন দেওয়া হয়। যদি কাপড়ের মধ্যে লুকিয়ে পরীক্ষাগারে বই নিয়ে যাওয়া দোষাবহ হয় তাহলে মস্তিষ্কের ভিতর একটা বই পুরে নিয়ে যাওয়া কেন যে দণ্ডনীয় হবে না আমি বুঝতে পারি না।

যারা মুখস্থ করে কোনও গতিকে পরীক্ষায় উত্তীর্ণ সেই সব ভাগ্যবান ছাত্রদের অভিমুক্ত করা আমার অভিপ্রেত নয়; কিন্তু যারা পিছু পড়ে থাকে তাদের পক্ষে যদি হাওড়ার পুলের উপর যাতায়াত করা নিষিদ্ধ হয়েও যায় তাহলেও তাদের পারাপারের তরে একটা খেয়া, ষ্টীমার কিম্বা একটা দেশী খেয়া নৌকারও ব্যবস্থা করা উচিত নয় কি? যারা কেবল মাত্র ইংরাজি ভাষা আয়ত্ত্ব করতে পারুল না অথচ যাদের শিক্ষার ইচ্ছা আছে এবং শিক্ষার অপর বিষয় আয়ত্ত্ব করবার যোগ্যতাও আছে এমন হাজার হাজার ছাত্রকে শিক্ষার সকল সুযোগ থেকে বঞ্চিত করে আমরা জাতীয় শক্তির যে অপব্যয় করছি তা অবলেও স্তম্ভিত হতে হয় এবং তার পাপ যে প্রায়শ্চিত্তের অপেক্ষায় পুঞ্জিত হচ্ছে একথা বলাই বাহুল্য। এইখানে এই কথা উঠতে পারে:—“তুমি দেশী ভাষায় উচ্চ শিক্ষা দেব বলছ; কিন্তু দেশী ভাষায় উচ্চ শিক্ষার উপযোগী পাঠ্য গ্রন্থ যে নাই সে কথা



‘‘যরণ করেছ কি ?’’ এর উত্তর এই যে আমি জানি দেশী ভাষায় যতদিন পর্য্যন্ত উচ্চ শিক্ষা দিবার ব্যবস্থা না হয় ততদিন দেশী ভাষায় উচ্চ শিক্ষার উপযোগী গ্রন্থ রচিত হতেই পারে না। যে টাকার প্রচলন নাই এমন টাকা টাক্ষালে তৈরি হবে এ প্রত্যাশা করা বাতুলতা মাত্র।

—

৮ম পরিচ্ছেদ।

—:—

আয়াল্যাদের দৃষ্টান্ত থেকে আমরা আর একটি শিক্ষা-লাভ করতে পারি। আগে জলের সঞ্চয় হলে তবে তাতে যেমন মাছ আসে তেমনি প্রকৃত শিক্ষক থাকলে তবে তাদের দিকে ছাত্ররা আকৃষ্ট হয়। প্রকৃত শিক্ষাই তখন ছাত্রদের লক্ষ্য হয়। তখন আর তাদের তক্কার লোভ থাকে না। বাজার দরের ছাপ পিঠের উপর মুদ্রিত করে দিতেও তাদের আর প্রবৃত্তি হয় না।

একদা মানসিক উন্নতির যুগে যখন ভারতবর্ষে এমন লোক ছিল যাদের চিন্তা চিন্তা এবং জ্ঞানে পরিপূর্ণ থাকত তখনই ভারতে নালন্দা এবং তক্ষশীলার ছাত্র-শিক্ষক-কেন্দ্রে স্বভাবতঃ গঠিত হয়ে উঠেছিল। এখন যে হেতু ছাপ নেওয়াই আমাদের শিক্ষার লক্ষ্য হয়েছে—সেই জন্তই আমরা বিশ্ব-বিদ্যালয় প্রতিষ্ঠা করতে গিয়ে উল্টা দিক থেকেই আরম্ভ করি—প্রথমে শিক্ষকের যোগাড় না করে ছাত্রের সন্ধানে ব্যস্ত হই। এ টিক ল্যাজের দিক থেকে মূর্ত্তি গড়ায়ই অমুরূপ

কিন্দা প্রথমে পাত করে অভ্যাগতদের বসিয়ে দিয়ে রান্নার যোগাড় করতে যাওয়ার মতই হাত্তকর। তখন কাজেই নিমন্ত্রিতদের মন ভুলাবার তরে ভোজ্যতালিকাকে অতি রঞ্জিত করতে হয়। ওরে এ জিনিসটা আন ও জিনিসটা আন বলে কেবলি চিৎকার করতে থাকি কিন্তু কোনও জিনিসই এসে জুটে না—আমরা তখন একথা ভুলে যাই যে শুধু চিৎকার করে শূন্যতাকে ঢাকতে পারা যায় না এবং চিৎকারে পেটও ভরে না।

যখন ছাত্র সংগ্রহের তরে আমরা অতীব উদ্বিগ্ন হয়ে পড়ি তখন মানুষের মন ভুলাবার ছলা কলার দরকার হয়ে পড়ে—তা' না হলে চার জমে না। তখন একরাতের মধ্যে আমাদের স্থূর্দীর্ঘ পাঠ্য তালিকা প্রস্তুত করে তুলতে হয়—তখন বিদেশীর প্রতি লোকের উক্তি আকর্ষণ করতে হয়—তখন মানুষের মনকে পথভ্রষ্ট এবং বিশৃঙ্খল করে দেবার তরে নানাবিধ মায়ী জাল বিস্তার করাই আমাদের কাজ হয়ে পড়ে।

আমাদের মনকে মন্ততার হাত থেকে বাঁচাবার তরে এবং আমাদের উদ্দেশ্যের মধ্যে সঙ্গতি রক্ষার তরে পাঠ্যতালিকার বিস্তারের এবং ছাত্র সংখ্যা বৃদ্ধির উদ্দেশ্যে দূর করে দিতে হবে এবং আমাদের বর্তমান শিক্ষালয়গুলিকে সম্পূর্ণ বিস্মৃত হতে হবে।

তারপর যারা তপস্বী দ্বারা নিজেদের চিন্তাকে উৎকর্ষিত করেছেন—যারা জ্ঞান রাজ্যে স্থপ্তি করবার ক্ষমতা লাভ করেছেন—এক কথায় যারা বিদ্যাদান করবার যোগ্য হয়েছেন সেই সব মনিষীদের সমবেত করে সত্য সন্ধানের চেষ্টায় ব্যাপ্ত করতে হবে। এই পথেই আমরা সেই শক্তি লাভ করব যার দ্বারায় সত্যাকার বিশ্ব-



বিদ্যালয় আমাদের ভিতর থেকে স্বতঃই সৃষ্টি হয়ে জীবনের সত্যতার মধ্যে সার্থক হবে।

আমাদের একথা বুঝতেই হবে যে দেশের চিন্তা-শক্তিকে এই ভাবে সংহত করাই বিশ্ব-বিদ্যালয়ের প্রধান কাজ; কেননা ইহাই সৃষ্টি-শক্তির যথার্থ কেন্দ্র এবং এই খানেই দেশের শক্তি সমূহ দানা বেঁধে উঠবে।

৯ম পরিচ্ছেদ।

—:~:—

অনেকে বলেন ভারতবর্ষে বহু ভাষা প্রচলিত থাকায় এখানে এইরূপ চিন্তার একতা আনয়ন করা খুবই দুর্লভ এমন কি অসম্ভব বললেও অত্যাুক্তি হয় না।

আমি একথা মানি কিন্তু সকল জাতকেই সার্থকতা লাভ করবার তরে একটা না একটা গুরুতর সমস্যার সমাধান করতে হয়েছে— যে জাত তাতে অকৃতকার্য হয়েছে তারা অধঃপাতে গেছে। সকল সভ্যতাই দুর্লভতার মধ্য দিয়ে গঠিত হয়েছে। যে গ্রামে নদী আছে সেখানের জলের সচ্ছলতা আপনাই হয়; কিন্তু যেখানে নদী নাই সেখানের অধিবাসিরা যদি শুধু তাদের হিংসা করতে থাকে তাহলে তাদের নিজেদের জলকষ্ট নিবারণ হয় না—এর তরে কুপ খনন করবার কষ্টকে তাদের স্বীকার করতেই হবে। ধূলি স্ফলভ বলে তার দ্বারা জলের কাজ মিটাবার চেষ্টা পাগলেই করে পকে।

আমাদের দেশের ভাষায় বহুতর অসুবিধা আমাদের স্বীকার করতেই হবে এবং একথাও স্বীকার করতে হবে যে বিদেশ থেকে মাটি এনে টবের একটা আধটা সখের ফুলগাছ তৈরি সম্ভব হতে পারলেও তা দিয়ে দেশের ধান চাষ যার উপর দেশের জীবন নির্ভর করে তা' কখনও হতে পারে না।

ইউরোপের ভিন্ন ভিন্ন দেশে ভিন্ন ভিন্ন ভাষা প্রচলিত। এ সম্বন্ধে ইউরোপীয় সভ্যতার মধ্যে আমরা একটা ঐক্য দেখতে পাই। অতএব ইহা বেশ বুঝা যাচ্ছে যে সভ্যতার ঐক্য ভাষাগত ঐক্যের উপর নির্ভর করে না।

ইউরোপীয় সভ্যতার আদি যুগে ল্যাটিন তাহার বাহন ছিল। এই যুগে তার জ্ঞানপুষ্প মুকুল—অবস্থাতেই ছিল অর্থাৎ তার আত্ম-বিকাশের দলঙলি তখন একই বিন্দুর মধ্যে মুদ্রিত হয়ে ছিল। তার ভাষার সেই একতা তার মানসিক বিকাশের পূর্ণতার নিদর্শন নহে। যখন ইউরোপের প্রদেশ সকল নিজ নিজ ভাষাকে আশ্রয় করল তখনই তাদের চিন্তা ও জ্ঞানের সম্মিলনে ইউরোপীয় সভ্যতার সৃষ্টি সম্ভব হল এবং এই বৈচিত্র্য থেকেই তাদের পরস্পরের মধ্যে ভাবের আদান প্রদান এমন বিস্তৃত এবং সচল হয়ে উঠতে পেড়েছে। স্বভাবগত বৈচিত্র্য যখন সামঞ্জস্য—লাভ করে তখনই বাস্তবিক সত্যকার ঐক্য সম্ভব হয়। কৃত্রিম একতা জড়তার সৃষ্টি করে মাত্র। আজ যদি ফরাসী, ইতালী, জার্মানী এবং ইংলণ্ড ইউরোপীয় সভ্যতার সাধারণ ভাণ্ডারে তাদের নিজ নিজ অর্জিত জ্ঞানের অংশ দেওয়া রহিত করে তাহলে ইউরোপীয় সভ্যতার যে ক্ষতি হবে তা' কল্পনা করলেও স্তম্ভিত হতে হয়। জার্মানী যখন ইউরোপীয় সভ্যতার



উপর একাধিপত্য বিস্তারের চেষ্টা করছিল তখন তার সেই উচ্চোগ এই কারণেই ইউরোপের অগাছা দেশের চক্ষে সঙ্কট বলে বিবেচিত হয়েছিল।

আমাদের দেশেও এমন একটা সময় ছিল যখন সংস্কৃত ভাষা ভারতবর্ষের শিক্ষার একমাত্র বাহণ ছিল। কিন্তু আজ ভাবের হাটে ব্যাপার জমাবার তরে তার প্রাদেশিক ভাষাগুলিকে পরিপুষ্ট করে তোলা তার পক্ষে একান্তই দরকারী হয়ে পড়েছে। এই প্রাদেশিক ভাষার মধ্য দিয়েই তার বিভিন্ন প্রদেশের অধিবাসিগণ নিজ নিজ প্রতিভার বৈচিত্র্যকে পরিপূর্ণতার মধ্যে বিকশিত করে তুলতে পারবে। এ কাজ পরের ভাষায় কখনই সম্ভব হতে পারে না। পরের ভাষায় এমন অনেক বিশেষত্ব আছে যা আমাদের চিন্তা এবং চেষ্টার স্বাধীনতাকে পদে পদে বাধাগ্রস্ত করতে থাকে। আমরা যখন ইংরাজি ভাষা ব্যবহার করি তখন আমাদের মন স্বভাবতঃই ভাবের তরেও পশ্চিমের মুখ তাকিয়ে থাকে; কিন্তু পশ্চিমের সঙ্গে আমাদের এই পথ চাওয়াই সার হয়—ভাবের নাগাল পাই না। এরই তরে আমাদের শিক্ষা হয় বন্ধ হয়ে থাকে না হয় কেবলি অসঙ্গতির সৃষ্টি করে। আমাদের দেশে যে ভাষার পার্থক্য আছে তাতে ভয় পাবার কারণ নাই এবং সাত সমুদ্র তের নদীর পার থেকে আমাদের শিক্ষার জন্ম ইংরাজি ভাষা আমদানী করার ব্যর্থতার সঙ্কটে সতর্ক হওয়া আমাদের একান্তই প্রয়োজন। ইংরাজি ভাষা তার উৎপত্তি স্থলে সচল এবং তরল বটে; কিন্তু এই দূর পথ অতিক্রম করে আসতে আসতে সে যে শুক, বন্ধ এবং কঠিন হয়ে পড়ে একথাটা আমাদের বুঝবার দরকার আছে।

অবশ্য আজই যে আমরা ইংরাজি ভাষায় চাকরীর দরখাস্ত লেখা থেকে বিরত হতে পারব কিম্বা আজই যে আমরা রাজ্য কার্য থেকে অবসর নিতে পারব আমি এমন আশা কল্পনা করতেও পারি না। আমাদের স্বীকার করতেই হবে যে ইংরাজি রাজ—ভাষা হওয়ায় এ কৃত্রিম সৃষ্টির মত আমাদের মাতৃ-ভাষাকে জ্বরদন্তি করে শিক্ষা-ক্ষেত্র হতে গৃহস্থালীর ব্যবহারের মধ্যে নির্বাসিত করে দিয়েছে।

আবার এই কারণেই বিদেশী শাসন-যন্ত্রের এমন অনেক ব্যয়-সাধ্য ভার আমাদের বহন করতে হয় যা দেশের জনসাধারণের কোনও কাজেই আসে না। একটা সামান্য কথাতেও সরকারের ঞ্চতিগোচর করতে দেশের অধিকাংশ লোককেই ইংরাজি নবীশকে রহুম দিতে হয়। আমার অনুমান জগতের মধ্যে কেবল ভারতবর্ষেই সরকারের কৃষিবিভাগের কর্তৃপক্ষগণ এমন ভাষায় তাদের কার্য-বিবরণী প্রকাশ করেন যে ভাষায় দেশের কৃষিজীবীদের আর্দ্রা অভিজ্ঞতা নাই। এটা একপ্রকারের বিজ্রপ; কিন্তু তা বলে একে হেসে উড়িয়ে দিতে পারা যায় না; কেননা যাদের উপর এই বিজ্রপ করা হয় তাদের কাঁছ থেকেই এর খরচ আদায় করা হয়। দেখতে পাই দেশের শাসন কার্যে নিযুক্ত মুষ্টিমেয় মাত্র কয়েকজন ইংরাজ কর্মচারীর সুবিধার খাতিরে বাঙ্গলা ভাষা থেকে ইংরাজিতে অনুবাদ করবার জন্ম আমাদের সরকার অল্প অর্থব্যয় করে থাকেন কিন্তু এই যে ত্রিশ কোটি লোক যারা এই দেশের অধিবাসী—যারা মাথার ঘাম পায়ে ফেলে রোদে রুগ্নিতে পরিশ্রম করে দেশের শাসন—ব্যয় নির্বাহী করে তাদের জন্ম ইংরাজি ভাষায় লিখিত সরকারী আইন কানুনকে তাদের বোধগম্য করবার



কোনও ব্যবস্থাই দেখি না। সরকারী আইনকানুন পরভাবার অন্তরালে তাদের কাছে চিরকালই পরদানসীন থেকে যায়। রেলওয়ে স্টেশনে যখন স্টেশনের নাম দেশী ভাষায় লিখিত দেখি তখন কর্তাদের কর্তব্য বোধের এই ভয়াবশেষ টুকুতে আর ও বিস্মিত হতে হয়। এই সব দেখে শুনে বেশ বুঝতে পারা যায় যে আমাদের যারা শাসন করছেন তারা একদিকে তাদের কর্তব্যভারকে যেমন যথা সম্ভব লঘু করেছেন আর একদিকে তেমনি আমাদের দায়ভারকেও অযথারূপে বাড়িয়ে গুরুতর করে তুলেছেন—এ ঠিক গণ্ডস্ত উপরি বিস্ফোটকং।

যাই হোক এই থেকে আমরা এক অস্বাভাবিক অবস্থার মধ্যে উপস্থিত হয়েছি—আমাদের মাতৃভাষা আমাদের উন্নতির অন্তরায় হয়ে উঠেছে। আমরা তাই ইংরাজি ব্যাকরণের সূক্ষ্ম সূতার উপর দিয়ে চলতে পারলেই গর্বিত হয়ে উঠি। আমাদের বর্তমান শিক্ষা ব্যবস্থার মধ্যে যে সব সাংঘাতিক দোষ আছে শুধু এরই তরে তাদের উপেক্ষা করা ছাড়া আমাদের জ্ঞান গতি থাকে না এবং পরিণামে যখন কুটির পরিবর্তে লোষ্ট্র লাভ হয় তখন কৃতজ্ঞ অন্তরেই তা গ্রহণ করতে হয়। আমরা বর্তমান শাসন-কার্যের ব্যয়ের তরে শুধু যে রাজস্ব দিয়েই নিষ্কৃতি পাই তা নয়—এর জ্ঞান আমাদের দেশের ভাষা এবং দেশের সভ্যতাকেও বলি দিতে হয়েছে। এই দেশের ভাষা এবং দেশের সভ্যতার উদ্ধারের উপরেই যে আমাদের মুক্তি সম্পূর্ণভাবে নির্ভর করছে একথা আমাদের বুঝতেই হবে।

(ক্রমশঃ)

শ্রীঅমূল্যরতন প্রামানিক।

শ্রীমান চিরকিশোর

কলানীয়েষু

কিঞ্চিৎ দেৱিতে হলেও, তুমি যে মনে করে, চিঠির মারফৎ আমাকে তোমার বিজয়ার প্রণাম পাঠিয়েছ তাতে আমি যথার্থই খুসি হয়েছি, কেননা দেখতে পাচ্ছি এই এক বৎসরের মধ্যে আমার অধিকাংশ যুবক বন্ধুই আমার অস্তিত্ব ভুলে গেছেন। ভুলে যে গিয়েছেন তার জ্ঞান তাঁদের বিরুদ্ধে আমার কোনই অভিযোগ নেই আমাদের মত মাত্র-লেখকদের এক সাহিত্যিক অস্তিত্ব ছাড়া অপর কোনও অস্তিত্ব নেই। সেকালের ভাষায় বলতে গেলে, আমরা হচ্ছি সব “বাক্যকার”। নীরব হলেই আমাদের অস্তিত্ব লোপ পায়। আমরা আছি শুধু দেশের শ্রুতির মধ্যে তার স্মৃতি পর্য্যন্ত পৌঁছবার শক্তি আমাদের বাক্যদেহ ধরে না।

প্রণামান্তে তুমি আমার কাছে আমার সাংবাৎসরিক নীরবতার কৈফিয়ত তলব করেছ। তোমার প্রশ্নের কোনও জবাব না দিয়ে আমি তোমাকে একটি পাণ্টা প্রশ্ন করছি। সেই প্রশ্নই হবে আমার উত্তর।

মানুষে কথা কয় কেন সেইটিই কি আসল জিজ্ঞাস্য নয়? দেহ প্রাণের নৈসর্গিক যোগ রক্ষা করবার জ্ঞান মানুষ মাত্রেই পক্ষে যথেষ্ট অঙ্গ চাই। মানবদেহের কেন্দ্রে যে উদর মানুষ মাত্রেই চোখ তার সাক্ষী। তার পর দেহের সঙ্গে বস্ত্রের কোনও নৈসর্গিক যোগ না থাকলেও, সভ্য মানবের পক্ষে কিঞ্চিৎ বস্ত্রও চাই। এ পৃথিবীতে আমরা কাপড় পরে না এলেও এখানে এসে কাপড় পরি।



বস্ত্র মানবজীবনে একটা শ্রেণিপু পদার্থ হলেও—ক্ষিপ্ত না হলে মানুষে তা প্রক্ষেপ করতে পারে না, কেননা মানুষের সনাতন সমাজ বন্ধন হচ্ছে বস্ত্রের বন্ধন, ভাষায় যাকে বলে গাঁঠছড়া। অতএব ধরে নেওয়া যেতে পারে যে, মানুষ এ পৃথিবীতে কেন আসে? এ দার্শনিক প্রশ্নের সহজ ও চূড়ান্ত উত্তর—খেতে-পরতে ও মরতে। স্বতরাং এই খাওয়া পরা ও মরার সংস্থান করতে যে কটি কথা কওয়া দরকার সেই কটি কথা বলাই অধিকাংশ লোকের পক্ষে যুগপৎ স্বাভাবিক ও সম্ভব। উপরন্তু একটি কথা বলা কারও পক্ষে উচিত কি না জানিনে, তবে অধিকাংশের পক্ষে যে অকর্তব্য তা ভুলভোগী শ্রোতা মাত্রই জানেন। ব্যক্তি বিশেষের পক্ষে চূপ করে থাকায় কারও কোনও লাভ লোকসান নেই। অপর পক্ষে বেশির ভাগ লোকের পক্ষে বেশি কথা কওয়াটা একটা সামাজিক উৎসব বিশেষ। এই যখন আমার ধারণা তখন বর্তমানে কেন যে আমার বাকরোধ হয়েছে তার লম্বা কৈফিয়ত দেবার কি কোনও প্রয়োজন আছে?

তবে তোমরা যে সে কৈফিয়ত চাও তার কারণও স্পষ্ট। এ কালের যুগ ধর্ম হচ্ছে বাচালতা। কায়েই তোমরা না ভেবেচিন্তে ধরে নিয়েছ যে যে-দেশের যত বেশি লোক যত বেশি কথা কয় আর যত বেশি লোক তা হাঁ করে শোনে সে দেশ তত সভ্য হয় তত উন্নত হয়, এক কথায় তত তার progress হয়। ফলে জাতির পক্ষে পরম পুরুষার্থ হচ্ছে একদিকে সংবাদপত্রের প্রকাশ ও প্রচার বৃদ্ধি করা আর একদিকে বক্তার সংখ্যা ও বক্তৃতার দৈর্ঘ্য বাড়ানো। এ যুগে পৃথিবীতে শব্দ বপার্ণই ব্রহ্ম হয়ে উঠেছে। এই যুগধর্ম

অনুসরণ করে মানব সভ্যতা যে চরমে শব্দব্রহ্মে লীন হয়ে বাবে সে বিষয়ে সন্দেহ নেই। তবে এরূপ ব্রহ্ম-নির্বাপণ লাভে সকলের সমান লোভ হয় না। অনর্গল কথন ও অবিরাম শ্রবণের মহা দোষ এই যে এ ব্যাপারে বক্তার বক্তৃতা করবার পূর্বে চিন্তা করবার অবসর পান না এবং শ্রোতার শ্রবণ করবার পরে তা বিচার করবার অবসর পান না। ফলে রসনা মস্তিষ্কের সঙ্গে নিঃস্বস্পর্ক হয়ে একমাত্র উদরমূল হয়ে পড়ে। তখন মানুষের আদিম ভাবনা, পেটের ভাবনা, তার একমাত্র ভাবনা হয়ে দাঁড়ায় এবং মানব সমাজ বৈশ্ব সমাজ হয়ে পড়ে। সভ্যজগতে আজ হয়েছে ও নাই। সে জগতে ব্রাহ্মণ শূদ্র দুই আজ বৈশ্বেরই এপিঠ আর ওপিঠ। যদি জিজ্ঞাসা করা যে ক্ষত্রিয় নেই কেন? তার উত্তর গত যুদ্ধে পৃথিবী নিষ্কত্রিয় হয়েছে। এরূপ যে হয়েছে তার কারণ এ যুগে ক্ষত্রিয় হয়ে পড়েছিল ধর্মের নয় অর্থের, ব্রাহ্মণের নয় বৈশ্বের বশ। এ যুগের আদর্শ হচ্ছে ডিমোক্রাসি অর্থাৎ সেই সমাজ যাতে মানুষের মনের চরিত্রের জাতিভেদ আর থাকবে না। অর্থাৎ মানবসমাজে অধিকারীভেদ আর থাকবে না, কিন্তু অধিকারভেদ আরও বাড়বে। একমাত্র কথার সাহায্যে এই আদর্শের দিকে আমরা অনেক দূর অগ্রসর হয়েছি। আজকের দিনে সর্বপ্রধান যুদ্ধ যে বাগযুদ্ধ আর সর্বশ্রেষ্ঠ ব্যবসা যে কথার ব্যবসা—এ ত মর্ত্যলোক-প্রসিদ্ধ শ্রুতিকটু সত্য। আমার এসব কথা শুনে তুমি হয় ত চমকে উঠবে আর মনে ভাববে যে আমার মতভ্রংশ ঘটেছে। Demos জাগছে দেখে মরা বেঁচে উঠছে দেশে, আমি ভয় খেয়ে গিয়েছি ফলে ডিমোক্রাসি সম্বন্ধে আমার মত এখন অমত হয়ে

গিয়েছে। কিন্তু আসলে ঘটনা তা নয়। মনো-জগতে আমি কোন রকম বাজি জানিনে, এমন কি ডিগবাজিও নয়। আমি গণতন্ত্রের বিপক্ষে নই মনতন্ত্রের স্বপক্ষে। গণতন্ত্র যদি মনতন্ত্রের বিরোধি হয়ে ওঠে তাহলে আমাকে অগত্যা জনগণকে ছেড়ে মহাজনের শরণাগত হতে হবে। কিন্তু এ বিরোধ জন্মাবার কোনই কারণ নেই। উদরের মর্মে আমি জানি কিন্তু তার ধর্ম আমি মানিনে। ক্ষুধার শক্তি প্রলয়ঙ্করী সৃষ্টিকরী নয়। উদর অন্ন সমস্তার সৃষ্টি করে কিন্তু রসনা তার মীমাংসা করতে পারে না। এইহেতু আমার বিশ্বাস যে একটা সমগ্র জাতির পক্ষে রসনার জোর আশ্ফালনটা স্পৃহু অনর্থক নয় অনর্থকরও বটে। Demos যদি Demosthenes হয়ে ওঠে, তাহলে কার না মনের খাত ছেড়ে যায় ?

কিন্তু মুকিলের কথা এই যে এই জাতীয়-বকুনিটে হচ্ছে একটা বিলেতি রোগ। অতএব ওর হাত থেকে বাঁচা কঠিন। বিলেতি রোগ এদেশে একবার এগে দেখতে না দেখতে তা দেশময় ছড়িয়ে পড়ে ও কায়েম হয়। এক কথায় বিলেতি epidemic এদেশে এন্ডে endemic হয়ে ওঠে। উদাহরণ স্বরূপ ইনফ্লুয়েঞ্জা ওরফে যুদ্ধজ্বরের নাম করা যেতে পারে। তারপরে বিলেতি রোগে সাদা লোক তেমন মরে না যেমন মরে কালা আদমি। যে যুদ্ধ থেকে জন্মালো যুদ্ধজ্বর সেই যুদ্ধে ইউরোপে বত লোক না মারা গেল তার দশগুণ মারা গেল এ দেশে যুদ্ধজ্বরে। এখন এই বকুনিটে যে স্পৃহু বিলেতি নয়, উপরন্তু বিষম রোগ তার প্রমাণ, ইউরোপ মরতে বসেছিল এই বকুনির চোটে। শান্তির সময়ে ইউরোপের লোলুপ রসনা যুদ্ধের জঘ লেলিহান হয়ে পড়েছিল, আর যুদ্ধের পর সেই

লেলিহান রসনা শান্তির জঘ লোলুপ হয়ে উঠেছে। এই বকুনি বেজায় সংক্রামক আর দুনিয়ার বত সংক্রামক রোগ বিশেষ করে ঠেসে ধরে আমাদেরই। এবং তার সমস্ত লক্ষণ একসঙ্গে দেখা দেয় আমাদেরই শরীরে। ইউরোপে এই রোগের পূর্বি লক্ষণ ছিল যুদ্ধ পিপাসা আর তার পর লক্ষণ হয়েছে শান্তি পিপাসা আমরা একসঙ্গে ও দুয়ের সমন্বয় করে নিয়েছি। আমাদের রসনা এখন লালায়িত হয়েছে শান্তি-যুদ্ধের জঘ।

এ বিলেতি রোগের অবস্থা একটা অব্যর্থ দেশী ওষুধ আছে। এবং সে ওষুধ প্রয়োগ করতে পারতেন এমন একটি মহাপুরুষও ভারতবর্ষে এখন অবতীর্ণ হয়েছেন, তিনি হচ্ছেন মহাত্মা গান্ধী। মহাত্মা গান্ধী যখন স্বজাতির তন-মন-খন থেকে বিলেতি সভ্যতা নামক রোগ দূর করতে ব্রতী হয়েছেন, তখন তাঁর কর্তব্য ছিল, দেশের লোককে অন্তত এক বৎসরের জঘ মৌনব্রত অবলম্বন করতে আদেশ দেওয়া। সে ব্রত অবলম্বন করলে বছর না পেরুতে আমরা স্বদেশের স্বরাজ্য হয়ত লাভ করতে পারতুম না কিন্তু স্ব-মনের স্বরাজ্য অনেকটা লাভ করতুম। আর উক্ত উপায়ে বাহু স্বরাজ্য যে একেবারেই লাভ করতে পারতুম না, এমন কথাও জোর করে বলা যায় না। হট্টগোলে মানুষের মাথা খারাপ হয় কিন্তু ঘোর নিস্তব্ধতায় মানুষ ঘোর ভয় পায়। জ্ঞাতর চাইতে অজ্ঞাত, ব্যক্তর চাইতে অব্যক্ত, আলোর চাইতে অন্ধকার, জীবনের চাইতে মৃত্যু যে ঢের বেশি ভয়ঙ্কর এ ত মানুষ মাত্রেই জানে। স্তত্রাং নিবাত নিকম্প দীপশিখার মত আমাদের জাতীয় আত্মা যদি বৎসরাধিকাল নিস্তব্ধ হয়ে থাকতে পারত তাহলে ইংরাজরাজ যে অসম্ভব রকম অস্থির



হয়ে পড়তেন সে বিষয়ে আর সন্দেহ মেই। ঈশৎ অপ্রাসঙ্গিক হলেও এখানে একটি কথা বলবার লোভ সম্বরণ করতে পারছি নে। ইউরোপ রবীন্দ্রনাথকে জিজ্ঞাসা করেছেন যে ভারতের বিশেষ বাণী কি? এ প্রশ্ন আমাকে জিজ্ঞাসা করলে, আমি নীরব হয়ে থাকতুম অর্থাৎ ইঙ্গিতে বুঝিয়ে দিতুম যে ভারতের গীর্বাণী হচ্ছে—নির্ব্বাণী।

বক্তারা আমার এ সব কথার কি জবাব দেবেন তা আমি জানি। তাঁরা বলবেন যে তাঁরা বক্তৃতা করেন ইংরাজ রাজাকে ডরিয়ে দেবার জ্ঞান নয়, দেশের লোককে জাগিয়ে তোলবার জ্ঞান। এবং সেই সঙ্গে এই প্রশ্নও করবেন যে বিলেতি যুদ্ধের থেকে দেশের লোককে রক্ষা করতে গিয়ে কি স্বদেশী Sleeping sickness এর প্রশ্রয় দেওয়া কর্তব্য? অবশ্য নয়। রোগ মাত্রেই মারাত্মক তা' দেশীই হোক আর বিদেশীই হোক। তবে দেশী রোগ থেকে অব্যাহতি পেতে হলে যে বিদেশী রোগকে অঙ্গীকার করতে হবে এমন কোনও বিধির নিয়ম নেই। তা ছাড়া নীরবতার সঙ্গে নিদ্রার ও সরবতার সঙ্গে সজাগতার সম্বন্ধ নৈসর্গিকও নয়; অবিচ্ছেদ্যও নয়। মানুষের জেগেও চুপ করে থাকতে পারে আর ঘুমেও বকে। বক্তাদের এখানে একটি কথা স্মরণ করিয়ে দেওয়া দরকার যে কথা করেও মানুষকে ঘুম পাড়ানো যায়। এক কথা বার বার বললে শ্রোতার তন্দ্রার আবেশ হয়। আর আজ বেশির ভাগ বক্তারা যা করছেন সে হচ্ছে একই কথার অবিরাম পুনরাবৃত্তি। অবশ্য এঁরা বলবেন যে এঁরা যা বলছেন সে কথা নয়, মন্ত্র। তথাস্তু। তবে মানুষের মন্ত্রজপ করতে করতে নিজেও মন্ত্র-মুগ্ধ হয়ে পড়তে পারে। যোগনিদ্রাও নিদ্রা; অসাদ্য সাধন করবার যথার্থ উপায় জপ নয়, তপ।

সে ঘাই হোক, আমাদের জনগণকে পলিটিক্সের বিলেতি মদ অতি মাত্রায় পান করানো নিশ্চয়ই নিরাপদ নয়। কারণ সে মদ তাঁরা শোধন করে নিতে শেখেনি। ফলে যে সুরা পান করে শিক্ষিত লোকের মনের অবস্থা হয় মদালস সেই সুরা পান করে জনগণের মনের অবস্থা হয়ে উঠবে মদমত্ত। এবং তখন তাদের প্রলাপী নেশা দেখে আমাদের গোলাপী নেশা হয়ত ছুটে যাবে। তবে যুগধর্ম্য কেউ অতিক্রম করতে পারে না, আমরাও পারব না। আমরা চাই আর না চাই কথার স্বরাজ্যের দিকে আমাদের progress করতেই হবে অর্থাৎ international হট্টগোলে আমাদের যোগ দিতেই হবে, তারপর যা থাকে কুল কপালে। এ একতানে আমি যে যোগ দিতে নারাজ তার কারণ আমার স্বর আজ হয়ত লোকের কাণে একটু বেস্তুরা লাগবে। আমার এ বকুনি শুনে তোমার ঐর্ষ্য বোধ হয় তুমি আর রক্ষা করতে পারছ না। আমি অন্তঃকর্ণে শুনে পাচ্ছি যে তুমি বলছ যে, কথার বিরুদ্ধে কথা আমার মুখে শোভা পায় না; আমি নিজেই যখন বাক্যকায় বলে নিজের পরিচয় দিয়েছি। কিন্তু এ ত আর নতুন কথা নয়। বাক্য-জগতের বাইরে বস্তু-জগতে বীরবলের যে কোনও অস্তিত্ব নেই, এ সত্য সর্বপাঠক বিদিত। তবে নিজে সাফাই হবার জ্ঞান এ কথা আমি বলতে বাধ্য যে বাক্য ও শব্দ এক বস্তু নয়। বাক্য মাত্রেই শব্দ কিন্তু শব্দ মাত্রেই বাক্য নয়। আমি এতদিন বাগ-বিত্যাস করে এসেছি এই বিশ্বাসে যে উক্ত উপায়ে আমি বঙ্গ-সরস্বতীর মন্দিরের দেয়াল গাঁথছিলাম কিন্তু যখন আবিষ্কার করলুম যে আমরা সবাই মিলে যে অভভেদী কীর্তিস্তম্ভ গড়ে তুলছি সেটি হচ্ছে ভারতবর্ষীয়

Tower of Babel তখন হাত গোটাতে বাধ্য হলুম। এই হচ্ছে আমার নীরবতার কৈফিয়ত। যদি বলা-যে এতক্ষণ যা বকলুম তা আগাগোড়া নিরর্থক কথা তাহলে তোমার মতে আমিও সায় দেব। যে কথার অর্থ আছে তার যখন কোনও সামর্থ্য নেই তখন যে কথার অর্থ নেই, তার সামর্থ্য থাকতে পারে সেই ভরসায় এই সুদীর্ঘ বক্তৃত্তা রচনা করলুম। ইতি—

বীরবল।

## ফরাসি-কবি “বোদেলের”

—:~:—

স্বর্গের সৌন্দর্য্য অনেক কবি দেখিয়াছেন ও দেখাইয়াছেন, মর্ত্যের সৌন্দর্য্য যে কত কবি দেখিয়াছেন ও দেখাইয়াছেন তাহার ইয়ত্তা নাই, কিন্তু নরকের সৌন্দর্য্য কয়জন দেখিয়াছেন বা দেখাইতে পারিয়াছেন? সুন্দরের সৌন্দর্য্য সকলেই অনুভব করিতে ও করাইতে চায়, কিন্তু কুৎসিতের সৌন্দর্য্য কে বিমোহিত? আমি নরকের, কুৎসিতের শুধু চিত্রাঙ্কণ বা বিবরণের কথা বলিতেছি না— বীভৎস রসের উদাহরণ অপৰ্য্যাপ্ত না হইলেও বহু যে মিলে, তাহা স্বীকার করি; কিন্তু শুধু এইটিকেই যিনি একান্ত করিয়া ধরিয়াছেন, এইটিকেই লইয়া যঁহার সমস্ত কবিত্ব খেলিয়াছে এমন কবির কথা আমার জানা নাই। কুৎসিতের বীভৎসের নরকের ছবি যে কবি দিয়াছেন তিনি দিয়াছেন তাহা বৈচিত্রের জন্ম, মুখ বদলাইবার জন্ম, এক মুহূর্ত্ত দেখাইয়া আবার সুন্দরের দিকে সহজের দিকে বিশেষ দৃষ্টি আকর্ষণ করিবার জন্ম। কুৎসিতকে তিনি নিতান্ত কুৎসিত, বীভৎসকে নিতান্ত বীভৎসই দেখেন—কবি নিজেও তাঁহার অন্তরাঙ্গার পূর্ণ সহানুভূতি ইহাদের উপর ছড়াইয়া দিতে পারেন নাই। বর্জন করিতে হইবে যাহা, এমন জিনিষটিই যেন তিনি দূর হইতে অঙ্গুলিসিদ্ধিতে দেখাইয়া দিয়াছেন।



আমি বলিতেছি এমন লোকের কথা কুৎসিতকে কুৎসিত বলিয়া যে স্তম্ভের দেখে, নরককে নরক জানে বলিয়াই নরকের মধ্যে যাহার প্রাণের আনন্দ ও মুক্ত-বিলাস; প্রকৃতির সুশোভন দৃশ্য, সৌখিন-জনের মনোহারী ঐশ্বর্য, পুণ্যহৃদয়ের উচ্ছ্বস্তি মহৎ করুণা প্রভৃতির দিকে যে তাকাইয়া দেখে নাই, যাহার ধ্যানে আসিয়াছে কেবল যেখানে যাহা কিছু অসুস্থকর অসস্তিকর, যাহার প্রেম উখলিয়া উঠিয়াছে হীনকে কদর্য্যকে উৎকটকে দেখিয়া দেখিয়া; মানুষের মধ্যে দেবভাবের, এমন কি অসুরভাবের কথা পর্য্যন্ত যিনি ভুলিতে বলিয়াছেন, যিনি উপলব্ধি করিয়াছেন ব্যক্ত করিয়াছেন পিশাচে কি রকম আনন্দ পাইতে পারে, কি রস ভোগ করিয়া থাকে; জগৎকে মানুষকে যিনি দেখিয়াছেন শরীরের দিক হইতে, শুধু তাহাই নয়, যাহার লক্ষ্য হইতেছে এই শরীরের মধ্যে যাহা আবার যত ব্যাধিগ্রস্ত পুতিগন্ধময়, চাকার-জনক।

শুনুন আমাদের কবি কি বলিতেছেন—

“এখানে সেখানে এক একটি করিয়া গৃহ ধূমায়িত হইয়া উঠিতেছে। নরনারী সব তাহাদের পাংশুবর্ণ চোখের পাতা মুদিয়া মুখ ব্যাদান করিয়া জড়পিণ্ডের মত ধূমঘোরে অচেতন; ভিখারিনীদের বিশীর্ণ তুহিনশীতল স্তন রুলিয়া পড়িয়াছে, বসিয়া বসিয়া তাহারা একবার আশুপে একবার নিজের আঙ্গুলের উপর ফুৎকার দিতেছে। ঠিক এই সময়েই হিমের মধ্যে, দৈত্যের মধ্যে গভিনীর প্রসব বেদনা বাড়িয়া উঠিল; দূরে কুক্কটের চীৎকার কুয়াসাময় আকাশ বিদীর্ণ করিতেছে, যেন কোন আর্তনাদ রক্তবমনের ফেণা ভেদ করিয়া ঠেলিয়া উঠিতেছে। কুঙ্কটিকা-মাগরে প্রানাদরাজি ডুবিয়া আছে।

আতুরাশ্রমের কোণে কোণে মুমুয়দের হিকা-দিয়া নাভিশ্বাস উঠিয়াছে, লম্পটেরাও এখন কশ্মশ্রমে ভাঙ্গিয়া পড়িয়া ঘরে ফিরিতেছে”। (১)

প্রাচ্য সাহিত্যে ইহার কিছু জুড়ি মিলে না, জগতের কোন প্রাচীন সাহিত্যেও এ রকম ভাব ভঙ্গিমা কোথাও পাই না। ভারতবাসীর প্রাণ এই রকম কথা এই রকম সুর শুনিয়া স্তম্ভিত হইয়াই যাইবে। কিন্তু কেবল এটুকু বলিয়াই আমাদের কবি নিশ্চিত হন নাই। শুনুন কবির কথা—

“এক রাত্রিতে যখন আমি একটি ইহুদী রমণীর পাশে—শবের পাশে শবের সত—টান হইয়া শুইয়া ছিলাম—(২)

এ কি অসহ্য নয়? কিন্তু এটুকু ত সহ্য করিতেই হইবে; কোন আঙ্গুল দিবেন না, শুনুন আরও—

- (1) Les maisons ça et la commençaient à fumer.  
Les femmes de plaisir, la paupière livide,  
Bouche ouverte, dormaient de leur sommeil stupide;  
Les pauvresses, traînant leurs seins maigres et froids,  
Soufflaient sur leurs tisons et soufflaient sur leurs doigts.  
C'était l'heure où parmi le froid et la lézine  
S'aggravaient les douleurs des femmes en gésine;  
Comme un sanglot coupé par un sang écumeux  
Le chant de coq au loin déchirait l'air brumeux;  
Une mer de brouillard baignait les édifices,  
Et les agonisants dans les fond des hospices  
Poussaient leur dernier rôle en hoquets inégaux.  
Les debauchés rentraient, brisés par leurs travaux.
- (2) Une nuit que j'étais près d'une affreuse Juive,  
Comme au long d'un cadavre un cadavre étendu—

Missing Page(s)



“জীবন থাকিতে তুমি তোমার এতখানি প্রেম দিয়াও যে পুরুষটিকে পরিতৃপ্ত করিতে পার নাই, সে কি তবে তোমার অসাড় অবশ মাংশ পিণ্ডের সহায়ে তাহার অপরিসীম বাসনা ভরাট করিয়া লইয়া সকল ক্ষোভ মিটাইল ?

“বলু ওরে অস্পৃশ্য শব! তোর রুক্ষ কেশরাশি ধরিয়া সে কি তোকে তাহার অস্থির বাহুপাশে জুলিয়া লইয়া ছিল ? বলু দেখি ওরে বিকট দশনা! তোর হিমদন্তপংক্তির উপর সে কি তবে তাহার শেষ বিদায়ের আদরগুলি আঁটিয়া দিয়া ছিল ?” (১)

আপনারা বাঁহারা পশ্চাত্য সাহিত্যের আধুনিক গতিবিধি কিছু জানেন, তাঁহাদের মধ্যে অনেকে প্রথমেই হয় ত বলিয়া উঠিবেন, এ কবিতাকে ত চিনি, এখানে ‘জোলা’ (Zola)—সম্প্রদায়ের স্থূল হস্তাবলেপ স্পষ্টই দেখিতেছি; যদি কিছু পার্থক্য থাকে তবে বলিব ইহা জোলাকেও ছাড়াইয়া গিয়াছে, এ যে ঘোর বস্তুতান্ত্রিকতা, প্রাকৃতবাদের চূড়ান্ত। ফলতঃ ‘বোদেলের’ কখন প্রথম সর্বসাধারণের সহিত পরিচিত হইলেন তখন Realist ও Naturalist এর দল তাঁহাকে সাগ্রহে নিজেদেরই মধ্যে টানিয়া লইয়াছিলেন, এমন

- (1) L' homme vindicatif que tu n'as pu, vivante,  
Malgré tant d'amour, assouvir,  
Combla—t il sur ta chair inerte et complaisante  
L'immensité de son désir?  
Réponds, cadavre impur! et par tes tresses roides  
Te soulevant d'un bras fiévreux,  
Dis moi, tête effrayante, a t il sur tes dents froides  
Coté les suprêmes adieux ?

প্রতিভাসম্পন্ন শক্তিমান শিল্পীকে পাইয়া তাঁহাদের আনন্দের আর মীমা ছিল না। বাস্তবিক যখন শুনি কবি বলিয়াছেন—

“ফাঁসিকাঠে একটা বাসি মড়া ফুলিয়া রহিয়াছে—আর হিংস্র পাখীসব তাহাদের এই আহাৰ্য্যের উপর চড়িয়া বসিয়া উৎকট উল্লাসে তাহাকে ছিঁড়িতেছে ফাড়িতেছে; প্রত্যেকেই আপন আপন দৃষিত চক্ষু এক একখানি অস্ত্রের মত এই গলিত পদার্থটার রক্তমাখা কোণে কোণে বিঁধাইয়া দিতেছে।

“চক্ষু যেন তাহার ছুটি গর্ভ—বিদীর্ণ উদর হইতে অল্প সব খুলিয়া পড়িয়া উরুর উপরে বহিয়া চলিয়াছে; বীভৎস তৃপ্তিতে ভরপুর সে নারকীয় জীবেরা চক্ষুর আঘাতে আঘাতে তাহাকে একেবারে ছিন্ন ভিন্ন করিয়া ফেলিয়াছে।” (১)

তখন ইহাকে আবারুপর্দাহীন নির্লজ্জ বস্তু-তান্ত্রিকতা ছাড়া আর কোন নাম দিতে ইচ্ছা হয় কি ?

কিন্তু ধৈর্য্য ধরিয়া শুমুন আরও একটু—ইতি মধ্যেই করিব কথার মধ্যে অভিনব কিছুই ইঙ্গিত যদি না পাইয়া থাকেন, তবে কবিকে তাঁহার বস্তুব্যাটি শেষ করিতে দিন। ফাঁসিকাঠ, গলিত সব, শকুনি

- (1) Des féroces oiseaux perchés sur leur pâture  
Détruisaient avec rage un pendu déjà mûr,  
Chacun plantant, comme un outil, son bec impur  
Dans tous les coins saignants de cette pourriture ;  
Les yeux étaient deux trous, et du ventre effondré  
Les intestins pesants lui coulaient sur les cuisses,  
Et les bourreaux, gorgés de hideuses délices,  
L'avaient à coups de bec absolument détre.



গুণিনী—এ সকলের কথা কবি বলিতেছেন; কিন্তু এ সব কি, কেন্দ্র রহস্য ইহার মুক্তিমান করিয়া তুলিতেছে? কবির দৃষ্টি যে সেইখানে।  
শুশুন—

“প্রেম যে দেশের অধিষ্ঠাত্রী দেবতা সেই দেশে তোমার বসবাস, আকাশ যে দেশের এমন স্বচ্ছ সুন্দর সেইখানে জন্ম তোমার। তোমার ব্রত অনুষ্ঠান লোকের কাছে হেয়, নানা পাপের জগু তোমার অস্ত্রোষ্টিক্রিয়াটি পর্য্যন্ত হইতে তুমি বঞ্চিত; সেই সকলের প্রায়শ্চিত্ত করিবার জগুই এই তুমি নিঃশব্দে এত অপমান সহ করিতেছ!” (১)

এক নূতন কথা, নূতন সুর! বস্তুতাত্ত্বিকতা প্রাকৃতবাদ সব এখানে কি আস্তে আস্তে গলিয়া যাইতেছে না? শুশুন তবে শেষ পর্য্যন্ত—

“তুচ্ছ পদার্থ তুমি, তোমাকে দেখিয়া হাসি পায়, কিন্তু তোমার দুঃখ যে আমারই দুঃখ। তোমার অঙ্গ সব বাতাসে ছলিতেছে, তাহার সম্মুখে দাঁড়াইয়া দাঁড়াইয়া আমার বোধ হইতেছে কি যেন একটা অতি পুরাতন বেদনার হৃদীর্ঘ বিবাক্ত নদ বমির মত আমার তালু পর্য্যন্ত ঠেলিয়া উঠিতেছে।

“হায় রে অভাগা, কত মহার্ঘ স্মৃতি তোমার সাথে জড়িত! তোমার সম্মুখে দাঁড়াইয়া দাঁড়াইয়া আমিও অনুভব করিয়াছি সেই বত সব হিংস্র বায়সের করাল চক্ষুস্পর্শ, কৃষ্ণকায় শ্বাপদের বিকট

- (1) *Habitant de Cythère, enfant d'un ciel si beau,  
Silencieusement tu souffrais ces insultes  
En expiation de tes infâmes cultes  
Et des péchés qui l'ont interdit le tombeau.*

দস্তাঘাত—এক সময়ে যাহারা আমার মাংসপিণ্ডকে বিধ্বস্ত করিয়া এত আনন্দ পাইত।

\*\*\* \*\*

“ওগো প্রেমের দেবতা! তোমার রাজ্যে আমি শুধুই দেখিতে পাইয়াছি ফাঁসিকাঠের একটা প্রতিমা আর তাহাতে বুদিয়া আছে আমারই ছায়াটি……হা ভগবান, আমাকে শক্তি দাও, সাহস দাও, যেন নিজের হৃদয় নিজের দেহের প্রতি চাহিয়া দেখিতে আমার যুগা না হয়!” (১)

এত মোটেই ‘জ্বোলা’-সম্প্রদায়ের মত কথা নয়! ফলতঃ “বোদেলের” আর বস্তুতাত্ত্বিকের মধ্যে আছে আকাশ পাতাল প্রভেদ। উভয়ের উপকরণ মালমশলা একই রকম হইতে পারে, কিন্তু দুইজনে তাহা ব্যবহার করিয়াছেন দুই ভাবে-ভঙ্গিমায়। বস্তু-তাত্ত্বিক বা প্রাকৃতবাদী জগতের মানুষের স্থূলতম দিকটাই শুধু

- (1) *Ridicule pendu, tes douleurs sont les miennes!  
Je sentis, à l'aspect de tes membres flottants,  
Comme un vomissement, remonter vers mes dents  
Le long fleuve de fiel des douleurs anciennes.  
Devant toi, pauvre diable au souvenir si cher,  
J'ai senti les becs et toutes les mâchoires  
Des corbeaux lancinants et des panthères noires  
Qui jadis aimaient tant à torturer ma chair.*

\*\*\* \*\*

*Dons ton île, ô venus! je n'ai trouvé debout  
Qu'un gibet symbolique où pendait mon image—  
—Ah! Seigneur! donnez moi la force et le courage  
De contempler mon cœur et mon corps sans dégoût!*

দেখিয়াছেন, কদর্যা কুৎসিত রোগগ্রস্ত বাহা তাহার ফটোখানি তুলিয়া লইয়াছেন মাত্র, তিনি এ সকলের অন্তরে প্রবেশ করেন নাই, ইহাদের মধ্যে কিছু গুণ্ডবাহী বা রহস্য খুঁজিয়া পান নাই। বোদেলের এ সকল দেখিয়াছেন, এ সকলের চিত্র দিয়াছেন, কিন্তু ইহাদের ভিতরের একটা নিগূঢ় সত্যের ও সৌন্দর্যের প্রতীকরূপে; স্থূলকে একটা সুন্দর মধ্যে, বস্তুকে একটা ভাবের মধ্যে, অল্পকে ক্ষুদ্রকে একটা ভূমির অনন্তের মধ্যে উঠাইয়া ধরিয়াছেন। এই পরিবর্তন, এই রূপান্তরই খাঁটি কবিতার মূল কথা, ইহা ছাড়া কাব্যরস নাই, থাকিতে পারে না। বস্তুতাত্ত্বিকগণ এই রূপান্তরের তৈয়াকী রাখিতেন না, ইহার কোন প্রয়োজন অনুভবই করিতেন না। বোদেলের কিন্তু গোড়ায় পাইয়াছিলেন ঐ লোকান্তরের ভাবজগতের একটা বিশেষ উপলব্ধি, এবং উপকরণ সকল সংগ্রহ করিয়াছিলেন, সাজাইয়া ধারিয়াছিলেন ঐ নিগূঢ় উপলব্ধিকে ফুটাইয়া ফলাইয়া তুলিবার জন্ম। ঠিক এই জন্মেই দেখিতে পাই, উপকরণ চয়নেও বস্তুতাত্ত্বিক ইহাতে তাঁহার বিশেষ পার্থক্য আছে। বস্তুতাত্ত্বিকগণ স্থূল কদর্যা জিনিষ সব সংগ্রহ করিতে ব্যস্ত বটে, কিন্তু তাঁহাদের দৃষ্টি পড়িয়াছে খুব সাধারণ সহজ স্থূলত জিনিষের উপর, বাহা সকলেই সর্বত্র দেখে শুনে জানে। বোদেলের কিন্তু তাহা করেন নাই; কুৎসিত বীভৎস ন্যাকারজনক জিনিষের মধ্যে বাহা আবার অতি কুৎসিত বীভৎস ন্যাকারজনক, বাহা সচরাচর যেন নজরে পড়ে না, পরিচিত হইলেও বাহা লোকে দেখে না বা দেখিতে চায় না, তিনি সেই সমস্তই খুঁজিয়া পাতিয়া বহির করিয়াছেন, এমন কি বস্তুজগতে বাহার সম্ভান পান নাই, কল্পনা লোক হইতে তাহাকে গড়িয়া লইয়াছেন। কারণ তিনি

ত যেমন তেমন রূপ চাঙ্কেন নাই, তিনি চাহিয়াছেন এমন রূপ বাহা তাঁহার বিশেষ ভাবটির প্রকাশ বা অভিব্যঞ্জনা significant forms— এই form রূপ আশ্রয় মাত্র; তাঁহার লক্ষ্য ভিতরের significance অর্থ, ব্যঞ্জনা, একটা নিগূঢ় রস। তাই দেখি তিনি যখন বিকট উৎকট বীভৎস জিনিষের চিত্র দিয়াছেন, তাহার মধ্যে এমন আলোছায়া খেলাইয়া তুলিয়াছেন, এমন একটা বর্ণগন্ধ মিশাইয়া দিয়াছেন, তাহাকে এমন একটা ভঙ্গীতে ব্যক্ত করিয়াছেন যে সে জিনিষটি আর ঠিক এসে জিনিষ বলিয়া মনে হয় না, যেন আর একটা লোক হইতে কি অপূর্ব সৌন্দর্য ও গরিমা লইয়া, কি চিরন্তন সত্য লইয়া দেখা দিয়াছে; সে আর Realist-দের la vérité vraie, লক্ষ্য বাস্তব বস্তু নয় তাহা হইতেছে একটা দৃষ্টি, Revelation.

কবি ফাঁসি কাঠে দোতুল্যমান যে পলিতশবের বীভৎস চিত্র রক্তবর্ণের—না মরবার পাংশুতে ফ্যাকাসে রঙে আঁকিয়া দিয়াছেন, সে কি তিনি একান্ত বাস্তব পার্থিব লোক হইতেই তুলিয়া ধরিয়াছেন? না। কবি স্পষ্ট করিয়াই বলিয়া দিয়াছেন, তাহা হইতেছে—

“একটা রূপক ফাঁসিকাঠ আর তাহাতে তুলিয়া আমারই প্রতীমুর্তি”। বস্তুত আমাদের কবির দিব্যদৃষ্টিতে এই সত্যটিই ফুটিয়া উঠিয়াছে যে বিশ্বস্থিতি হইতেছে একটা বিরাট ফাঁসিকাঠ, তুমি আমি বিশ্বের সকল জীব তাহাতে তুলিয়া গাছি। কবি জগতের সেই দিকটাই উপলব্ধি করিয়াছেন যে দিকে তাকাইলে আমরা দেখি আছে সেখানে একটা বিরাট নির্যাতনের ঘর, বিশ্বের সামগ্রী যেখানে দলিত পিষ্ট হইতেছে। অথবা ভারতীয় রূপকে আমরা বলিতে পারি স্থিতি হইতেছে একটা



বিরাত বিকট যজ্ঞ, সেখানে মনোরম শোলায়েম বলিয়া কিছু নাই,  
জীব সেখানে বলি মাত্র—

লেলিহুসে-এসমানঃ সমস্তাদ্

লোকান্ সমগ্রাণ্ বদনৈর্জ্জলন্তিঃ ।

তেজোভিরাপর্য্য জগৎ সমগ্রং

ভাসন্তবোগ্রাঃ প্রতপন্তি বিক্ষেপে ॥

শিবকে মানিতে হয় মানিতে পার, কিন্তু রুদ্রই হইতেছে জাগ্রত  
দেবতা—জগৎ হইতেছে শ্মশান কালীর লীলাভূমি ।

ভগবান সত্য হইতে পারে, কিন্তু রুদ্রই হইতেছে শয়তান । তুমি  
শয়তানকেও ভগবানেরই মূর্ত্তি বলিয়া ধরিতে পার, কিন্তু শয়তান  
শয়তানই । দেখ চারিদিকে, দেখ নিজের ভিতরে তাকাইয়া, দেখ  
সহজ দৃষ্টি দিয়া, অকুণ্ঠিত চিত্ত লইয়া, কিছু লুকাইতে, ঢাকিয়া রাখিতে  
চেষ্টা করিও না । তবুও যদি বল তুমি শয়তানকে দেখিতে পাইতেছ  
না, তবে বলিও তুমি স্বেচ্ছাকৃত অন্ধ, তুমি বোর মিথ্যাচারী, কাপুরুষ ।  
আমি ত স্পষ্টই দেখিতেছি—

“আমরা পুতুলের মত নড়িতেছি চড়িতেছি আর শয়তানেই  
ধরিয়া আছে তার কলকাঠ ! বীভৎস জিনিষেই আমাদের পরম  
তৃপ্তি । কোন স্নগভয় নাই প্রতি দিবসে এক পা এক পা করিয়া  
আমরা পূতিগন্ধময় অন্ধকারের ভিতর দিরা ক্রমাগত নরকের অভি-  
মুখে নামিয়া চলিয়াছি !” (১)

- (১) C'est le diable qui tient les fils qui nous remuent !  
Aux objets repugnans nous trouvons des appas ;  
Chaque jour vers l'Enfer nous descendons d'un pas  
Sans horreur, à travers des ténèbres qui puent.

প্রকৃতির বুকে কুয়াসা কুজুটিকা অন্ধকার বড়বৃষ্টি জলকাদা  
বৃষ্টি পচা আবর্জনা দূষিত পূতিগন্ধময় হাওয়া নাই ? কুমি কীট বিকট  
সরিস্বপ ভূত প্রেত বিভীষিকা নাই ? মানুষের মধ্যে রোগ নাই জরা  
দৈহ্য নাই মৃত্যু নাই ? চিন্তা নাই, হতাশা নাই, শোক নাই, বেদনা  
নাই, যন্ত্রনা নাই ? অনাচার অত্যাচার উচ্ছৃঙ্খলতা—এ সব কি ? কাম  
ক্রোধ লোভ মোহ, এসব কি ? অধর্ম, পাপ, পতন, অমঙ্গল  
সহস্র রকম মোহের মধ্যে মানুষ ভিতরে বহিরে ডুবিয়া নাই কি ?  
আমি ত দেখছি, মানুষ হইতেছে—

“অভিশপ্ত জীব, কোন আলো না লইয়া সে একটা গভীর  
গহবরের মুখে নামিয়া ষাইতেছে; গন্ধেই পরিচয় দিতেছে সে গহবরের  
সিল্ক অতল, আর তার অবলম্বনহীন অনন্ত সোপানাবলী ।

“সেখানে जागे তৈলাক্তদেহ বিকটাকার জানোয়ার সব ; তাদের  
প্রস্ফুরকদীপ্ত প্রকাণ্ড প্রকাণ্ড চক্ষু, সেখানের এক টানা রাত্রিকে  
আরও অন্ধকার করিয়া তুলিয়াছে; সে চক্ষু ছাড়া আর কিছু সেখানে  
দৃষ্টিগোচর হয় না ।” (১)

শুধু তাই নয়, আরও এক কথা—ছুঃখের ক্ষোভের কি না জানি  
না—তাহা হইতেছে এই যে, পৃথিবী নরকের তুলা, মানুষ শয়তানের

- (১) Un damné descendant sans lampe  
Au bord d'un gouffre dont l'odeur  
Trahit l'humide profondeur,  
D'éternels escaliers sans rampe,  
Où veillent des monstres visqueux  
Dont les larges yeux de phosphore  
Font une nuit plus noire encore  
Et ne rendent visibles qu'eux !

আজ্ঞাজ্ঞ, নিজেরই ইচ্ছায়, আনন্দেরই টানে। কুৎসিত হইতেই মানুষের ভাল লাগে, কুকর্মেই তাহার বিলাস; কি একটা তুষ্টি তুষ্টিই সে পাইতেছে তাহার দুঃখে, কষ্টে, অভাবে, অতৃপ্তিতে— তাহার জীর্ণ আবাসে, জীর্ণ দেহে, জীর্ণ মনে প্রাণে—তাহার সকল পাপ সকল কলুষতার মধ্যে। ভক্ত এ সকলকে ভগবানেরই লীলা বলিবেন, কিন্তু আমি দেখিতেছি—

“আমার যে সুবিস্তৃত রাত্রির পট, তাহার উপর যে ভগবান নিপুণ হস্তে কেবলই একটা বিচিত্র দুঃস্বপ্ন অবিশ্রান্ত আঁকিয়া চলিয়াছেন।” (১)

কেন এমন হইল? সেই চিরন্তন প্রশ্ন অমঙ্গল আসিল কেন, কোথা হইতে? সেই যে দুঃপত্রযাভিবাতাৎ জিজ্ঞাসা, তাহার উত্তর কি? মানুষ যে নরক চায় না, তাহা নয়; তাহা হইলে নরক আসিতেই পারিত না। নরককে চাই না, অথচ চাই—এ কি রহস্য, কি প্রহেলিকা?

আকাশের তারা ভূতলের কাদায় আসিয়া ডুবিল কেন? স্বর্গের যে অধিবাসী সে নরকের মধ্যে দিয়া ছুটিয়া পড়িল কেন? ‘কেন’ বোধ হয় নাই, এ যে

“একটা নিয়তির অমোঘ বিধান—ইহাতে প্রমাণিত হয় এই শুধু, যে শয়তানে যাহা করে তাহা সে ভাল করিয়াই করে।” (২)

ভাললাগার কারণ, ভাল লাগা, প্রাণের টান, যাহার হৃদয় যেখানে মঞ্চে। তুমি ভালবাস পূর্ণিমার জ্যোৎস্না, আমি ভালবাসি ঘোর

১ Sur le fond de mes nuits Dieu de son doigt savant  
Dessine un cauchemar multiforme et sans trêve!

(২) Une fortune irremédiable,  
Qui donne à penser que le Diable  
Fait toujours bien tout ce qu'il fait!

অমানিশা। তুমি ভালবাস প্রমোদ উদ্যান, আমি ভালবাসি শাশান। তুমি ভালবাস কোমল মুহুর মনোরম বাহা, আমি ভালবাসি কঠিন উগ্র তীব্র বিকট বাহা। ইহা কেবল রুচিভেদের কথা ছাড়া আর কি? পৃথিবীতে আছে দুই রকম সৌন্দর্য, দুই রকম মৌরভ—

“এক, এমন বাহা শিশুর দেহের মত তাজা, বাঁশীর স্বরের মত মধুর ভরা ক্ষেতের মত সবুজ,

“আর এক রকম বাহা হইতেছে গলিত উগ্র বিশ্ববিজয়ী—যাহার মধ্যে প্রসারিত রহিয়াছে অসীমের বিস্তৃতি।” (১)

কিন্তু আমার কথা যদি ধর তবে -

“অতল গহ্বরের মত গভীর এই প্রাণ চায় তোমাকে, ওগো মাকবেথ-পত্নী, চায় তোমার সেই পাপসমর্থ প্রাণকে, চায় কবি এস অখিলের সেই স্বপ্নকে বাহা ফুটিয়া উঠিয়াছে কুজুটিকার বড় বাপটার আকাশে।

অথবা সে চায় তোমাকে, মাইকেল এঞ্জেলর মানসতনয়া, ওগো ঘোরা রজনী! চায় তুমি যখন তোমার আহর্ষ্যসস্তার রাফসের গ্রাসে অতি প্রশান্তচিত্তে চিবাইতে থাকি তখনকার সেই অদ্ভুত ঠাঁম।” (২)

(১) Il est des parfums frais comme des chairs d'enfants,  
Doux comme le hautbois, verts comme les prairies,  
— Et d'autres, corrompus, riches et triomphants,  
Ayant l'expansion des choses infinies—

(২) Ce qu'il faut à ce cœur profond comme un abîme,  
C'est vous, lady Macbeth, âme puissante en crime,  
Rive d'Eschyle éelos au climat des antans;  
Ou bien toi, grande Nuit, fille de Michel Ange,  
Qui tors paisiblement dans une pose étrange  
Tes appas façonnés aux bouches des Titans!



তুমি বলিবে এ সব উৎকট রুচি, বিকৃত স্বভাবের কথা। ইহা আমার পক্ষেও স্বাভাবিক নয়, এ সব জোর করা জিনিষ, অভিনয় মাত্র। কিন্তু না, মোটেই তাহা নয়—বীভৎস বিকট আমার ভাল লাগে সত্যই তাই তাহাকে ভালবাসি; ভালবাসি অর্থ তাহাকে আমি সুন্দর দেখি। আমার অন্তরাত্মা সৌন্দর্য্যকেই খুঁজিতেছে, তাই যেখানে সে সৌন্দর্য্য পাইব সেখান হইতেই তাহাকে কুড়াইয়া লইব। সৌন্দর্য্যের উৎস যেখানেই হউক না কেন—সে যদি এমন সৌন্দর্য্য হয় যে আমার মন প্রাণকে মাতাইয়া চেতাইয়া উধাও করিয়া দেয়—তবেই হইল, আর কিছু চাই না। দেখুন, কুৎসিতের কবি কি রকমে একনিষ্ঠ সৌন্দর্য্যের কবি হইয়া পড়িয়াছেন। ধর্ম্মবোধ নীতিবোধ শালীনতা শোভনতাবোধ কোন বাঁধনের মধ্যেই তিনি ধরা দিতেছেন না। বিশ্বমঙ্গল প্রেমের টানে পচা মড়াকে আশ্রয় করিয়া, বিবাক্ত সাপকে ধরিয়া তাঁহার প্রেমাঙ্গুদের কাছে ছুটিয়াছিলেন। আমাদের কবিও বলিতেছেন, আমি তোমার কান্ত কঠোর, পাপ পুণ্য, স্তম্ভ দুঃখ, আরাম যন্ত্রণা শ্রেয় প্রেয়, দুঃখিত পুত্র—কিছু গণনা করি না। ও সব অবাস্তব জিনিষ আমি বুঝিতে চাই না—আমি বুঝি সুন্দর। আমি এই সুন্দরকেই, এই রসময়কেই উপলব্ধি করিয়াছি, তাহাকেই আমি আস্থান করিতেছি—

“তুমি স্বর্ণ হইতেই আসিয়া থাক আর নরক হইতেই আসিয়া থাক, কি আসে যায়, ওগো সুন্দর! ওগো বিকট ভীষণ সরল! তোমার দৃষ্টি, তোমার হাস্য, তোমার লাস্য আমার সম্মুখে খুলিয়া ধরিয়াছে একটা অসীমের তোরণ। সেই অসীমেরই প্রেমে আমি পাগল; হায়, তাহার সহিত আমার কোন দিন যে পরিচয় হইল না।

দানবের হউক আর দেবতার হউক, কি আসে যায়? দেবী হও আর মায়াবিনী হও কি আসে যায় যদি তুমি—ওগো পেলব-নয়না পরীটী, ওগো মুছনা, ওগো সৌরভ, ওগো জ্যোতি, ওগো আমার একমাত্র হৃদয়রাণী—যদি তুমি এই বিশ্বের কদর্ঘতা একটু উপশম করিতে পার, যদি তুমি সময়ের গুরুভার কিছু লাঘব করিতে পার!” (১)

আমাদের কবি কোথা হইতে আরম্ভ করিয়া ক্রমে কোথায় চলিয়াছেন মোটা তারের ঝঙ্কারের মধ্য হইতে সরু তারের কি একটা সূক্ষ্ম সুর স্ফুট হইতে স্ফুটতর হইতেছে, তাহা লক্ষ্য করিতেছেন কি? বস্তুতন্ত্রতাকে কোথায় আমরা পিছনে ফেলিয়া আসিয়াছি। এখন আমরা স্পষ্টই বুঝিতেছি, Realistদিগের ছায় বোদেলের শুধুই এ জগতের অধিবাসী নহেন। সহজ স্থূলভ সাধারণ ভাষা ভাষা বাহা, স্থূল ইন্দ্রিয়ের মধ্যেই বাহার পরিসমাপ্তি, সেখানে কি রস কি রহস্য আছে—যদি তাহার মধ্যে অসাধারণ অতীন্দ্রিয়কে না পাইলাম? সেখানে যে সবই জানা চেনা সামান্য অল্প সঙ্গীর্ণ। বাহা সুন্দর বাহা রসময় তাহা আমার পক্ষে অজানা অচেনা হওয়া চাই, তাহাকে অসীমের সাথে অনন্তের সাথে মিশিয়া মিলিয়া যাইতে হইবে—

- (1) Que tu viennes du ciel ou de l'enfer, qu'importe,  
O Beauté! monstre énorme, effrayant, ingenu!  
Si ton oeil, ton souris, ton pied, m'ouvre la porte  
D'un Iufin que j'aime et n'ai jamais connu?  
De Satan ou de Dieu, qu'importe? Ange ou Sirène,  
Qu'importe, si tu rends,—fée aux yeux de velours,  
Rhythme, parfum, leur, ô mon unique reine! —  
L'univers moins hideux et les instants moins lourds?



“কোন দিন যাহাকে দেখি নাই, সেই অসীমকেই যে আমি ভাল-বাসিয়া ফেলিয়াছি।”

কবি তাই খুঁজিয়াছেন আর এক জগৎ, তিনি যেন আপনার দেশ ছাড়িয়া এই পরদেশে আসিয়া পড়িয়াছেন, ঘরের জন্ম বৃষ্টি তাই তাঁহার প্রাণ গুমরিয়া গুমরিয়া ফোঁপাইয়া উঠিতেছে, আর একজন আর এক রকমের ঘর-হারা কবির কথায়—

দূরের পানে মেলে আঁধি  
কেবল আমি চেয়ে থাকি,  
পরায় আমার কেঁদে বেড়ায়

দুরন্ত বাতাসে! (গীতাঞ্জলি)

কোথায় এই আর এক জগৎ, এই স্বদেশ, এই আপনার ঘর? সে জন্ম আমাদের দৃষ্টি সহজেই উপরের দিকে ধায়, কবিরা সব তাহাই করিয়াছেন। বোদেলের কিন্তু তাহা করেন নাই, পারেন নাই। এই জগতের সাথেই তাঁহার নাড়ীর টান—এই জগতের মধ্যে, ধূলা মাটির অন্তরালেই তাঁহার জগৎ তিনি খুঁজিতেছেন। এক জগৎকে ছাড়িয়া ভুলিয়া তিনি বাইতে পারেন নাই—তিনি যে “নিজবাসভূমে পরবাসী”। বোদেলের তাঁহার দৃষ্টি দিয়াছেন উপরের দূরের পানে নয়—কিন্তু নীচের দিকে, অতি কাছে। দূরই কি কেবল দূরে—কাঁছের মত দূর কি আছে? আমাদের কবি আকাশের দিকে না উঠিয়া, নামিয়াছেন মাটির দিকে, স্বর্গের অভিমুখে না বাইয়া তিনি চলিয়াছেন নরকের অভিমুখে, দেবতার সাহায্য না চাহিয়া তিনি চাহিয়াছেন যক্ষরক্ষ নাগ দানা পিশাচের সাহচর্য। আশ্চর্যের কথা,

সেখানেই তিনি পাইয়াছেন তাঁহার সেই প্রিয়, সেই অসীম, সেই প্রাণ মন মাতান সৌন্দর্য্য সুষমা সৌরভ—সেই

“সীমাহীনের হ্রুবিন্তৃত আকাশ যেখানে দেহ মন আপনাকে ছাড়াইয়া গিয়াছে, মুক্তির গানে মুখরিত হইতেছে।” (১)

বাস্তবিক, কুৎসিত বিকট বৌভৎস নারকীয় পদার্থকে বোদেলের কি বাহুদ্বয়ে যে রূপান্তরিত করিয়া ধরিয়াছেন, কি মোহন স্পর্শে এ সকলের মধ্য হইতে একটা পরম সৌন্দর্য্য নিবিড় রস অত্যন্ত সত্যকেই প্রকটিত করিয়াছেন তাহা দেখিবার জিনিষ। মূত্রপুরীষের মধ্যে শূকরের আনন্দ—বলিবে, ইহা বিশ্বয়ের কি? কিন্তু শূকর মূত্রপুরীষকে মূত্রপুরীষ বলিয়া বোধ করে না, ইহার মধ্যে হইতে দিব্য গন্ধ দিব্য আশ্বাদনও কিছু লাভ করে না—এই রূপান্তর সম্ভব এক যোগীর মধ্যে, আর না হয় কবির মধ্যে। মূত্রপুরীষের মধ্যে নন্দনের হাওয়া কবি কিরূপে বহাইয়া দিয়াছেন, দেখুন তাহার একটি নমুনা—কবিতাটি দীর্ঘ হইলেও, ইহার মধ্যে বোদেলেরের প্রতিভা এমন ফুটিয়া উঠিয়াছে যে পাঠকগণকে জোর করিয়া শুনাইবার লোভ সম্বরণ করিতে পারিলাম না।

কবি দিতেছেন বালিকা থাকিতেই যাহারা বুড়ী হইয়া পড়িয়াছে তাহাদের চিত্র—

“অতি পুরাতন নগরীর আঁকাবাঁকা অলিগলিতে সব জিনিষ এমন কি বিভাষিকা পর্ধ্যন্ত কুহকে মণ্ডিত হইয়া দেখা দেয়; সেই

(১) —L'expansion des choses infinies

\*\*\*

Qui chantent les transports de l'esprit et de sens,



সব জায়গাতেই আমি প্রাণের একটা অদম্য টানে ছুটিয়া যাই আর চুপি চুপি দেখি যত অদ্ভুত শীর্ণ জীর্ণ অথক কি মনোহর জীব সব!

এই সব ভগ্ন চূর্ণ বিকটাকার প্রাণী এককালে রমণী ছিল— কাহারও নাম হয়ত এপোনীন, কাহারও বা লাইস! কুঞ্জপৃষ্ঠ, মুজ্জদেহ, অষ্টাবক্র—বিকট প্রাণী ইহার, হোক না, এস ইহাদিগকে আমরা ভালবাসিব। আহা! শতছিদ্র আবরণের অন্তরালে হিমজড় খোলসের নীচে, তবুও যে একটি জীব এখানে জাগিয়া আছে।

নিষ্ঠুর হাওয়ায় যা খাইতে খাইতে, গাড়ির ঘর্ষরে কাঁপিতে কাঁপিতে, বকের মধ্যে কি একটা ফুল হোঁসা অথবা ছাইপাঁশ কিছু দিয়ে গাঁথা খলিয়া স্মৃতি চিহ্নের মত জোরে আঁটিয়া ধরিয়া, ইহার হামু দিয়া চলিয়াছে!” (১)

“কেহ টিক্ টিক্ করিয়া চলিয়াছে, টিক্ যেন কাঠের পুতুলটি!  
কেহ বা আহত পশুর মত আপনাকে টানিয়া হাঁচড়াইয়া লইতেছে!  
কেহ বা নাচিতে ন চাহিয়াও নাচিতেছে—স্বাহা! এ যেন ঘণ্টার

- (1) Dans les plis sinueux des vicilles capitales,  
Où tout, même horreur, tourne aux enchantemens,  
Je guette, obéissant à mes humeurs fatales,  
Des êtres singuliers, décrépits et charmants  
Ces monstres disloqués furent jadis des femmes,  
Eponine ou Laïs! — Monstres bariés, bossus  
Ou tordus, aimons les! Ce sont encor des âmes  
Sous des jupons troués et sous des froids tissus.  
Ils rampent, figellés par les bises iniques,  
Frémissant au fracas roulant des omnibus,  
Et serrant sur leur flanc, ainsi que des réliques,  
Un petit sac brodé des fleurs ou de rébus;

মধ্যে দোলকের মত একটা দৈত্য নির্দয়ভাবে ফাঁসীতে ঝুলিয়া মরিতেছে!

“দেহ যে একেবারে ভাঙ্গিয়া চুরিয়া গিয়াছে তবুও দেখ, চোখ ইহাদের শুলের মত তীক্ষ্ণ, রাত্রিকালে স্তম্ভসলিলপূর্ণ গর্তের মত উজ্জ্বল। আবার আলো দেখিলেই ছোট্ট মেয়েটি যেমন আশ্চর্য হইয়া পড়ে, হাসিয়া কুটি কুটি হয়, তেমনি ইহাদের চাহনিতে মাখা আছে কি একটা শিশুসুলত সরল দিব্য ভাব।

“তোমার নজরে পড়িয়াছে কি, কত কত বৃদ্ধার শবাধার শিশুর শবাধারের মতই ছোট। এই একই ধরণের দুইটি শবাধার তৈয়ারী করিয়া শিল্পী-শ্রেষ্ঠ মরণ কি অদ্ভুত কি মনোহর রুটির পরিচয় দিতেছে, কি একটা কথা ইঙ্গিতে জানাইতেছে। (১)

- (1) Ils trottent, tout pareils à des marionnettes ;  
Se traînent, comme font les animaux blessés,  
Ou dansent, sans vouloir danser, pauvres sonnettes  
Ou se pend un Démon sans pitié! Tout cassés  
Qu'ils sont, ils ont des yeux perçant comme une vrille,  
Luisants comme ces trous où l'eau dort dans la nuit ;  
Ils ont des yeux divins de la petite fille  
Qui s'étonne et qui rit à tout ce qui reluit.  
— Avez-vous observé que maints cercueils de vieilles  
Sont presque aussi petits que celui d'un enfant ?  
La Mort savante met dans ces bières pareilles  
Un symbole d'un goût bizarre et captivant,  
Et lorsque j'entrevois un fantôme débile  
Traversant de Paris le fourmillant tableau,  
Il me semble toujours que cet être fragile  
S'en va tout doucement vers un nouveau berceau



আমি যখন চাহিয়া দেখি পারী নগরীর গহন জনতা ভেদ করিয়া এই রকম একটি জীর্ণ ছায়ামূর্ত্তি চলিয়াছে, তখনই আমার মনে হয় এই ক্ষীণপ্রাণ জীবটি যেন ধীরে ধীরে চলিয়াছে আর এক মাতৃকালের দিকে।

“এই সব চক্ষু কোটি অশ্রুবিন্দু দিয়ে গড়া এক একটি কূপ অথবা কোন গলিত ধাতু হইতে ঢালাই করা এক একটি কটাছ... এই সব চক্ষুতে তবু আছে কি নিবিড় রহস্য কি অজ্ঞেয় আকর্ষণ তাহা জানে সেই অভাগা যে একটা নিশ্চয় দুঃখগ্রহের স্তম্ভেই কেবল বাড়িয়া উঠিয়াছে।

“ইহারা সকলেই আমার মনকে মাতাল করিয়া ফেলে; কিন্তু এই সব ক্ষীণপ্রাণ জীবদের মধ্যেই এমনও আবার কেহ কেহ আছে বাহারা বেদনাকে মধুময় করিয়া তুলিয়াছে, বাহারা এক নিষ্ঠার শাখায় ভর করিয়া দাঁড়াইয়া বলিতেছে, ‘হে পরাক্রমী দৈত্য, তুমি আমাকে স্বর্গের দুয়ারে পৌঁছাইয়া দাও’।

“একজন তাহার দেশের জন্ম বিপদে বিপদে শানিয়া উঠিয়াছে, ঐ আর একজনকে তাহার পতি যন্ত্রনায় যন্ত্রনায় পিষিয়া দিয়াছে, ঐ আরও একজন তাহার সন্তানের জন্ম জীর্ণ বুক লইয়া মূর্ত্তিমান মাতৃরূপে দাঁড়াইয়াছে—আহা! ইহারা প্রত্যেকেই চোখের জলে এক একটা নদী বহাইয়া দিতে পারে।

“আহা, আমি এই রকম কতই না বালবৃদ্ধাকে চাহিয়া চাহিয়া দেখিয়াছি।

“ঐ একজন এখনও সোজা হইয়া দাঁড়াইয়া—গর্বে ঝড়ের উত্তেজনায় সে বিস্ফারিত নাসারন্ধ্রে, ঐ রক্ত দীপক রাগিনী বুড়ুক্ষিতের

মত আত্মাণ করিতেছে; তাহার চক্ষু সময়ে সময়ে বৃদ্ধ ঙ্গলপাখীর চক্ষুর মত উন্মীলিত হইতেছে। বিজয় মুকুটের উপযুক্ত করিয়াই তাহার কপালটি যেন মর্ম্মর পাথরে গঠিত হইয়াছে। (১)

“এইরূপে তোমরা রূপসী সব, কোন অনুরোধ না করিয়া, সকল সহিয়া সহিয়া, সংস্কৃত নগরীর ঘূর্ণীপাকের ভিতর দিয়া চলিয়াছ; তোমাদের কাহারও মায়ের বুক ফাটিয়া রক্ত ঝরিতেছে, কেহ বা তোমাদের রূপের পসারিনী, কেহ বা পরম পূণ্যবতী—আহা, তোমাদের নাম যে এককালে সকলের মুখে মুখে ফিরিত।

“ওগো শুষ্ক ছায়ামূর্ত্তি সব, বাঁচিয়া থাকিতেও তোমাদের লজ্জা হইতেছে, তাই বুঝি ভয়ে ভয়ে হামু দিয়া দেয়ালের পাশ ঘেঁষিয়া

(1) Ces yeux sont des puits faits d'un million de larmes,  
Des creusets qu'un metal refroidi pailleta -- --  
Ces yeux mystérieux ont d'invincibles charmes  
Pour celui que l'austère Infortune allaïta !

\*\*\*  
Toutes m'environnent ! mais parmi ces êtres frères  
Il en qui, faisant de la douleur un miel  
Ont dit au Devouement qui leur prêtait ses ailes :  
“ Hippogriffe puissant, mène-moi jusqu'au ciel ! ”  
L'une, pour sa patrie au malheur exercée,  
L'autre que son époux surchargea de douleurs,  
L'autre pour son enfant Madonne transpercée,  
Toutes auraient pu faire un fleuve avec leurs pleurs !  
Ah ! que j'en ai suivi de ces petites vieilles ! —

\*\*\*  
Celle-à droite encor, fière et sentant la règle  
Humait avidement ce chant vif et guerrier ;  
Son œil parfois s'ouvrait comme l'œil d'un vieil aigle ;  
Son front de marbre avait l'air fait pour le laurier !



চলিয়াছে—হায় রে বিচিত্র ভাগ্য লেখা সব। কেহ তোমাদের  
অভিবাদন করে না, তোমরা যে মানবজাতির আবর্জনা, তোমরা  
যে অনন্তের কবলে আসিয়া পড়িতেছ।

“কিন্তু আমি, আমি ত দূর হইতে তোমাদিগকে পরম স্নেহভরে  
চোখে চোখে রাখিয়াছি; দৃষ্টি আমার আশঙ্কায় ভরা, তোমাদের  
পতনোন্মুখ পদবিক্ষেপের উপর সর্বদা নিবন্ধ—আমি যেন  
ঠিক তোমাদের পিতা। কি আশ্চর্য্য! তোমাদের অজানিতেই  
কি একটা গোপন ভূপ্তি তোমার আমায় দিতেছ! (১)

“আমি যেন দেখিতেছি তোমাদের সেই প্রথম প্রণয়-আবেগ সব  
প্রস্ফুটিত হইতেছে; দুর্দিন হউক আর সুদিন হউক, তোমাদের সেই যত  
হারান দিনের মধ্য দিয়াই আমি চলিয়াছি। আমার হৃদয় শতগুণ হইয়া  
তোমাদের সকল পাপের আনন্দ উপভোগ করিতেছে, আমার অন্তরাষ্ট্রা  
তোমাদের সকল পুণ্যের অলোক পাইয়া উদ্ভাসিত হইয়া উঠিয়াছে!

(1) Telles vous cheminez, stoïques et sans plaintes,  
A travers le chaos des vivantes cités,  
Mère au cœur saignant, courtisanes ou saintes,  
Dont autrefois les noms par tous étaient cités.

\*\*\* \*\*

Hontcuses d'exister ombres ratatinées,  
Peureuses, le dos bas, vous côtoyez les murs ;  
Et nul ne vous salue, é ranges destinées !  
Débris d'humanité pour éternité mûrs !  
Mais moi, moi qui de loin tendrement vous surveille  
L'œil inquiet fixé sur vos pas incertains,  
Tout comme si j'étais votre père, ô merveille !  
Je goûte à votre insu des plaisirs clandestins !

ওগো ভগ্ন চূর্ণ অবশেষ সব! তোমরাই যে আমার আঙ্গীর  
স্বজন; যে রক্তে তোমাদের জন্ম, সেই রক্তেই আমারও এ দেহ  
পিণ্ডের জন্ম! প্রতি সন্ধ্যাতেই আমার বিদায় সস্তাষণ তোমাদিগকে  
নিবেদন করিতেছি। ওগো অশীতিপর বৃদ্ধা নবীন জননী সব, কাল  
তোমরা কোথায় থাকিব—নিয়তির নিদারুণ চক্রনেমী যে তোমাদের  
উপর আসিয়া পড়িল?” \* (১)

কি অদ্ভুত চিত্র! নন্দনে নরকে, দেবতায় পিশাচে এমন কোলা-  
কুলি মিশামিশি করিয়া রহিয়াছে; আঁধারে জ্যোতিতে, পরমপাপে  
পরমপুণ্যে এমন জড়াইয়া জড়াইয়া মিলাইয়া গিয়াছে—তাহাদের  
আর পৃথক করিয়া চিনিবার উপায় নাই। কবির কাব্যজগতের  
উপকরণ তাঁহার বালবৃদ্ধাদের মতই দেখিতে জার্ণ দুঃস্থ গলিত  
কলুষিত কিন্তু ঠিক তাহাদের মত

“শত ছিদ্র আবরণের অন্তরালে, হিমজড় খোলসের নীচে, তবুও  
কি একটা জীবন এখানে জাগিয়া আছে—”

বাহিরে যতই কুৎসিত কদর্য্য হউক না এই অন্তরের এই প্রাণের  
দিক দিয়া দেখ, দেখিবে

(2) Je vois s'épanouir vos passions novices ;  
Sombres ou lumineux, je vis vos jours perdus ;  
Mon cœur multiplié jouit de tout vos vices !  
Mon âme respandit de toutes vos vertus !  
Ruines ! ma famille ! ô cerveaux congénères !  
Je vous fais chaque soir un solennel adieu !  
Où serez-vous demain, Eves octogénaires,  
Sur qui pèse la griffe effroyable de dieu !

“ইহাদেরও চাছনীতে মাখা আছে কি একটা শিশু স্থূলভ সরল  
অজানা সৌরভ—

ইহাদেরও আছে কি একটা নিভৃত সৌন্দর্য, স্বর্গীয় সুষমা, দিব্য ভাব,  
“এই সব দৃষ্টিতে তবুও আছে কি নিবিড় রহস্য, কি অজ্ঞেয়  
আকর্ষণ।”

বোদেলের একটা অতিমাত্র স্থূল, উৎকট ইন্দ্রিয়পরতার জগৎ সৃষ্টি  
করিয়াছেন; কিন্তু তাহারই উপর ভর দিয়া কি সুফেন ইন্দ্রিয়াতীতে  
উঠিয়া গিয়াছেন। তাঁহার বালবৃদ্ধাদের মতই তিনি অন্তরাত্মার  
কোন তীব্র রম্যানে বিষকে অমৃতে পরিণত করিয়াছেন—

“বেদনাকে মধুময় করিয়া তুলিয়াছেন”—

পাপকে জড়াইয়া ধরিয়া বলিতে পারিয়াছেন, দেবতার কাছে চল,  
“হে পরাক্রমী দৈত্য, আমাকে স্বর্গের দুয়ারে পৌঁছাইয়া দাও।”  
বোদেলের নরকের অধিবাসী, পিশাচের—শয়তানের পূজারী;  
কিন্তু আমরা আবার জিজ্ঞাসা করি, কে এ শয়তান, কি জঘ্ন তাহার  
নরকবাস? এ যে স্বর্গেরই অধিবাসী, এ যে সেই দেবতা—এঞ্জেল—  
পৃথিবীর মানবের দুঃখ দৈন্য দেখিয়া একদিন বাহার চোখের পাতা  
ভিজিয়া উঠিয়াছিল, মর্তের “তমসা গুঢ়” তমোরাজি দেখিয়া স্বর্গের  
আলো বাহার পক্ষে অসহ্য হইয়া উঠিয়াছিল। তাই ত তাহার  
হৃদয় বিদীর্ণ করিয়া উঠিয়াছে এই ধ্বনি

“ওগো আমার দোসর—ওগো আমার ভাই।” (১)

তাই ত সে ছুটিয়া আসিয়াছিল জগতের বেদনা যন্ত্রনা কলুষতার  
মধ্যে, যেখানে সে দেখিতে পাইয়াছিল শুধু

(১) — Mon semblable—Mon frère !

“কাঁসিকাঠের একটা প্রতিমা আর তাহাতে ঝুলিয়া আছে  
তাহারই ছায়াটি”—

দেবতার মত এঞ্জেলের মত সে মুখ ফিরাইয়া লইতে চাহে নাই,  
দূর হইতে মানুষকে জগৎকে—দুঃখকে পাপীকে পর ভাবিয়া কেবল  
একটুখানি করুণা দেখাইয়াই সন্তুষ্ট হয় নাই। সে চাহিয়াছে  
মানুষের জগতের নরকের সহিত হৃদয় মিলাইয়া দিতে, এক হইয়া  
বাইতে, সে চাহিয়াছে

“সেই শক্তি সেই সাহস যেন নিজের হৃদয় নিজের দেহের প্রতি  
নির্গমেষ চাহিয়া দেখিতে তাহার কোন ঘৃণা না হয়।”

মানুষের মধ্যে পিশাচকে শয়তানকে দেখিতে পাইতেছ, কিন্তু  
কে সে ?

সে যে

“একটা ভাব, একটা রূপ, একটা সত্তা, স্থূল গগন হইতে ছুটিয়া  
আসিয়া পড়িয়াছে একটা পঙ্খিল তামসী বৈতরণীর মধ্যে—সেখানে  
যে স্বর্গের কোন দৃষ্টিই আর প্রবেশ করিতে পায় না।” (১)

সে যে

“একটি দেবতা, কুৎসিতের প্রেমে জুলিয়া অতি দুঃসাহসে গহন  
পথে বাহির হইয়া পড়িয়াছে—” (২)

(1) Une Idée, une Forme, un être  
Parti de l'azur et tombé  
Dans un Styx bourbeux et plombé  
Où nul œil de ciel ne pénètre.

(2) Un Ange, impudent voyageur  
Qu'a tenté l'amour du difforme—



এই এঞ্জেল স্বর্গ ছাড়িল কেন, তাহার সহবাসী আর আর এঞ্জেল  
সকলকে অস্বীকার করিল কেন? শুমনু তবে তাহার প্রাণের কথা—  
“ওগো আনন্দের দেবতা! তুমি চেন কি শোক, লজ্জা,  
অমুতাপ, রোদন, অবসাদ?”

\*\*\*

ওগো শ্রীতির দেবতা! তুমি চেন কি বিদেহ, আঁধারে বন্ধমুষ্টি,  
বিষের অশ্রুধারা?

\*\*\*

ওগো স্বাস্থ্যের দেবতা! তুমি চেন কি ঐ সব ব্যাধি, ঐ বাহারা  
মলিন আত্মরাশ্রমের-বিপুল-দেয়ালের-পাশ দিয়া পাশ দিয়া,  
নির্বাসিতের মত, টলিতে টলিতে চলিয়াছে?

\*\*\*

ওগো সৌন্দর্যের দেবতা! তুমি চেন কি লোলচন্দ্র, বার্কাক্য-  
জাত, সেই দারুণ মর্মান্বন্দ যাতনা সকল?”

\*\*\*

\*\*\* ” (১)

(1) Ange plein de gaieté, connaissez-vous l'angoisse,  
La honte, les remords, les sanglots, les ennuis ...  
\*\*\*

Ange plein de bonté, connaissez vous la haine,  
Les poings crispés dans l'ombre et des larmes de fiel ...  
\*\*\*

Ange plein de santé, connaissez vous les Fièvres,  
Qu', le long des grands murs de l'hospice blafard,  
Comme des exiées s'en vont d'un pied traînard ...  
\*\*\*

Ang. plein de beauté, connaissez-vous les rides,  
Et la peur de vieillir et ce hideux tourment.  
\*\*\*

স্বথের স্বস্তির স্বাস্থ্যের মঙ্গলের—তোমরা বাহাকে সৌন্দর্য বল,  
সে সকলের দিকে তাহার দৃষ্টি নাই—তাহার চিন্তা তাহার প্রাণ  
ছুটিয়াছে—

“কেবল তাহাদেরই দিকে বাহারা হারাইয়াছে এমন বস্তু,  
হারাইলে বাহা কখন পাওয়া যায় না, কখন পাওয়া যায় না!  
তাহাদেরই দিকে বাহারা আপন নয়নজলে আকর্ষণ নিমগ্ন, বাহারা  
বেদনা-বাধিনীকেই স্নেহময়ী জননীরূপে পাইয়াছে, তাহারই স্তম্ভ পান  
করিয়াছে! সেই সব পিতৃ মাতৃহীন অস্থিচর্মশার শিশুদিগের প্রতি  
বাহারা শুষ্ক কুসুমের মত বরিয়া পড়িতেছে।” (১)

আহা! শুমনু তাহার প্রাণের ব্যাথা—

“মন যেন আমার কোন অরণ্যে নির্বাসিত! কি একটা পুরাতন  
স্মৃতি যেখানে বিধাণের মত তারস্বরে ফুকরিয়া উঠিতেছে! আর  
আমার প্রাণে জাগিতেছে কেবল সেই সব নাবিকদের কথা, বাহা-  
দিগকে একটা অজানা দ্বীপের মধ্যে ভুলিয়া ফেলিয়া আসা হইয়াছে,  
জাগিতেছে যত বন্দীদের কথা, যত পরাজিতদের কথা!...আরও  
কত জনার কথা!” (২)

- (1) A quiconque a perdu ce qui ne se retrouve  
Jamais! jamais! à ceux qui s'abreuvent des pleurs  
Et tentent la Douleur comme une bonne louve!  
Aux maigres orphelins s'échant comme des fleurs!
- (2) Ainsi dans la forêt où mon esprit s'exile  
Un vieux souvenir sonne à plein soufflé de cor!  
Je pense aux matelots oubliés dans une Ile,  
Aux captifs, aux vaincus!.....à bien d'autres encor!

এই সকল নগণ্য স্মৃতি বিস্মৃত সন্তাদের প্রতি কি তীব্র সমবেদনা কি গভীর সহানুভূতি কি অকণ্ট সৌহার্দ আমাদের কবির। তিনি ইহাদের অন্তরাঙ্গার মধ্যে আপনাকে ঢালিয়া দিয়াছেন, আপনার অন্তরাঙ্গার মধ্যে ইহাদেরই স্বরূপখানি অঙ্কিত আছে দেখিতেছেন। আমাদের মনে হয় কবি যেন গীতার সেই মহাশিক্ষা অন্তরে অন্তরে উপলব্ধি করিয়াছেন, সেই মহা সাধনার সিদ্ধি লাভই করিয়াছেন—

সর্বভূতস্ব মাত্মানং সর্বভূতানি চাত্মনি—

ঈক্ষতে যোগ-যুক্তাত্মা—

কবিকে যে ঋষি বলা হয় তাহা কি অহৈতুক? কবি হইতেছেন স্বভাব যোগী। আর ঠিক এই জন্মই আমাদের কবিও কি একটা অনন্ত চিরন্তন সত্যের, পরম সৌন্দর্যের মধ্যেই সব জিনিষ তুলিয়া ধরিয়াছেন; বীভৎসকেও শ্রীসমূহই করিয়া তুলিয়াছেন—পশুকে প্রায় দেবতার কাছে, নরকে স্বর্গের দুয়ারে লইয়া গিয়াছেন।

কবির মনে প্রথমে স্বর্গে ও নরকে, দেবতা ও পশুতে, গন্ধর্বের ও পিশাচে একটা দ্বন্দ্ব জাগিয়া উঠিয়াছিল—তখন তিনি স্বর্গ দেবতা গন্ধর্বকে ছাড়িয়া নরক পশু পিশাচকেই বরণ করিয়া লইয়াছিলেন; কিন্তু ক্রমে কবি যত গভীরে যাইতেছেন ততই দুইশ্রেণীর সে দ্বন্দ্ব তাঁহার চক্ষে ঘুচিয়া যাইতেছে। তিনি এখন দেখিতেছেন নরক যে স্বর্গেরই উপটা দিক। পশুর উপর ভর করিয়াই যে দেবতা দাঁড়াইয়া আছে, পশু হইতেছে দেবতার বাহন। বিষ ও অমৃত একই সামগ্রী হইতে প্রস্তুত, একই জিনিষের দুই রকম রসায়ন। জগৎ তমিস্রপূর্ণ কিন্তু এ তমোরাশী স্বর্গই ঢালিয়া দিতেছে, ইহা স্বর্গেরই ছায়া—

“এই অভাগা অসাড় জগতের উপর রাশি রাশি অন্ধকার ঢালিয়া দিতেছে এ আকাশ!” (১)

জীবের যে দূরবস্থা দেখিতেছ, তলাইয়া দেখ ত সেটা কি?

“দূর গগনের পারে যে সব নক্ষত্ররাজি জ্বলিতেছে, তাদেরই করুণা দীপ্তিতে ভস্মীভূত নয়নে আমার জাগিতেছে কত সূর্যের কেবল স্মৃতি গুলি।” (২)

মানুষ ছুটিয়াছে ভগবানকে পাইবার লক্ষ্য, কিন্তু সে তাঁহাকে ধরিতেছে পিছন হইতে, ধরিতেছে তাঁহার ছায়াদেহ—মানুষ চাহিতেছে আলোক, তাই সে পাইতেছে অন্ধকার—

“দিগন্তের পানে ছুটিয়া চল, সময়-বহিয়া গিয়াছে, চল স্বপ্না—শেষ-দিক দিয়া অন্ততঃ একটা বাঁকা কিরণলেখা ত ধরিতে পাইব! কিন্তু দেবতা যে কেবল সরিয়া সরিয়াই যাইতেছে আর আমি বুধা তার পশ্চাতে ছুটিতেছি; রাত্রিও ত অদম্য প্রতাপে ঘনাইয়া আসিতেছে।” (৩)

উপর হইতে কে আমার টানিতেছে, তাই ত আমাকে পৃথিবীর উপর জোর করিয়া পৃথিবীকে আঁকড়িয়া ধরিয়া থাকিতে হইতেছে—

- (1) Et le ciel versait des ténèbres  
Sur ce triste monde engourdi—
- (2) C'est grace aux astres nonpareils  
Qui tout au fond du ciel flambaient  
Que mes yeux consumés ne voient  
Que des souvenirs des soleils!
- (3) Courons vers l' horizon, il est tard, courons vite,  
Pour rattraper au moins un oblique rayon!  
Mais je poursuis en vain le Dieu qui se retire;  
L'irrésistible Nuit établit son empire!—



“আমার চক্ষু আকাশের দিকে, তাই ত আমি পড়িতেছি খানার মধ্যে।” (১)

চারি দিকে দেখিতেছি প্রকৃতির এই যে দুঃস্থ সাজ, জীবের এই ছিন্ন বস্ত্র, জীর্ণ দেহ, দীর্ণ বুক, হে ভগবান, এসব সেই

“যে তীব্র ক্রন্দনরোল যুগের পর যুগ টেলিয়া আসিয়া তোমারই অনন্তের বেলাভূমে আছাড়িয়া পড়িতেছে।” (২)

মাটির উপর কে পড়িয়া আছ, কর্দমের মধ্যে কে ডুবিয়া গিয়াছ? আমি শুনিতেছি কে যেন কোথা হইতে তোমাদিগকে ডাকিতেছে—

“এস, ওগো, এস, বাস্তবকে ছাড়াইয়া, পরিচিতকে অতিক্রম করিয়া, স্বপ্নের মধ্যে ভেলা ভাসাইবে চল।” (৩)

উপরের আলোকের অনন্তের একটা নিবিড় স্মৃতি, গোপন উপলব্ধি লইয়া কবি ছুটিয়াছেন নীচের আঁধারের সঙ্কীর্ণের দিকে, তাই এই নীচ এই আঁধার এই সঙ্কীর্ণের মধ্যেই কেমন খেলিতেছে সেই উপর সেই আলোক সেই অনন্ত; স্বর্গ হইতে তিনি নামিয়া পড়িয়াছেন নরকের মধ্যে, নরকেও তাই কেমন স্বর্গের দীপ্তিতে প্রায় দাঁপ হইয়া উঠিয়াছে; বীভৎসের পথ ঘুরিয়া ফিরিয়া ধরাইয়া দিতেছে কেমন একটা সৌম্যেরই পথ। কবি সত্যকে স্বন্দরকে সম্পূর্ণ হইতে দেখেন নাই, তিনি দেখিয়াছেন পশ্চাত হইতে, তির্যক ভাবে (oblique rayon), কিন্তু তাহা সত্যেরই স্বন্দরেরই দৃষ্টি।

(1) Les yeux au ciel, je tombe dans des trous ! †

(2) —ardent sanglot qui roule d'âge en âge  
Et vient mourir au bord de votre éternité !

(3) —Viens ! oh ! viens voyager dans les rêves  
Au de là du possible, au de là du connu !

কুটিলের, বিকৃতের, বিকটের মহাসাগরে তিনি সঁাতার দিতেছেন, তবুও তাহা মহাসাগরই।

বোদেলের মোটেই বস্তৃতন্ত্র নহেন, বরং আমবা তাঁহাকে বলিব মিস্টিক (Mystic), আধ্যাত্মিক কবি। তাঁহার সাজাত্য যদি থাকে, তবে তাহা স্কোলা বা মোপার্সাঁ'র সাথে নয়, তাহা ইট্‌সু, এই বা রবীন্দ্রনাথ, মেটারলিন্‌ক বা ভেরলেন'এর সাথে। আধ্যাত্মিক কবি অর্থাৎ সেই কবি যিনি বস্তুর অন্তরাত্মার রহস্যের কথা উদ্ঘাটন করিয়াছেন, এ জগৎকে প্রত্যক্ষকে ছাড়াইয়া দিয়া স্থূলকে অতিক্রম করিয়া আমাদের দিতেছেন আর একটা জগতের আভাস, একটা অনন্তের অনির্দেশ্যের অবাঙমানসগোচরের ইঙ্গিত, তিনি চলিতে পারেন দুইটি পথে—এক হইতেছে উপরের ভগবানের স্বর্গের আলোকের তন্ময়ের বা তথ্যের পথ—মিস্টিক কবিগণ এই পথই প্রায়শঃ অবলম্বন করিয়াছেন। কিন্তু সৃষ্টির গূঢ়তম রহস্য, তাহার অন্তরাত্মার কথা, তাহার মধ্যে অনন্তের অনির্দেশ্যের ভাব কেবল উপরের দিকেই উঠিয়া গেলে যে পাই এমন বাধাবাধকতা না থাকিলেও পারে। ফলতঃ উপরের কথা ছাড়িয়া নীচের কথা, পরমাত্মা আত্মা অমৃতত্বের (God Soul, Immortality) তত্ত্ব বা তথ্য ছাড়িয়া সাধারণ জীবনের কথা, স্থূল অনুভূতি, প্রাকৃত আবেগের কথা লইয়াই যদি থাকি এবং উপরের যে সিদ্ধ-মিস্টিক কবি একজন যতখানি উঠিয়া গিয়াছেন, নীচের দিকেও আমি ততখানি নামিয়া যাই—তবে দেখিব সেখানেও আমি পাইতেছি সেই একই অধ্যাত্ম জগৎ, রহস্যলোক মিস্টিক আবহাওয়া—কবিত্বের সেই সূক্ষ্ম অরূপের রাজ্য। বৈদিক ঋষি যেমন বলিতেছেন উপরে এক মহা সাগর—এক বিপুল অন্ধকার

নীচে আর এক মহাসাগর আর এক বিপুল অন্ধকার, মাঝখানে শুধু সৃষ্টির জাগ্রতের আলোক রশ্মিটি তির্যকভাবে নিপতিত। মাঝখানের আয়তনটিই হইতেছে আমাদের পরিচিত ইন্দ্রিয় বুদ্ধির পরিচিত আয়তন—যাহা সহজ সুলভ সাধারণ বস্তুতন্ত্র গছাঙ্কক— উপরে ও নীচে হাত ধরাধরি করিয়া মিলিয়া মিশিয়া পিছনে এক অনন্তের রহস্যের মহা সৌন্দর্যের মিস্টিক রাজ্য সৃষ্টি করিতেছে। ইটসু, এ-ই বা আমাদের রবীন্দ্রনাথ উপরের ওপারের দিকে চলিয়াছেন, বোদেলের এ পারের অনুভূতির মধ্যেই খুঁড়িয়া চলিয়া একটা নীচের ওপারে গিয়া পড়িয়াছেন—উভয়েই পাইয়াছেন একই মিস্টিক অধ্যাত্ত রাজ্য।

আমরা যে রূপাস্তরের যে যাদুবিচার যে অদ্ভুত রসায়নের কথা বলিয়াছি তাহার রহস্য ঠিক এইখানেই। পাঠক ইতিপূর্বেই যথেষ্ট উদাহরণ পাইয়াছেন, তবুও আরও কয়েকটি আমরা আবার দিতেছি, শুধু নয় অতিমাত্র ইন্দ্রিয়গত যাহা তাহার উপর ধ্যান বলে কবি কি রকম সমাধিস্থ হইয়াই যেন—অতীন্দ্রিয়ের মধ্যে ডুবিয়া গিয়াছেন—

“তাহার স্নগভীর চক্ষুকোটর রিক্ততা আর অন্ধকার জড় করিয়া গড়া, মাথার খুলিটি তাহার ফুল দিয়া সূচাকরূপে মণ্ডিত—জীর্ণ মেরুদণ্ডের অস্থিশ্রেণীর উপর সেটা কেমন আবার ধীরে ধীরে ঢুলিতেছে! আহা! একটা মহাশূন্য মিথ্যার আভায় উদ্ভাসিত হইয়াকি কুহকই না ছড়াইতেছে! (১)

- (1) Ses yeux profonds sont faits de vide et de ténèbres,  
Et son crâne, de fleurs artistement coiffé  
Oscille mollement sur ses frêles vertèbres  
—O charme d'un néant follement attifé!

অথবা—

“তখন, ওগো রূপসী আমার। যে সব কৃমিকীট চুষনে চুষনে তোমায় খাইয়া ফেলিতে থাকিবে, তখন তাহাদিগকে তুমি বলিও যে আমার পচা গলা প্রেম রাজির দিব্যরূপ যাহা, অন্তঃসার যাহা সেকুটু কিন্তু অক্ষতভাবে আমারই কাছে রাখিয়া দিয়াছি।” (১)  
উজ্জ্বল আলোকের কবি হয়ত যখন বলিবেন—

“সব সঙ্গীত তাঁহারই হাসির রোল, সব সৌন্দর্য্য তাঁহারই তীব্র আনন্দের দীপ্তি, আমাদের জীবন তরঙ্গ তাঁহারই হৃদয় স্পন্দন; আমাদের উল্লাস রাধাকৃষ্ণের রাসলীলা, আমাদের ভালবাসাবাসি তাঁহাদেরই প্রেম চুষন।” (২)

বোদেলের তখন গাহিয়া উঠিবেন—

“আমিই ছুরিকা, আমিই ক্ষত; আমিই গণ্ড, আমিই চপেটাঘাত; আমিই চক্রনেমী, আমিই নিস্পিষ্ট দেহ; আমিই হত, আমিই হস্তা।” (৩)

- (1) Alors, ô ma beauté! dites à la vermine  
Qui vous mangera de baisers  
Que j'ai gardé la forme et l'essence divine  
De mes amours décomposés.  
(2) All music is only the sound of His laughter  
All beauty the smile of His passionate bliss;  
Our lives are His heart-beats, our rapture the bridal  
Of Krishna and Radha, our love is their kiss—  
(Ahana and other poems)  
(3) Je suis la plaie et le couteau!  
Je suis le soufflet et la joue!  
Je suis les membres et la roue,  
Et la victime et le bourreau!



কিন্তু উভয়ে একই বৈদাস্তিক সত্য ও সৌন্দর্য্যকে ফুটাইয়া ধরিতে চেষ্টা করিয়াছেন—তবে বিভিন্ন সংজ্ঞায়; পার্থক্য বাহা তাহা শব্দভাষায়।

মিস্টিক কবিই বল আর আধ্যাত্মিক কবিই বল তিনি হইতেছেন সেই কবি যিনি জগতের আছে যে একটা বাহ্য নামরূপ, একটা স্ফুট অর্থ সে দিকে ততখানি দৃষ্টিপাত করিতেছেন না যতখানি করিতেছেন তাহার আছে যে একটা স্বভাব ও স্বরূপ, একটা নিগূঢ় অর্থ (esoteric meaning) সেই দিকে। এই গুপ্ত অভিব্যঞ্জনকে ফুটাইয়া ধরিলেই জগতের বাহ্য নামরূপ অর্থ যেখানে যতটুকু যে ভাবে প্রয়োজন তাহাই গ্রহণ করিতেছেন। তাঁহার চোখে সমস্ত প্রকৃতি ভিতরের একটা অশরীরী সত্তার প্রতীক বা বিগ্রহ মাত্র—এই বলিতেছেন আত্মার পরিচ্ছদ (vesture of the soul) হইতেছে প্রকৃতি। তিনি দেখেন একটা সূক্ষ্ম বিরাট শক্তির বা চেতনার শীলা, স্থূল বস্ত্র স্থূল ঘটনা কেবল তাহারই ইঙ্গিত, সাংকেতিক চিহ্ন মাত্র। তাই বোদেলের বলিতেছেন—

“জগৎ যেন একটা বিপুল বনশ্রেণী, আর মানুষ ক্রমাগত তাহার ভিতর দিয়া চলিয়াছে—মানুষের চারিদিকে তরুলতার মত ঘিরিয়া ঝাড়াইয়া এই সব কিসের অফুরন্ত সঙ্কেতরাজী কত পরিচিতের মতই না তাহাকে তাকাইয়া তাকাইয়া দেখিতেছে। (১)

তবে অশ্রাঙ্ক কবির সহিত আমাদের কবির পার্থক্য এই যে ইনি একটা বিশেষ ধরণের সিংহল বা সঙ্কেত, সংজ্ঞা বা পরিভাষা ব্যবহার

(1) L'homme y passe à travers des forêts de symboles  
Qui l'observent avec des regards familiers.

করিতে ভালবাসেন—এগুলি কেবল কুৎসিত কালো করুণ পীড়াদায়ক, ইহারা শোভন নয় উজ্জল নয় শ্রীতিকর নয়—ইহাতে অভাব আলোর হাওয়ার স্বস্তির স্বাচ্ছন্দ্যের মুক্ত খেলা। কিন্তু তাহাতে খুব বেশী আসে যায় নাই, আসল বস্তুটি—সেই অনন্তকে অশরীরীকে অতীন্দ্রিয়কে তিনিও এই সকলের মধ্য দিয়াই ফুটাইয়া ধরিয়ান্নেহন। কবির চোখে পড়িল অন্ধের দল, তিনি তাহাদের চিত্র মিশেন এই ভাবে—

“অপার অন্ধকারের ভিতর দিয়া ইহারা চলিয়াছে—এই সব চিরন্তন নিস্তরকার প্রতিমূর্ত্তি সব।” (১)

গৃহহীন পথসর্বস্বদিগকে (Bohémien) দেখিতেছেন আর বলিতেছেন—

“এই সব যাত্রী কেবল চলেইছে, ইহাদের সম্মুখে উন্মুক্ত—  
তাহাদেরই অতি পরিচিত যে গহন অন্ধকার সমস্ত ভবিষ্যতকে আচ্ছন্ন  
করিয়া রাখিয়াছে।” (২)

আমরা পূর্বে যে Martyre, যে Gibet Symbolique, যে বালবুদ্ধাদের কথা বলিয়াছি সে সবও এখানে আবার স্মরণ করা যাইতে পারে।

বোদেলের স্বর্গের কবি নহেন, তাঁহার মধ্যে আলোর জ্যোতির স্নিগ্ধতার একান্তই অভাব দেখিতেছি। প্রধানত তিনি নরকের তমিস্রের বীভৎস বিভীষিকার কবি। এ সকলেরও গিয়াছেন তিনি

(1) Ils traversent ainsi le noir illimité  
Ces frères du silence éternel.

(2) ———— Ces voyageurs pour lesquels est ouvert  
L'empire familier des ténèbres futures !

চরমে, তাই বোধ হয় ঘুরিয়া আবার যেন এক বকম স্বর্গেরই দ্বারায় উপস্থিত হইয়াছেন। তবুও আমরা অনুভব করি বোদেলের যে আলোকের যে জ্যোতির যে সমুচ্চের সন্ধান পাইয়াছেন তাহাতে মিশিয়া আছে মশালের রক্ত আভা ও উত্তাপ, প্রভাতের সহজ সরলতা সেখানে নাই। দানবের স্বর্গস্থিতি ফুটিয়া উঠিয়াছে, সত্য কথা, কিন্তু ফুটিয়া উঠে নাই দেবতার সাক্ষাৎ অসম্ভূত উপলক্ষি। তিনি যখন বলিতেছেন—

“ওগো আলো! ওগো রঙ। আমার ঘন কৃষ্ণ সাইবেরিয়া দেশের উত্তাপ চূর্ণ।” (১)

অথবা—

“নিশীথের গগন মগুপেরই মত স্বর্গে তুলিয়া ধরিয়া তোমাকে আমি পূজিতেছি, ওগো দুঃখের সাজি! ওগো বিপুল নিরবতা!” (২)  
তখন আমরা প্রায় স্বর্গেরই দ্বারায়—কিন্তু তবুও দ্বারায় মাত্র।

ইহাই আমাদের কবির প্রধান কথা—কিন্তু ইহাও আবার সব নয়। বোদেলের পাণ্ডিত্যের চরমে গিয়াছেন—চরমে চলাই তাঁহার প্রাণের ধর্ম—তিনি চরমে গিয়া নামিয়াছেন, কিন্তু কি রকমে ঠেলিয়া আবার চরমেই উঠিয়াছেন, তাহারও ইঙ্গিত যে তিনি দেন নাই তাহা নয়। মনে হয়, পৃথিবী খুঁড়িতে খুঁড়িতে তিনি ভূগর্ভের অন্ধকারাচ্ছন্ন গলিত ধাতুস্রাবের মধ্যে গিয়া পড়িয়াছেন; কিন্তু

(1) Toi, lumière et couleur!  
Explosion de chaleur  
Dans ma noire Sibirie!

(2) Je t'adore à l'égal de la route nocturne  
O vase de tristesse, ô grande taciturne!

সেখানেই থামেন নাই, আরও বরাবর খুঁড়িয়া চলিয়াছেন—পৃথিবী ভেদ করিয়া ওপারে আবার আলোকের আকাশের অসীম বিস্তারেই পক্ষ উড্ডীন করিয়া দিয়াছেন। স্বর্গের স্মৃতি শুধু নয়, তিনি পাইয়াছেন স্বর্গ-দৃষ্টিই; বিপরীত সংজ্ঞায় দেবলোকের রূপক নহে, সহজ দেবভাষাতেও দেবলোকের স্ফুটকাহিনী বলিরাছেন। পতীর অমানিশার পারেই তাঁহার সেই অধ্যাত্ম উষা (L'Aube Spirituelle) উদ্ভিত হইয়াছে—

“কি একটা অদ্ভূত শক্তির বিপরীত লীলায় তন্দ্রাজড় পশুর মধ্যে হইতেই দেবতা প্রবুদ্ধ হইয়া উঠিয়াছেন।” (১)  
আরন্তে পাই বটে—

“এক কর্দমাকীর্ণ ঘনঘটাচ্ছন্ন বৈতরিণী, যেখানে স্বর্গের কোন দৃষ্টিই প্রবেশের পথ পায় না।”  
কিন্তু সর্বশেষে দেখি—

“আর এক মহাসাগর, জ্যোতি যেখানে কাটিয়া পড়িয়াছে, আর কেমন সে সুনীল, কেমন স্বচ্ছ, কোঁমার্যের মতনই স্রুগভীর রহস্তে ভরা।” (২)

কবি যাহাই বলুন না, যে পথেই চলুন না, তাঁহার চরম আদর্শটি—

(1) Par l'opération d'un mystère vengeur  
Dans la brute assoupie un ânge se réveille

(2) —Un autre océan où la splendeur éclate,  
Bleu, clair, profond comme la virginité.



“বিশুদ্ধ আলো দিয়াই গড়া—সে আলো তিনি আহরণ করিয়াছেন  
আদিম কিরণরাজীর একটা পরম পবিত্র উৎস হইতে।” (১)  
বোদেলের অস্বাভাবিক কবিদের দ্বারা শুদ্ধস্ব পুরুষের আরাধনা  
করেন নাই, তিনি করিয়াছেন ঘোরা প্রকৃতির পূজা। কিন্তু শ্মশান  
ফালীর সাধকের মতই তিনি শেষে পাইয়াছেন সেই মহাদেব  
শিরের দেখা। বোদেলের হইতেছেন তান্ত্রিক, বামাচারী, অঘোর  
পন্থী কবি সাধক। গলিত শবের সহায়ে মহাজীবন, গরলের  
সহায়ে অমৃত বাত্বৎসের সহায়ে অতি সুন্দর অনাচারের সহায়ে  
মুক্তধর্ম, ঘোর তমিস্রের সহায়ে দিব্যজ্যোতি, নরকের সহায়ে স্বর্গ  
ইন্দ্রিয়ের সহায়ে অতীন্দ্রিয়, সন্ধার্ন সসীমের সহায়ে অনন্ত অসীম  
লাভ করাই তান্ত্রিক সাধনা—বোদেলেরও তাহাই করিয়াছেন।  
বেদান্ত সাধনার কবি অনেক পাইয়াছি, তন্ত্রের ভোগসাধনার কবিও  
যথেষ্ট আছে, শক্তিসাধনার কবিও আছে—কিন্তু তন্ত্রের অঘোরপন্থী  
কবিরে মূর্তিমান হইয়া উঠিয়াছে, কলুষকালিমাময় আধিব্যাধিজীর্ণ  
হতাশাপ্রপীড়িত অবনাদগ্রস্ত ইন্দ্রিয়ের লীলা ক্ষেত্র এই আমাদের  
আধুনিক জগতের প্রতিনিধি, দুঃখের পাপের ফুলঝুরি বানাইয়াছেন  
রমিণি, সেই কবি বোদেলের।

আমাদের কবির ইচ্ছদেবতা হইতেছেন এক

“ঘোরা তপ্তরক্তা মোহিনী” (২)

তাঁহার চোখে জাগিয়া আছে—

- (1) Il ne sera fait que de pure lumière,  
Puisée au foyer saint des rayons primitifs—
- (2) Nympe ténébreuse et chaude.

৮ম বর্ষ, চতুর্থ ও পঞ্চ মসখ্যা ফরাসী-কবি “বোদেলের”

২৬৬

“বন্দ্যানারীর একটা হিমনিখর গরিমা” (১)

অথা—

“কুয়াসা ঢাকা কোন দূর সহরের বুক কি অজানা বিভীষিকায়  
মগ্নিত হইয়া বসিয়া বসিয়া কিম্বাইতেছে যে একটা প্রস্তর স্তম্ভ।” (২)  
কিন্তু সাধকের দিব্য চক্ষে এ সবই হইতেছে যে—

“কত কত অজানা স্বর্গলোকের তোরণ দুয়ার।” (৩)

শক্তিমান সিদ্ধপুরুষ তাঁহারই যোগ্য ইচ্ছদেবীকে পাইয়া  
বলিতেছেন—

“যনগর্জিত তুমার প্রপাতের গলিত ধারায় ক্রমোচ্ছ্বসিত জলস্রোত  
মত, তোমার মুখের স্নগ্ধা যখন আমার অধর পর্য্যন্ত বাহিয়া আসে

“তখন আমার মনে হয় কি যেন একটা উচ্ছ্বল শক্তিতে ভরা  
তীব্র কটু অজ্ঞেয় মত্ত পান করিতেছি—”

কিন্তু পরে দেখি—

- (1) La froide majesté de la femme stérile.
- (2) Un granit entouré d'une vague épouvante,  
Assoupi dans le fond d'un sahara brumeux.
- (3) C'est le portique ouvert sur les cieux inconnus.

“একটা তরল আকাশই যেন গলিয়া আমার প্রাণের ভিতর  
বাইতেছে, আমার-প্রাণকে শত-জ্যোতিকে খচিত করিয়া দিয়াছে।” (১)

শ্রীনলিনীকান্ত গুপ্ত।

(1) Comme un flot grossi par la fonte  
Des glaciers grondants  
Quand l'eau de ta bouche remonte  
Au bord des mes dents,  
Je crois boire un vin de Bohême,  
Amer et vainqueur,  
Un ciel liquide qui parseme  
D'étoiles mon cœur !

## বিলাত প্রবাসীর পত্র

—:—

প্রদ্বাপ্পদেষু—

বহুদিন পরে আপনার চিঠি পেয়ে সুখী হলাম। আমার চিঠিটা ছাপতে দিয়ে ভাল করেছেন কি না জানি না। হয় ত অনেক কথা অবিচারিত ভাবে এমন করে লেখা ছিল যা বন্ধুর ক্ষমার উপর ভর না করে দাঁড়াতে পারে না। আমি নিজে অনেক সময়ে প্রকাশ করবার অশু কিছু লিখব মনে করেছি, কিন্তু দেশের বর্তমান অবস্থা সম্বন্ধে আমার এত দূর থেকে গড়া ধারণা ভুল হতে পারে এই আশঙ্কা করে লিখি নাই, তা ছাড়া আমার হাতে সময় এত কম যে তার থেকে তিলমাত্রও বাঁচান দুঃসাধ্য। যদি আমার চিঠিতে কোনও সময় এমন কিছু পান যা ছাপলে কোনও ফল হতে পারে বলে মনে করেন ত তা ছাপতে দিতে পারেন। আমি এমন নাম-করা লোক নই যাতে আমার নামের স্বাক্ষরে লেখার মূল্য বাড়বে এবং ঐ জাতীয় লেখা দ্বারা যে আমার নাম বাড়াবে তাও ইচ্ছা করি না।

দেশ থেকে আমার দুই একজন বন্ধু কি মত আমি দেব তাও সূচনা করে দিয়েছিল। অর্থাৎ আমার মত জিজ্ঞাসা করার অবসরে তাঁরা অশুভভাবে এই আশা প্রকাশ করেছেন যে আমি লিখব যে আমাদের ভারতবর্ষ অত্যন্ত অধ্যাত্মিক-পরায়ণ এবং যুরোপীয় জাতিবর্গ অত্যন্ত ভোগ-পরায়ণ, ছিন্নকেন্দ্র এবং অধঃপতনোন্মুখ কিম্বা



অধোগামী। আপনার চিঠিতে যে সাহেবটির কথা লিখেছেন, তিনিও দেখুঁচি সেই রকম কতকটা বলেছেন, এবং আমাদের দেশের দুই একজন শ্রেষ্ঠ ব্যক্তিরও সেই রকমই বলছেন। এবং কেউ কেউ সমস্ত European culture এর বিরুদ্ধে যুদ্ধ ঘোষণা করছেন। যাঁরা এসব বলছেন তাঁরা আমার চেয়ে সকল বিষয়েই মহত্তর ও যোগ্যতর, এবং ব্যক্তি হিসাবে আমার পূজনীয়। কিন্তু তথাপি আমার মন তাঁদের সঙ্গে মায় দিচ্ছে না। আমার মনে হয় যে আমাদের দেশের যে অবস্থা তাতে প্রত্যেক ব্যক্তিরই তার কাছে যেটা ঠিক খাঁটি কথা বলে মনে হয় তাই বলা উচিত, মন-রাখা কথা বা ছজ্জগে কথা বলা উচিত নয়। কোন কথা ঠিক খাঁটি তা নিশ্চয় করে বলা যায় না, তবে কোন কথা আমার কাছে খাঁটি বলে মনে হয় তা অনেক সময়ে বলা যায়, এবং যখন তা বলা যায় তখন তা বলাও উচিত। হয় ত তা প্রিয় না হতে পারে, কিন্তু শুধু প্রিয়ই বলব এটা বাদশাহের আমীর ওমরাহের কাজ হতে পারে, কিন্তু ব্যক্তিমাত্রেই সেটা কর্তব্য এ কথা বলা চলেনা যদিও 'ন বদেৎ সত্যমপ্রিয়ম্' এই অনুষ্ঠুভ হৃন্দের শাস্ত্র নিশ্চয়ই এতে আমার উপর তর্জ্জন করে উঠবেন।

এই ইংরেজ জাতির মধ্যে আমি এক বৎসর বাস করলুম এবং এদের উত্তমাদম অনেক রকমের লোকও দেখলুম; এদের প্রধান দোষ হচ্ছে এই যে সবজাতির চেয়ে নিজদের শ্রেষ্ঠ মনে করেন, এবং সর্বত্র নিজেদের প্রভু অক্ষম রাখতে চায়। এবং সেই জঘ অজ্ঞ জাতির সঙ্গে ব্যবহারেও যে ক্রটির পরিচয় পাওয়া যায় না তা নয়, বিশেষতঃ কালা বা কটা জাতির সঙ্গে ব্যবহারে। এ দোষটা আমাদের কাছে অত্যন্ত অপ্রীতিকর সম্ভেদে নাই। কিন্তু এ জাতির

শক্তি কোথায় তার অনুসন্ধান করতে গেলেত শুধু তার দোষটার দিকে দেখলে চলবে না। আমরা যদি নিজেরা সত্য সত্য শক্তি অর্জন, ধারণ ও পোষণ করতে চাই তা হলে অজ্ঞ অজ্ঞ জাতির শক্তিকেস্ত্র তার কেমন করে শক্তি সঞ্চয় করে তারই খোঁজ করা আবশ্যিক, তাদের দোষটি শুধু উটেটে পাটেটে ব্যাখ্যা করে নিজের মাহাত্ম্য বাড়ালে কোনও লাভ নেই বা তারা একদিন নিশ্চয় ধ্বংশ পাবে লোপ পাবে এ কথা মনে করে বিশেষ বহ্নিতে আস্থতি দিলেও কি ঐহিক, কি পারমার্থিক কোনও দিকেরই লাভ নাই। আপনি লিখেছেন "যে দিন \* \* হাজতে পাঠানো হয় সেদিন কাছারী প্রাপ্তনে এক অপূর্ব অভাবনীয় জনতা দেখেছি, "যায় যাবে জীবন চলে" প্রভৃতি গান গাইতে গাইতে যখন বন্দীর দল অসংখ্য লোকের অভিনন্দন লইতে লইতে কাছারীর দিকে অগ্রসর হচ্ছিল আর মুহূর্ত্তঃ 'বন্দেমাতরম্' স্বাধীনতাকি জয়' 'গান্ধীজয়' ধ্বনিতে গগন নিনাদিত হয়ে উঠছিল, তখন এক স্মরণীয় মুহূর্ত্ত না দেখলে তা উপলব্ধি করা যায় না। সত্যই দেশে মৃতন বস্থা এসেছে। আমাদের বাড়লা দেশে হয় অনাবৃষ্টি, নয় বস্থা এই দুইই হতে দেখেছি, কিন্তু কখনও ধীরে ধীরে জল বাড়তে দেখি নাই বা শুনি নাই। এ দেশে বস্থা হয় না, আস্তে আস্তে বাড়ে এবং যা বাড়ে তা আর কমে না। বাড়লা দেশ সম্বন্ধেই আমি বিশেষ করে বলছি এই জঘ ভারতবর্ষ কথাটা বড় মস্ত, আমি তার কিছু জানিও না, এবং গোটা ভারতবর্ষ সম্বন্ধে কোনও এক কথা বলতে হলে অনেক বিবেচনা করে বলা উচিত। বাড়লা দেশ feelingটা বোঝে ভাল। সেই জঘ কবিতায় বাড়লা দেশের খ্যাতি পৃথিবী পরিব্যাপ্ত হয়েছে।



ধর্মের ইতিহাস খুঁজলেও দেখি যে খাঁটি জ্ঞানের ধর্ম বাঙলায় ঠাই পায় নি। হয় কোমল প্রেমের ধর্ম নয় উদ্বাস পীঠামহিষ-কাটা শাস্ত্র ধর্ম এই দুইটাই বাঙলাদেশে প্রাধান্য লাভ করেছিল। Logicটা কি ভাগ্যে নবদীপে মিথিলা থেকে আমদানী হয়েছিল। কিন্তু ভট্টাচার্য্যেরা তাকে এমন কোণঠেসা করে ফেলেছিলেন যে তার আপন জালেই আপনি এমন জড়িত হয়ে পড়েছিল যে সেইখানেই তার শেষ হয়ে গিয়েছিল। বাঙালীর উত্তেজনার অনেকখানিই Romantic রকমের। অনেকখানিই উচ্ছ্বাস, বুদ্ধি, কথার ফেনা। খাঁটি fact এতটুকুকে মনের ভাবাবর্তের তাড়নায় এতবড় করে মনের সামনে ধরা এটাই হচ্ছে আমাদের সাধারণ বাঙালীর স্বাভাবিক ধর্ম। আমি একথা বলচি না যে সত্য সত্য শক্তিসম্পন্ন বাঙালী করতে পারে না, আমি বলচি তার মন সে দিকে তেমন যেতে চায় না যতটা সে চায় একটা romantic scene, একটা প্রচণ্ড উচ্ছ্বাস। উচ্ছ্বাসটাই আমাদের বাঙালীর চোখে একটা মস্ত reality, being an end in itself and having an end in itself উৎসাহ বা উচ্ছ্বাসের বশে বাঙালী অনেক বড় কাজও করে ফেলতে পারে, আবার একেবারে দিশাহারা হয়েও যেতে পারে।

এই দেশের লোকের চরিত্র ঠিক এর বিপরীত। মায়ের কোলে যোগ্য ছেলে মরে যেতে দেখেছি কিন্তু চোখে একবিন্দু জল দেখিনি, অথচ “দেহিনোহ্মিন্ যথা দেহে কোমারং যৌবনং জরা তথা দেহান্তর শ্রান্তিদীরস্ত্রনমুহুতি” এ গীতার শ্লোকও এরা আওড়ায় না বা আওড়াবার প্রয়োজন বোধ করে না। A fact with the English people is merely a fact and nothing more

কিন্তু আমাদের চোখে factটা সামান্য তার ideal valueটাই সব চেয়ে বড়। আমাদের দেশ থেকে প্রথম এদেশে এলেই মনে হবে যে এরা কি ভোগবিলাস ভালবাসে। আমি এখানে এক ছুতরমিত্রীর বাড়ীর হটা ঘর ভাড়া নিয়ে আছি। কিন্তু আমার বসবার ঘরটি এমন কার্পেটপাতা দেওয়ালে এমন রঙিন কাগজ দেওয়া, এমন সুন্দর সুন্দর সোফা ও কুশন চেয়ার যে এরকম একখানি ঘর মহারাজা কাশিমবাজারের বাড়ীতেও অনেকগুলি নাই, আবার আর একদিকে তাকিয়ে দেখুন, ছুতরমিত্রীর স্ত্রী সকাল থেকে রাত্রি ১০টা পর্যন্ত অনবরত খাটছে, মাজাঘসা পরিষ্কার পরিচ্ছন্ন, করা খাটছেই খাটছেই খাটছেই। ভোগের ব্যবস্থা আছে কিন্তু ভোগকে এরা কখনও অবলম্বন করে থাকে না। এই যুনিভাসিটির একটা ছেলেকে বাবুগিরি করতে দেখিনি। কিন্তু আমাদের বাঙলা দেশে দেখেছি যে অনেক তরুণ বয়স্কদের সাজসজ্জা যেন মেয়েলীচন্ডের সস্তায় বাবুগিরির চেঁচাটা যেন খুবই বেশী। ভোগও এদের আছে কাজও এদের আছে; কিন্তু ভোগের জন্মই এরা কাজ করে একথা ঠিক মনে হয় না। এরা কাজ করে কাজের জন্ম, ভোগ করে ভোগের জন্ম।

এদেশের লোকের অনেক দোষ থাকতে পারে, কিন্তু তাদের বীরোচিত ও মনুষ্যোচিত কতগুলি যে আশ্চর্য গুণ দেখেছি তা কখনও অস্বীকার করতে পারব না। তা না থাকলে ভগবানের নিয়মে তাদের হাতে এত শক্তি কখনও আসতে পারত না। ভগবানের ব্যবস্থায়, মন্ত্রতন্ত্র, বাড়ফুক, ফাঁকিতে কিছু হয় না। যাতে হয় সেটা হচ্ছে পুত্রস্বকান্ন। চরিত্রবল পুরুষকারের



অন্তঃশক্তিস্বরূপ। শুধু জ্ঞান, বিজ্ঞান, এত শক্তিই নয়; কারণ ওগুলোত শক্তির উপাদান মাত্র, ওগুলোকে হজম করে নিজস্ব করতে হলে চরিত্রবল ছাড়া হওয়ার উপায় নাই। কায়েই আমি যে scheme অবলম্বন করতে বলি সেটা হচ্ছে scheme of super-co-operation বা Co-operation by transcendence. অর্থাৎ দেশ হিতকর অনুষ্ঠানের এমন বন্দোবস্ত দেশের লোকের তরফ থেকে করতে চেষ্টা করা, যাতে সরকারের ব্যবস্থাকে সর্বদা ছাড়িয়ে যাওয়া যায়। Not to spoil Government Institutions by Non-co-operation but to supersede them by establishing better Institutions by private endeavour, wholly unconnected with Government এই ব্যবস্থায় স্বভাবতঃ সমস্ত শক্তি জনসাধারণের হাতে গিয়ে পড়বে এবং জনসাধারণের শক্তি এত বাড়বে যে সেই শক্তিটাই প্রধান হবে। গবর্নমেন্টের বিপুলশক্তি সত্ত্বেও, গবর্নমেন্টকে ফেউ হয়ে থাকতে হবে যদি না গবর্নমেন্ট প্রজাশক্তিকে অনুসরণ করেন। গবর্নমেন্টকে বর্জন করে তাকে হীনবল করা চলবে না, গবর্নমেন্টের শক্তির চেয়ে দেশের হিত করবার শক্তি অধিকভাবে সঞ্চয় করতে পারলে তবেই হবে যথার্থ ভাবে সরকারের পরাজয়। Do not destroy any Institutions but build new and better ones. এই আত্মযোগিতার পন্থা আমার কাছে খুব সম্ভব এবং সুসাধ্য বলে মনে হয়, তবে এ উপায়ে ১৫-২০সরের মধ্যে স্বরাজ হওয়ার সম্ভাবনা নাই। আমাদের যে যে দিকে অভাব তার নির্ণয় করে তার মধ্যে যে গুণা সুসাধ্য সেই গুলোকে প্রথম হাতে নিয়ে যথাবিহিতরূপে সুবন্দোবস্ত

কাজ আরম্ভ করলে আমার মনে হয় এ পন্থায় খুব সফল হতে পারে। অল্পগণ্ডীর মধ্যে প্রথম experiment আরম্ভ করা চলতে পারে। শুধু দুইসাত দেবার জম্ম বলছি, এই যেমন ধরুন চাটুগায়ে প্রাথমিক শিক্ষা বিস্তারের ভার হাতে নিয়ে local voluntary tax systemএর জায় সংগ্রহ করে বেশ সুবন্দোবস্ত করে উৎসাহী যুবকদের ঐ কাজে লাগিয়ে দিয়ে নানা কেন্দ্রে বিজ্ঞালয় খোলা যেতে পারে। যদি দেশের প্রচেষ্টা দ্বারা আমরা গবর্নমেন্ট থেকে পৃথক ভাবে গবর্নমেন্টের চেয়ে ভালভাবে দেশের সেবা করতে পারি, তবে তার যতটুকু পরিমাণে সফলতা আমরা দেখাতে পারব ততটুকু পরিমাণেই স্বরাজ সাফল্য লাভ করবে। মাথা গরম করে হৈ চৈ করে রাসীকৃত ব্রহ্মদক্ষ করলে বা চাকরি ছেড়ে দিলে কি আরও নূতন রকমের আগুণবি কিছু করলে যে খুব সফল হবে একথা আমার কিছুতেই মনে হয় না। গত স্বদেশী আন্দোলনের সঙ্গে তুলনা করলে বর্তমান আন্দোলনের এই বিশেষত্ব দেখছি যে খলিফা অবলম্বন করে মুসলমান এবং হিন্দু গবর্নমেন্ট বিধেমে সমভাবে যোগ দিয়েছে নতুবা অশুভলো যথা কাপড় পোড়ান, স্থল কলেজ অল্পদিনের জম্ম পরিত্যাগ দুই একজনের চাকরীত্যাগ বেওয়ারিশী রকমের জাতীয় বিজ্ঞালয় খোলা, নেশনাল ফাণ্ডতোলা (গতবারের সে টাকাগুলোর পরে আর কোনও পাস্তা পাওয়া গেল না, এবারের টাকাগুলোর কি পাস্তা হয় দেখলে বুঝব বার ভূতে শুয়ে না মেরে দেয়!) স্বদেশী বস্ত্র গ্রহণপূর্বক মায়ের দেওয়া মোটা কাপড় ইত্যাদি হুল্ললিত সঙ্গীত ছোটখাট ধর্মঘট ইত্যাদি গত বারেও ছিল। আমাদের \* \* \* যতদূর মনে পড়ে সেবারে \* কলেজ ছেড়ে একটা দৌড় দিয়েছিলেন। এই যে খলিফা



অবলম্বনে মুসলমানের সহিত একতাসজ্জতনের চেষ্টা আমার ক্ষুদ্র বুদ্ধিতে যতদূর মনে হয় এর দূর পরিমাণ ঠিক উণ্টা। মুসলমানের সঙ্গে যে আমাদের স্বভাবতঃ তেমন মিল নেই, তার একটা প্রধান কারণ এই যে মুসলমান মনে করেন যে তিনি বিরাট মুসলমান জগতের অংশ—first a Mahomedan then an Indian, কায়েই মুসলমানতার কাছে জাতীয়তা বরাবরই তাঁদের কাছে ছোট, এই জ্ঞাই হিন্দুর সঙ্গে বিচ্ছেদটা তাঁদের পক্ষে এত সহজই ঘটে থাকে, যে হিন্দু মুসলমানকে এক করতে চেষ্টা করবে তার প্রধান কাজ হওয়া উচিত এই Pan-Islamic feeling এর বেগ মন্দীভূত করা। যতই এই Pan-Islamic feeling বাড়বে ততই যথার্থভাবে হিন্দুর থেকে মুসলমান দূরে গিয়ে পড়বেন। সেই জ্ঞান আমার মনে হয় যে মহাত্মা গান্ধির ব্যবস্থায় Pan-Islamic বুদ্ধিতে এত ইন্ধন যোগান হয়েছে, যে ভিতরের দিক থেকে হিন্দুর কাছে থেকে মুসলমান অনেক দূরে গিয়ে পড়েছেন, যেটুকু বাহিরের ঐক্য প্রকাশ পাচ্ছে সেটুকু শুধু ইংরাজ বিদ্বেষের উপর প্রতিষ্ঠিত। বিদ্বেষের উপর ভর করে যে ঐক্য ঘটে সে ঐক্য ঐক্যই নয়। এ আন্দোলনে যতটুকু definite constructive সফল হবে সেই টুকুকেই আমি উল্লিখিত বলাবাকীটার অনেক খানিকই So many calories of heat generated and wasted বলে হিসেবে লিখে রাখুব।

একথা খুবঠিক যে আমাদের মেজাজ এদের চেয়ে অনেক নরম রকমের, কিন্তু একথাও ঠিক যে যুরোপে যে সমস্ত রাজনৈতিক সমস্যা উঠছে, আমাদের দেশে তা ওঠে নি। এত বড় যুদ্ধ হয়েছে, তাতে এরা ক্লান্ত হয়েছে, হবারইত কথা, আমরা হলে ধ্বংস পেতুম।

কিন্তু ক্ষয় যেমন এদের আক্রমণ করচে, ক্ষয়কে সহ্য করা এবং উপচয় আহরণ করা এদের পক্ষে তেমন সহজ ও স্বভাবসিদ্ধ। বর্তমান বাঙালীর আধ্যাত্মিক উৎসর্গ কোন্‌খানে তা আমি আজও ভাল করে ঠাহর করতে পারি নি, আপনি যদি পেরে থাকেন তা জানাবেন। প্রাচীন শাস্ত্রপত্রের দিকে চেয়ে দেখি যে প্রথমকার কথা ছিল খাঁটি মানুষ হওয়া, তার পরে বারা আরও উচ্চ অধিকার চাইতেন তাঁরা উচ্চ আধ্যাত্মিকতার পথ অবলম্বন করতেন। অতি স্বল্প লোকেই সে পথ অবলম্বন করবার অধিকার পেত। এই শেখোক্ত উত্তমাধিকারীর সামনে যে উন্নত আদর্শ ভারতবর্ষ আপনার কাছে ধরেছিল যাতে সমস্ত মানুষ পশু পক্ষী কীট পতঙ্গের সঙ্গে মৈত্রী করা তার পক্ষে সম্ভব হতে পারত এইটিই সর্বকালের সর্বজাতির উপর ভারতবর্ষের শ্রেষ্ঠতা। কিন্তু এ পন্থা কোনও দিনই সকল লোকে ধরত না এখনও ধরবে না। বাকী সর্বসাধারণের কাছে যে আদর্শ ছিল সেটা ত সব দেশেই সমান। সেই Jesus এর ধর্মের চেয়ে দুই এক পরদা নীচে। কিন্তু অশ্রু জাতির সঙ্গে তুলনা করলে আমরা কি বলতে পারি যে আমাদের জনসাধারণ অর্থাৎ আপনি ও আমি এই নীচের পরদাতে যেটুকু আয়ত্ত করা প্রয়োজন সেটুকু অশ্রু জাতির লোক অপেক্ষা অধিক পরিমাণে নিজস্ব করেছে। অশ্রুজাতির লোক অপেক্ষা আমরা কি বেশী সত্যপ্রিয়, বেশী জিতেন্দ্রিয়, কম পরশ্রীকাতর, কম নীচ। Take facts as facts। ধূয়াগুলো ছেড়ে দিয়ে ভেবে দেখুন দেখি সত্যসত্যই বর্তমান বাঙলা দেশে আপনি আমাদের অধ্যাত্মিক উৎসর্গের কিছু monopoly দেখতে পাচ্ছেন কিনা? আপনি



ভগবানে বিশ্বাস করেন কি না জানি না, আমি করি। এ কথা কখনও মনে করবেন না যে ভগবানের ব্যবস্থায় ইংরেজ যে জ্ঞানে, বিজ্ঞানে, শ্রুত্বে শীর্ষস্থানীয় হয়ে উঠেছে এটা accident, কখনও নয়, নয়, নয়। আমাদের যে শুধু science এ দেশ থেকে নিতে হবে তা নয়, যে স্বভাবের গুণে এরা এমন শক্তি সঞ্চয় করতে পেরেছে, সেই স্বভাব অর্জন করতে হবে। প্রাচীন ঋষি আর তপোবল ও সব মন্ত্র তন্ত্র আউড়ে আউড়ে সমস্ত দোষত্রুটি ধ্বলোচাপা দিতে পারেন কিন্তু দূর করতে পারবেন না। শক্তি সঞ্চয় না করতে পারলে আর্ধ্যঋষিদের মৈত্রীমন্ত্রের দোহাই দিয়ে ঘণার বীজের রোপন করলে কখনই দেশ উদ্ধার হবে না, একথা নিশ্চয়।

যে যে দিকে আমাদের ত্রুটি, আমাদের জাতিভেদ আমাদের শিক্ষার অভাব, আমাদের দুর্ভাগ্যের অভাব, একএকটি করে সমস্ত অপরাধ ও ত্রুটি বর্জন করে যদি দেশ দেবার নূতন নূতন বন্দোবস্ত করতে পারি তা হলে হয় আমাদের দেশস্থ ইংরেজকে সেই কাজে আমাদের সহায় হতে হবে নয় সে একেবারে back number হয়ে যাবে, এবং সে থাকুক কি নাই থাকুক আমাদের স্বরাজ হবে। সাময়িক উত্তেজনা মত্তের স্থান অধিকার করে অনেক অনাস্থি ব্যাপার ঘটতে পারে, কিন্তু যথার্থ বল সঞ্চয় করতে হলে ধীরে ধীরে দুগ্ধ পান করে বিন্দু বিন্দু করে রক্ত সঞ্চয় করতে হবে, নাস্ত্যঃ পশ্চাৎ বিন্দ্যতে অস্বশাস্তি। উত্তেজনার পথ পথই নয়। শুধু এইজগুই অনেক দাঁড়ী, অনেক ভাগ্য সত্ত্বেও non-co operation পন্থা সিদ্ধিলাভ করবেন।

শান্তিনিকেতনে পৃথিবীর লোককে পড়ুয়া করে নিতে চাচ্ছেন, বেশ কথা—কি পড়াবেন ?

ভারতবর্ষের তরফ থেকে যুরোপের কাছে যদি কিছু ধরতে পারা যায় সে, ( আমি যতদূর বুঝি ) হচ্ছে ভারতবর্ষের প্রাচীন দর্শন শাস্ত্র। তার মধ্যেও অনেক রকমি বাজে জিনিষ আছে ; এবং তাকে উদ্ঘাটন করতে হলেও বর্তমান যুরোপীয় দর্শনের সম্যকজ্ঞানও সমস্ত সংস্কৃত দর্শন নথ্যাগ্রে আছে এমন লোকের প্রয়োজন, সে লোক ত চোখে দেখতে পাচ্ছি না। আর এক যৎকিঞ্চিৎ হতে পারে Indian art, আচার্য্য বসু মহাশয়ের নিজের আবিষ্কার বিষয়ে যাঁরা অনুরক্তিংসু তাঁরা অবশ্য তাঁর কাছে শিখতে যেতে পারেন। আর যে আপনারা কি শিখাবেন তাই আমি ঠাঠর করতে পারি না। পরমহংসদেবের গল্প মনে পড়ে “তুমি আগে বোঝ” কবে যে আমাদের লম্বা লম্বা কথাটা কমে এসে সেটা কাজে পরিণত হবে তাই কেবল ভাবি।

“যায় যাবে জীবন চলে” এ গান শুনতে বেশ লাগে, আর সঙ্গে সঙ্গে মনে হয় যে হাঁ ভাত যাবেই, মেলেরিয়ায়, কালাজ্বরে, বসন্তে, কলেরায় যায় যাবে জীবন চলে, আর সকলে বোসে বোসে গান কর নয় তাস খেল। কথার বাহুল্য ও ভাবের বাহুল্য কমিয়ে আলস্বকে দূর করে সত্যি সত্যি কাষে কবে লাগব তাই ভাবছি ; পূর্বের চেয়ে একটু উন্নতি যে না দেখছি তা নয়, কিন্তু এত নিরর্থক ধোঁয়া বালির স্রষ্টি হয়ে দৃষ্টি আচ্ছন্ন হচ্ছে যে কাজ এগিয়েও যেন এগুচ্ছে না। অথচ কথা গুলো যেন পূর্বের চেয়েও লম্বা লম্বা হয়ে চলেছে। “প্রত্যেক পরিত্যাগ করে প্রাজ্ঞাচাতির শ্রেয়কে বণ” “ভারতবর্ষের আধ্যাত্মিকতা ও যুরোপের ভোগকমুখতা” এ সব শুনে শুনে কান

ঝালাপালা হয়ে গেল। অথচ একটা লোকের দিকে তাকিয়ে দেখলে দেখিনা যে সে কোন্‌খানে তার আধ্যাত্মিক উত্তম শিখরে দাঁড়িয়ে রয়েছে।

অনেক কথা বলবার ছিল, কিন্তু চিঠিটা বেজায় রকমের লম্বা হয়েছে, আর অল্প কথায় চুকলে সে Penel সাহেবের রায় হয়ে উঠবে। রাতও চের হয়েছে, কায়েই এই বারে ইতি দিতে হবে।

আতিভেদ সম্বন্ধে আমি বড় খোঁজ রাখি না। তবে Bonglér Essais sur le regime des castes ও Senart এর Les castes dans l'Inde les faits et le système এই দুখানা ত আপনি নিশ্চয়ই পড়েছেন। শুনে স্তম্ভী হবেন Mind পত্রিকা আমাদের তাদের দর্শন গ্রন্থের সমালোচকরূপে নিয়োগ করেছেন। এটা একটু বিশেষ খাতির করেছে বলেই ত মনে করি।

ভবদায়—

## বেহুসন

—:~:—

কণ্ঠে যদি পেতাম আমি

রুদ্রদেবের তানখানিরে

গেতাম তবে এমনিতির গান

উদ্বলতে তাল লাগায়ে

আঁকড়ে-ধরা কোনখানিরে

ভাসিয়ে দিতাম এমনি ডেকে বান,

সাত সাগরের উর্শি এনে

ঘূর্ণিপাকের চক্রতলে

নশ্রে বত দিতাম আমন্ত্রন

অম্ম-ব্যাপী অপমানে

ডুকরে-কাঁদা অশ্রুজলে

হৃদয় ছিঁড়ে দিতাম বিসর্জন।

চাই কি আজি ? চাই যে গুরে

সুন্দ মুকের কণ্ঠ ছিঁড়ি

উঠবে বেজে ক্রুদ্ধ কলরোল



বহি জ্বালি' ফিনকি তারি  
 হৃদয় তুমু চিরি চিরি  
 তুলবে আজি প্রলয়-কাড়ার বোল ;  
 ললিত রাগে বন্ধ আঁখি  
 অন্ধ কোথা থাকুক পড়ে,  
 দিকে দিকে রুদ্র সাহানায়  
 কঠোর আঘাত নিষ্ঠুর হ'য়ে  
 পড়ুক আজি বাইরে ঘরে  
 পাগল করুক জীবন দুর্দাশায় ।  
 ওই যে ঘরে একলা পড়ে  
 কোন্ বা সূখের স্বপ্ন-দেখা  
 কোন্ অলীকের প্রলেপ-দেওয়া চোখে  
 ওই যে কোনে প্রলাপ-ঘেরা  
 স্বর্গ-সূখের মন্ত্র-শেখা  
 করছে জমা অশ্রু ছুখে শোকে,  
 দস্তোলিরই এক নিনাদে  
 করুক সবায় ক্রুদ্ধ আঁখি,  
 শিষ্ট প্রাণের সকল আরাম-রাগ  
 দীর্ঘ করে' পিষ্ট করে'  
 বজ্র-বাণী যাকরে আঁকি  
 "জাগরে অচল জাগরে অলস জাগ !"

বিশ্ব-ব্যাপী মৃত্যু জাগে  
 সিদ্ধা বৃকের উর্ধ্বরাশি  
 রক্তে ঘিরি করলে লালে লাল,  
 কোনখানে তুই নদীর বাঁকে  
 বাজাস্ আপন খেলার বাঁশী  
 তুলিস্ আপন খেলার নায়ের পাল ;  
 লাগবে কি তোার পালে হাওয়া  
 হবে কি তোার সাগর যাওয়া  
 শেষ হবে কি কোনের আনাগোনা  
 বেহিসাবীর নৃত্য বৃকে  
 বিশ্বে রে ছাড়-পত্র-পাওয়া  
 মন্ত্র গুণে করবি তামা সোনা ।  
 জাগে জাগে আজ যে জাগে  
 —বক্ষ-শোণিত সঙ্গে জাগে—  
 আদিম কালের আরব-বেতুঙ্গেন,—  
 অপার মরুভূমির মাঝে  
 কঠিন সুরের কঠোর রাগে  
 ভাঙবে আজি হৃদয়-কারা দীন ;  
 তপ্ত মরুর বক্ষ-বাণি  
 উড়বে আজি অথ-থুরে  
 কাল-বোশেখীর ক্রুদ্ধ যেন আসে

দিশস্তে দিক-চক্রবালে  
ফিরবে আঁখি দূরে দূরে  
দ্রুগম্বেরে সহজ করার আশে।

জাগে জাগে আজ যে জাগে  
—বন্ধ-শোণিত সঙ্গে জাগে—

চিরস্তনের আরব-বেহুসিন  
উড়ছে ধূলি বর্শা তুলি  
যায় কি গাওয়া বেহাগ-রাগে  
নির্ব্বালিত কর্ত্তরে রবাব বীণ :—  
ডাক রে আজি

ভাঙবে অপমানের পেশা  
বিশ্ব-ব্যাপী কণ্ঠ-ছেঁড়া হাঁকে  
বন্ধ-শোণিত তালে তালে  
লাগবে আজি রক্ত-ন  
জীবন-গানের মৃত্তা ফাঁকে ফাঁকে।

জাগে জাগে আজ যে জাগে—  
—বন্ধ-শোণিত সঙ্গে জাগে—  
মুক্ত পাগল আরব-বেহুসিন

আর না চাহি প্রতিদিনের  
সঙ্গোপনের অশ্রু-রাগে  
কণ্ঠ যেথা গায় রে মৃত্ত ক্ষীণ ;

ছিন্ন করে' দৌর্ণ করে'

ছোট্ট মনের মায়-বাঁধন  
ধিরবে অনীম মরুভূমির মায়।

আশার যত ছোট্ট ভাষা  
পড়বে লুটে মৃত্তা কাঁদন,  
—প্রাণের পাশে দিগন্তরের জায়া।

জাগে জাগে আজ যে জাগে  
—বন্ধ-শোণিত সঙ্গে জাগে

জীবন উমার অরব-বেহুসিন  
ওই যে অঁধার পড়াছ খসে'  
ফুল্ল মনের অরুণ-রাগে  
টুটেবে আজি যুগান্তরের ঝগ :—

আজ যে সাগর পারে-পারে  
প্রাণের ভাষা কল্লোলিত  
উচ্ক্ষিত উদ্বেলিত মন



আজ যে দিকে দিগন্তরে  
ছোট্ট হাওয়া হিল্লোলিত  
জীবন আজি করবে মরণ-পণ।

শায়দীয়া সপ্তমী  
১৩২৮

শ্রীঅুরেশ চন্দ্র চক্রবর্তী

## উড়ো-চিঠি

—:—

১লা নভেম্বর, ১৯২১।

শ্রদ্ধাস্পদেষু

সতের বছর বয়সে এবার আপনার ছেলে ম্যাট্রিকুলেশন পাশ করেছে। আপনি এখন আপনার ছেলের ভবিষ্যত শিক্ষার সম্বন্ধে সচেতন হয়েছেন—এবং সে সম্বন্ধে ভাবতে শুরু করেছেন। এই বিষয়টি আপনার কাছে বিশেষ করে উল্লেখ করবার মানে হচ্ছে এই যে বাংলাদেশে ও একটা সাধারণ ব্যাপার মোটেই নয়। এককাল পর্যন্ত বাংলা দেশের পিতারা তাঁদের ছেলেদের বাঁধা বিশ্ববিদ্যালয়ের পাকা সড়কের একদিক দিয়ে ঢুকিয়ে আর একদিক দিয়ে বের করে আনবার মধ্যে আর কোন চিন্তার প্রয়োজন দেখতেন না। ও-ব্যাপারটির মধ্যে তাঁদের আশার স্বপ্ন এত বড় হয়ে থাকত যে আশঙ্কার লেশ-মাত্র তাতে স্পর্শ করতে পেত না। ছেলেকে কলেজে ঢুকিয়ে হয় Law নয় medicine নয় civil service ঘুরিয়ে আনা—এই বাঁধিগৎ যে আজ আপনি মানছেন না এতে করে মনে হচ্ছে দেশের হাওয়া বদলেছে। বাংলা দেশের সব পিতারাই যদি আপনার মতো আপন আপন ছেলের শিক্ষা-সম্বন্ধে সচেতন হন ও ভাবতে শুরু করেন তবে আমার বিশ্বাস বিশ বছরে বাঙালী-সমাজের চেহারা বদলে যাবে। বলা বাহুল্য আপনি ছেলের শিক্ষা-সম্বন্ধে আপনার এই সজ্ঞা অবস্থা সামাজ-হিতৈষী মাত্রকেই

আনন্দ দেবে। আমি ভেবে চিন্তাই এখানে সমাজ-হিতৈষীর জায়-  
গায় স্বদেশ-হিতৈষী কথাটা ব্যবহার করি নি। কেননা স্বদেশ  
কথাটা বলবার সঙ্গে সঙ্গে আমরা পলিটিক্সের পালে হাওয়া লাগাই।  
কিন্তু এই কথাটা আজ আমাদের সদা সর্ববদা স্পষ্ট করে' মনে  
রাখতে হবে যে পলিটিক্স শিক্ষার অঙ্গীভূত হলেও শিক্ষা পলিটিক্সের  
অঙ্গীভূত নয়। কেননা পলিটিক্স মানুষের জীবন-যাত্রার একটা দিক  
কিন্তু শিক্ষা-ব্যাপারটা মানুষের মনের সব দিক নিয়ে। কাজেই  
ওটার চাইতে এটা বড়। বিশেষতঃ শিক্ষাই মানুষ গড়ে—আর  
ধর্মানীতি বলুন সমাজনীতি বলুন রাজনীতি বলুন, সাহিত্য দর্শন  
আর্ট বিজ্ঞান বলুন গড়ে তোলে এই মানুষ। জাতির যা কিছু  
সৃষ্টি তা দু'ভাগে পড়ে। তার একভাগে প্রয়োজনের সৃষ্টি আর  
এক ভাগে আনন্দের সৃষ্টি। এর দুয়ের পিছনেই দরকার ঐ মানুষ।  
আর ঐ মানুষ গড়বার যন্ত্র ও মন্ত্র হচ্ছে শিক্ষা। এই শিক্ষাকে  
পলিটিক্সের চশমার ভিতর দিয়ে দেখলে তা হয় acute নয় obtuse  
দেখাবেই। কেননা পলিটিক্সের লোভ নগদ বিদায়ের উপর। সুতরাং  
ওর লাভ সাময়িক। বাঙালী ব্যবসাদারেরা যেমন রাতারাতি বড়  
লোক হবার আশায় প্রথম প্রথম প্রচুর লাভ খেয়ে তারপর ফেল  
মারে। পোলিটিক্যাল বিছাপিঠগুলোরও তেমনি দশা হবারই বেশী  
সম্ভাবনা। শিক্ষাকে দাঁড় করাতে হবে আত্ম-অনুশীলনীর উপর  
পলিটিক্স-পরিচর্চার উপরে নয়। এ কথাটা আপনাকে এত করে  
বলবার উদ্দেশ্য হচ্ছে এই যে আমাদের ১৯০৬ সালের জাতীয়শিক্ষা  
পরিষদ কিন্ত ১৯২১ সালের কলিকাতা বিছাপিঠ দুয়েরই জন্ম  
পলিটিক্সের তাগিদের ভিতর। জাতীয়-শিক্ষা-পরিষদ আমরা

সফল করে' তুলতে পারি নি—আজকার কলিকাতা বিছাপিঠই যে  
সফল হবে তেমন আমার মনে হয় না। কিন্তু এই কথাটা মনে  
রাখবেন যে কলিকাতা বিছাপিঠ সফলও যদি হয় তবেই যে আমা-  
দের শিক্ষা সমস্যাটা নিঃশেষে মুছে যাবে তা নয়। চোখের সামনেই  
দেখতে পাচ্ছেন যে-সব দেশে গভর্নমেন্ট দেশের লোকের হাতে  
সে সব দেশেও শিক্ষা সম্বন্ধে দেশের লোকের মাথা ঘামান' থামে  
নি। আসলে গভর্নমেন্টকে পদে পদে জরু কর্তৃত্ব হবে বলেই যে  
আজ আপনার মনে শিক্ষা সম্বন্ধে প্রশ্ন উঠেছে এ কথা সত্য নয়—  
অস্তুত সত্য হওয়া উচিত নয়। এ কথা বোধ হয় আমি আপনাকে  
নিকিঁয়ে জোর করে বলতে পারি যে যতদিন না এ প্রশ্ন সত্যিকার  
করে' জাতির নিগূঢ়তম অন্তর থেকে উঠবে ততদিন এর সমাধানও  
হবার কোন সম্ভাবনা জন্মাবে না। একমাত্র আমাদের অন্তরের  
সত্যই বাইরের বাধা বিয়কে জয় করতে পারবে—এবং সেই সত্যই  
কেবল আমাদের সামর্থ্য দান করতে পারবে।

আপনার নিশ্চয়ই মনে আছে যে কলিকাতা বিশ্ব-বিদ্যালয় যে  
সর্ব্ব গুণে গুণায়িত এরকম কথা আমি আপনাকে কোন দিনই  
বলি নি। কিন্তু আমার একটা অভ্যাস দাঁড়িয়ে গেছে এই যে  
পরের দোষ বের করার আগে নিজের কোন ত্রুটি আছে কি না  
সেইটে আবিষ্কার করা। কেননা আমার বিশ্বাস সফলতা অসফলতার  
প্রধান কারণটা এইখানে। নিজের ত্রুটি না বেড়ে ফেললে  
বাইরের গলদকে আমরা কোনদিনই এড়িয়ে চলতে পারব না।

আপনি বলেছিলেন কলিকাতা বিশ্ব-বিদ্যালয়ের স্কুল কলেজের  
শিক্ষকেরা ছেলেরদের শিক্ষা দেন না, দেন কতকগুলো নোট গিলিয়ে



যাতে করে তারা এগজামিন পাশ করতে পারে। কিন্তু তেবে দেখুন বাঙালী ছেলের অভিভাবকেরা কি ঠিক ঐটেই এককাল ধরে চেয়ে আসেন নি? তাঁদের দৃষ্টি কি ছেলেদের শিক্ষার চাইতে class promotion এর দিকেই বেশী আবদ্ধ ছিল না? হাজারে নাশা নিরানব্বুই জন অভিভাবকের মনের দিকে তাকিয়ে দেখুন দেখতে পাবেন সেখানে ছেলে কটা পাশ দিয়েছে তার হিসেব আর কোন হিসেব নেই। এই যে পাশের হিসেব এ কেন? কেননা আমরা বিশ্ব-বিদ্যালয়কে বিচার আলয় বলে দেখিনি, দেখেছি সেটাকে অর্থোপার্জননের উপায় বলে। বাংলার কত কত বাপ যে না খেয়ে না পরে' কর্জ করে' ছেলের বি, এ, এম, এ, পড়ার খরচ যুগিয়েছেন সে-কি কেবল ছেলেকে সুশিক্ষিত করবার ঐকান্তিক ও অহেতুক ইচ্ছার? শিক্ষার প্রতি এ-রকম অহেতুক অনুরাগ আমাদের থাকলে আমাদের শিক্ষা-সমস্যার সমাধান বহুপূর্বে হ'য়ে যেত। কিন্তু তাত নয়—বি, এ এম, এ পাশ করার প্রধান উদ্দেশ্য ছিল অর্থোপার্জননের পন্থা বেশী স্তম্ভ করা। আমার ভয় হয়, আজ যে আমরা গভর্নমেন্টের শিক্ষালয়ের উপরে বিরূপ হয়েছি সেটা লেখান থেকে শিক্ষা পাচ্ছি না বলে ততটা নয় যতটা সেখান থেকে বি, এ এম, এ পাশ করে' বেয়লেও আর তেমন অর্থোপার্জননের সুসার হয় না বলে। আমার এ-কথা যে সত্যি তার প্রমাণ কি জাতীয়-শিক্ষা-পরিষদে কি কলিকাতা-বিদ্যালীতে গেলেই দেখতে পাবেন। ও দুই অনুষ্ঠানের Technical Branch ও Medical Line এ যত ছেলে ভর্তি হয়েছে General Line এ তার অর্ধেকেরও অর্ধেক হয় নি।

একথা আমি কিন্তু বলছি না যে খাওয়া পরা সম্বন্ধে সবাই দৃষ্টিহীন হবে বা হওয়া সম্ভব। কিন্তু সমগ্র সমাজের দৃষ্টি যদি কেবল মাত্র খাওয়া পরার উপরেই নিবদ্ধ হয় তবে একদিন যেমন আর্থোরা ভেড়া তাড়াতে তাড়াতে মধ্য আসিয়া থেকে এ দেশে এসেছিলেন তেমনি আবার একদিন আমাদের ঐ ভেড়া তাড়াতে তাড়াতে খাসিয়া পাহাড়ের দিকে প্রস্থান করতে হবে। আর সেটা নিশ্চয়ই মহা-প্রস্থান বলে গণ্য করা চলবে না। আদিম মানুষ কি কর্তৃত্ব জানি নে কিন্তু আজকের মানুষ cannot live by bread alone কথাটা বিলিতি হলেও সত্যি। সত্যাত্মহের তোড়ে কথাটাকে উড়িয়ে দেওয়া চলবে না।

কিন্তু সে যা হোক এই যে আমাদের অভিভাবকমণ্ডলীর চাওয়া যে তাঁদের ছেলেরা যত শীঘ্র সম্ভব ডিপ্লোমা নিয়ে Law হোক Medicine হোক প্রফেসরী হোক যে কোন পথে অর্থোপার্জনে লেগে যাক, আপনি কি জোর করে বলতে পারেন যে এই চাওয়া বাংলা দেশের শিক্ষক ও অধ্যাপকদের উপরে কোনই প্রভাব বিস্তার করে নি? আপনি কি জোর করে বলতে পারেন যে এই চাওয়ার তাগিদ তাঁদের শিক্ষকতা ও অধ্যাপনাকে তদনুরূপ একটা বিশেষ ভঙ্গি ও গতি দেবার এতটুকুমাত্র সাহায্য করে নি? আমরা মনে চিন্তা করেছি এক আর আজ মুখে ফল চাচ্ছি আর এক। মনের কথার চাইতে মুখের কথা বড় মানুষের আইন আদালতের কারখানায় হ'তে পারে কিন্তু হৃষ্টির মন্দিরে নয় এবং তা কোনদিন হবারও সম্ভাবনাটুকু পর্য্যন্ত নেই।

আসলে আপনাদের School of Thoughts এর সঙ্গে আমাদের School of Thoughts এর তর্ক ঠিক এইখানটায়। আমরা

বলাহি ও চিরকাল বলব যে যা আমরা মনে সত্যি করে' চাই নি ও ভাবিনি তা বাইরে সফল করে' তুলবার আশা করা অছায়। এবং আশা করলেই তা সফল হবে না। মনে যে কোন চিন্তা উদয় হবার সঙ্গে সঙ্গে সেটার বস্তুবিশেষ রূপ দেবার শক্তি সংগৃহীত হয়ে যেত যদি তবে সেটা মানুষের পক্ষে বর হত না অভিশাপ হত তা বলা মুশ্কিল। কিন্তু বর্তমান স্থিতির সত্যটা এই যে সে শক্তি সংগৃহীত হয় না। আপনারা মনকে অস্বীকার না করলেও বাইরের উপরে বেশী বৌক দেন আমরা বাহিরকে লোপ করতে চাইনে কিন্তু মনের চিন্তার মনের ইচ্ছার এমন একটা ভিত্তি গড়ে' তুলতে চাই যা-হিমা-দ্রির মতো হবে অটল অচল এবং সিদ্ধুর মতো হবে সদা জাগ্রত তবেই তা আপনাকে সফল করে' তুলতে পারবে সকল বাধা সকল বিঘ্ন অতিক্রম করে'—তবেই তা বাইরের প্রতিকূল শক্তিকে বিধ্বস্ত করে' জয়লাভ করতে পারবে।

মানুষের এই যে চিন্তার ও ইচ্ছার শক্তি তা লাভ হতে পারে মনকে বিক্ষিপ্ত করে নয় মনকে সংহত করে। বাঙালীর মন এমনিই তরল অর্থাৎ flexible সে-মন সহসা জমাট বাঁধে না। এটা যেমন একদিকে গুণের তেমনি আর একদিকে দোষের। গুণের এই দিক থেকে যে এমন মনে গোঁড়ামি বলে' পদার্থটা সহসা কায়েমী হ'তে পারে না। এমন মনের বিশ্ব-মনের সঙ্গে সংযোগ ও সম্বন্ধ সহজে স্থাপিত হ'য়ে যায়। এটা জাতির পক্ষে একটা মহা লাভ! এতে করে' জাতি তার সংকীর্ণ গণ্ডী অতিক্রম করে' আপনাকে একটা বৃহত্তর জগতে অন্তর্ভব করতে পারে। আর এটা আপনি নিশ্চয়ই মনেন যে সংকীর্ণতারই আর এক নাম মুহূর্ত। জাতীয় বৈশিষ্ট্যই বলুন

আর জাতীয় স্বাভাব্যই বলুন তা বাঁচিয়ে রাখবার অর্থাৎ তার জীবনী-শক্তি রক্ষা করবার সহজ ও একমাত্র উপায় হচ্ছে বিশ্ব-মনের সঙ্গে তার সংযোগ রক্ষা করে' করে' চলা। বাঙালী মনের ঐ flexibilityর জন্যে বাঙালী পরের মনের জিনিস সহজে গ্রহণ করতে হজম করতে পারে। ঐ কারণে পাশ্চাত্যের সাহিত্য আমাদের মনকে যেমন সত্যিকার দোলা দিয়েছে যেমন সত্যিকার করে' অনুপ্রাণিত করেছে ভারতের আর কোন প্রদেশবাসীর তেমন করে নি। অথচ বাঙালী যে সবাই ইয়োরোপীয়ান বনে' যায় নি তা ত চোখেই দেখা যায়। যে রবীন্দ্র-সাহিত্যকে আমরা অনেকে কৈরঙ্গ সাহিত্য বলি, আমরা ভুলে যাই যে সেই রবীন্দ্রনাথের গানে গল্পে কবিতায় বাঙালী-মনের রূপ ও ছবি যেমন করে' আছে তেমন কিন্তু আর কোন বাঙালী কবির কাব্যে নেই।

লয়ে রসারসি করি কশাকশি

পৌটলা পুটলি বাঁধি'

বলয় বাজায় বাজ সাজায়

গৃহিণী কহিল কাঁদি'

"পরদেশে গিয়ে কেঁদারো লয়ে

কষ্ট অনেক হবে"

কিন্ধা—

আমসব্ব আমচর; সেস দুই দুধ;

এই সব শিশি কোটা ওয়ুধ বিষুধ।

মিষ্টান্ন রহিল কিছু হাঁড়ির ভিতরে

মাথা খাও ভুলিও না থেয়ো মনে করে'।



কিছা—

কহিলাম ধীরে

“তবে আসি।” অমনি ফিরায়ে মুখখানি

নতশিরে চক্ষুপরে বস্ত্রাঞ্চল টানি’

অমঙ্গল অশ্রুঞ্জল করিল গোপন।

এ যে ফারসীও নয় ফরাসীও নয় এ সম্বন্ধে নিশ্চয়ই দু’মত হবার  
সম্ভাবনা নেই।

তারপর—

গ্রামপথ হতে প্রভাত আলোতে

উড়িছে গোখুর ধূলি

উছলিত ঘট বেড়ি কটি তট

চলিয়াছে বধুগুলি

তোমার কাঁকন বাজে ঘন ঘন

দুইদিন পরে দ্বিতীয় প্রহরে প্রবেশিনু নিজগ্রামে

কুমোরের বাড়ী দক্ষিণে ছাড়ি রথতলা করি বামে

রাশি হাটখোলা নন্দীর গোলা মন্দির করি পাছে

এ যে বাংলারই ছবি এ সম্বন্ধেও নিশ্চয় কারো ভুল করবার  
কোন সম্ভাবনা নেই। আর এ রকম রাশি রাশি তোলা যায়।

তবে রবীন্দ্রনাথে ওর অতিরিক্ত একটা জিনিস আছে যা আসলে  
প্রাচ্যেরও নয় পাশ্চাত্যেরও নয়—অথচ যে দখলি-স্বত্ব সাব্যস্ত করতে  
পারে তারই। এই জিনিসটা হচ্ছে প্রাচ্যে ও পাশ্চাত্যের প্রতিদিন-  
কার কর্ম চিন্তা আশা ও আকাঙ্ক্ষাকে অতিক্রম করে’ যে একটা  
চিদাকাশই বলুন বা স্রদাকাশই বলুন প্রাচ্য ও পাশ্চাত্য উভয়কেই

৮ম বর্ষ, চতুর্থ ও পঞ্চম সংখ্যা

উড়ে-চিঠি

১২৩

আলিঙ্গন করে’ আছে সেই আকাশের দিকে দৃষ্টি ফেলা ও কাব্যে  
সেইখানকার সুর ছবি ও রস জাগিয়ে তোলা। বলা বাহুল্য  
সে-সুর সে-রস সে-ছবিতে মানুষের দৈনন্দিন কাজকর্মের কোনই  
সুবিধা হয় না কিন্তু তাতে মানুষের মধ্যেকার এমন একটা জিনিসের  
রসদ থাকে যে জিনিসটা শুকিয়ে গেলে মানুষ Eat and Drink  
and be damn’d অবস্থায় গিয়ে দাঁড়ায়।

আপনার স্ত্রীকে সেদিন “যেতে নাহি দিব” কবিতাটা পড়ে  
শোনাচ্ছিলুম। সামান্য কিন্তু অতি সর্করণ বাঙালী পরিবারের  
একটা ঘটনা। পিতা বিদেশে চলেছেন। পৌঁটলা পুঁটলি বাস  
তোরঙ্গ সব সাজিয়ে গুছিয়ে বেরুবার সময় তিনি তাঁর চার বছরের  
মেয়ের কাছে বিদায় নেবেন—মেয়ে হঠাৎ বলে বসল— “যেতে  
আমি দিব না তোমায়”।

যেখানে আছিল বসি’ রহিল সেখায়

ধরিল না বাহু মোর রুখিল না দ্বার

শুধু নিজ হৃদয়ের মেহ অধিকার

প্রচারিল—“যেতে আমি দিবনা তোমায়।”

কিন্তু—

তবুও সময় হ’ল শেষ, তবু হায়

যেতে দিতে হল।

এ অতি সর্করণ! গভীর একটা ব্যথা প্রাণ বিদ্ধ করে’ যায়।  
কিন্তু ঐ ব্যথাই আর কেবল ব্যথা থাকে না যখন দেখি যে কবির  
দৃষ্টিতে এইটে ধরা পড়েছে যে বাঙালী পরিবারের ঐ ঘটনাটা চার  
বছর বয়সের একটা বাঙালী শিশুর ঐ অশ্রু-সজল অধিকার-প্রকাশ

এ বিশ্বে একটা বিচ্ছিন্ন বা বিক্ষিপ্ত ব্যাপার নয়। বিশ্ব-স্রের সঙ্গে ওর সুর বাঁধা। বিশ্ব-স্রেরই ও একটা প্রতিধ্বনি একটা বাঙালী শিশু-কণ্ঠে হুটে উঠেছে।

এ অনন্ত চরাচরে স্বর্ণ মর্ত্য ছেয়ে  
সব চেয়ে পুরাতন কথা সব চেয়ে  
গভীর ক্রন্দন, “যেতে নাহি দিব”

কবি দেখতে পেলেন—

তৃণ ক্ষুদ্র অতি

তারেও বাঁধিয়া বন্ধে মাতা বহুমতী  
কহিছেন প্রাণপণে “যেতে নাহি দিব।”  
আয়ুষ্কীর্ণ দীপমুখে শিখা নিব’ নিব’  
আঁধারের গ্রাস হ’তে কে টানিছে তারে  
কহিতেছে শতবার “যেতে দিব নায়ে।”

এ ক্রন্দন-ধ্বনি সারা’ বিশ্ব হতে কবি-কর্ণে ধ্বনিত হ’ল  
প্রলয় সমুদ্র-বাহী স্বজনের শ্রোতে  
প্রদারিত ব্যগ্র বাহু জ্বলন্ত অঁাখিতে  
“দিব না দিব না যেতে” ডাকিতে ডাকিতে  
ছ ছ করে’ তীব্র বেগে চলে যায় সবে  
পূর্ণ করি বিশ্বতট আর্ন্ত কলরবে।

যেন

উঠিতেছে বাজি

সেই বিশ্ব-মর্দ-ভেদি করণ ক্রন্দন  
মোর কছাকর্প সুরে।

এই যে ব্যথা এ ব্যথা যতক্ষণ একটা বাঙালী পরিবারের পারিবারিক মনে আবদ্ধ ছিল ততক্ষণ তা একান্তভাবে ব্যথারূপেই ছিল। কিন্তু সেই ব্যথা সেই ক্রন্দন যখন বিশ্বপটকে perspective করে দেখলুম শুনলুম তখন এই ব্যথার মধ্যে যে-একটা প্রচ্ছন্ন আনন্দ রয়েছে সেইটের সন্ধান সেইটের অনুভব পেলুম। সংকীর্ণতা যেখানে ব্যথারূপেই আপনাকে সমাপ্ত মনে করেছিল সেখানে নিখিলের স্পর্শ জানিয়ে দিয়ে গেল যে সমাপ্তি ঐ ব্যথায় নয় ব্যথার পিছনে যে আনন্দ আছে সেই আনন্দে। যেখানে স্বার্থচ্যুত অহঙ্কার গণ্ডী কেবল বেদনাকেই জমা করে’ তুলছিল অথগুর সংবাদ সেখানে প্ললক-স্পর্শ ছুঁইয়ে গেল।

এখন কি বলতে হবে এ-কবিতাটার অর্ধেক বঙ্গ আর অর্ধেক কৈরঙ্গ? এই যে সামান্য থেকে অসামান্যে ক্ষুদ্র থেকে বৃহতে বিশেষ থেকে বিশেষ চলমান কবির দৃষ্টি এ কি বিশেষ করে’ পাশ্চাত্য? তা যদি হয় তবে বলব যে ঐ পাশ্চাত্যকে স্বীকার করে’ আমরা বেঁচে গেছি—এবং আমাদের সাহিত্য new lease of life পেয়েছে। কিন্তু আসলে তা নয়। বিশ্বের সঙ্গে কোলাকুলি করাটা প্রাচ্যেরই হোক বা পাশ্চাত্যেরই হোক কারও একচেটে নয়।

কিন্তু বলছিলুম বাঙালী মনের flexibility-র কথা। সে-মনের গুণের কথাই আগে উল্লেখ করেছি। কিন্তু ঐ রকম মনের একটা প্রকাণ্ড দোষ আছে। সে দোষটা হচ্ছে এই যে এমন মনকে সহজে জমাট করা যায় না। এমন মনকে সংহত করে’ কেন্দ্রীভূত করে’ তার সমস্ত শক্তিকে একটা অপ্রতিহত সামর্থ্যের সঙ্গে কোন একটা কর্মসাধ্য ব্যাপারের উপরে প্রয়োগ করা যায় না। এইখানেই



বাঙালী চরিত্রের দুর্বলতা। এই কারণেই বাঙালী চরিত্রে ধৈর্য্য সহিষ্ণুতা অধাবসায় প্রভৃতির তেমন সম্ভাব নেই। যার জোরে মানুষ বলেন—যা ধরব তা করব—একটা doggedness একটা tenacity of purpose বাঙালী চরিত্রে এর বাহুল্য নিয়ে অভিযোগ করা চলে না। কিন্তু এটা না হ'লে মনোজগতে যাই হোক কর্মজগতে জীবন-যাত্রার যুদ্ধে বিশ্বের সংগ্রাম-পথে বাঙালীকে পিছিয়ে পড়ে' থাকতেই হবে। বাঙলার সহরে সহরে মাড়োয়ারী গুজরাটীর হস্ত্যাবলী উঠবেই—বাঙালীর পল্লীতে পল্লীতে ভোজপুরী গাজীপুরী জুটবেই। আপনি হয়ত বলবেন যে আমি provincial patriotism প্রচার করছি। কিন্তু আপনাদের কাছেই ত শুনি যে National না হ'লে International চলবে না। সুতরাং ঐ সূত্র অনুসারেই Provincial না হ'লে Interprovincial চলবে না। আমরা বাঙালীরা নিশ্চয়ই বাংলাদেশকে অবাঙালীদের কাছে mortgage করতে চাই নে।

সুতরাং বাঙালীর এই তরল মনকে মৃত্যুর মতো rigid না করে' একটা stability দান করতে হবে। তার উপায় কি? তার উপায় যাই হোক সেটা নিশ্চয়ই কেবল political agitation নয়। কেননা agitation মাত্রেরই মনকে কেবল সংহত করে না তাই নয় তা মনকে সংস্কৃত করে। আর মন সংস্কৃত হবার অর্থ মন কেন্দ্রচ্যুত হওয়া। মনকে কেন্দ্রচ্যুত করে' তাকে কেন্দ্রীভূত করা নিশ্চয়ই লজিকের বাইরে।

আসলে আমাদের political agitation এ দেশের political constitution এর যে রদ বদল হয় হোক কিন্তু মানুষের মন গঠন

চরিত্র গঠনের জন্ম একটা অন্তরের সাধনা চাই। আর এ সাধনা সমষ্টিগত হতে পারে না, এ সাধনা হচ্ছে ব্যক্তিগত। ব্যক্তিগত এই সাধনায় সিদ্ধ না হ'লে আমাদের জাতীয় সব কিছুই লব্ধ হলেও অসিদ্ধ হ'য়ে উঠবে।

যাক সে সব কথা। আপনি যখন আপনার ছেলের শিক্ষা সম্বন্ধে ভাবছেন তখন সেই সম্বন্ধে আমার মতামত ছ' এক কথা বলছি।

আমার একটা আদর্শ শিক্ষার আদর্শ আছে। সেটা বলছি।

আমার সঙ্গে কথাবার্তায় নিশ্চয় আপনি টের পেয়েছেন যে আমি একজন ঘোরতর individualist। এতে মনে করবেন না যে আমি সমাজ মানি নে। সমাজ আমি নিশ্চয় মানি কিন্তু আমি বলতে চাই এই কথা যে সমাজও যে সম্ভব হয়েছে তা ব্যক্তিরই স্বতঃসিদ্ধ ধর্মের গুণে—সমাজের অস্তিত্ব সমাজের প্রতিষ্ঠা ব্যক্তিরই fulfilment এর উপর। যে সমাজ ব্যক্তির সার্থক হবার পক্ষে বাধাই সৃষ্টি করে' করে' চলে সে-সমাজের বন্ধন-গ্রন্থি ছিঁড়েবেই। আগে ব্যক্তি তারপর সমষ্টি—আগে unit তারপর unity-ব্যক্তি যে সামাজিক আইন-কানুনে ধরা দেয় সেই আইন-কানুনের মধ্য দিয়ে ব্যক্তিরই সত্য-সমষ্টির সার্থকতা হয় বলে'। তাই দেখতে পাই ব্যক্তির অন্তর-সত্যের রূপান্তরের সঙ্গে সঙ্গে সেই সত্যের তাগিদে সামাজিক গ্রন্থিগুলিও কখনও ডানে কখনও বাঁয়ে সরছে—কোনটা একটু আলগা হচ্ছে—কোনটা আরও কসে' যাচ্ছে—আবার কোন কোনটা হয়ত একেবারেই খুলে পড়ছে।

আমার মনে যে আদর্শ শিক্ষার আদর্শ আছে সেটাও একেবারে individualistic। একটা শিক্ষকের কাছে পঞ্চাশটা ছেলে পড়ুক—



যদি শিক্ষকের পড়াবার যোগ্যতা থাকে—কিন্তু তা একই স্তরে এক সূত্র নয়।

শিক্ষার উদ্দেশ্য মানুষকে সার্থক করে' তোলা। আপনি নিশ্চয় বলবেন যে কথাটা শুনেতে বেশ কিন্তু ওর কোন মানে হয় না—কেননা ওর বিশেষ একটা অর্থ নেই—অর্থাৎ কথাটা vague। কথাটা ঠিক স্তুরাং ব্যাখ্যা দিচ্ছি।

আমি এই কথাটা বিশ্বাস করি যে সূত্র সবল ও প্রাণবান মানুষের মধ্যে কোন না কোন একটা গুণ আছে, কোন না কোন বিষয়ে তার একটা সহজ প্রেরণা একটা সহজ কুশলতা আছে। প্রত্যেক মানুষটাই এক একটা genius। বুঝতেই পারছেন genius কথাটা আমি এখানে ব্যবহার করছি in its broadest sense possible. এখন শিক্ষার উদ্দেশ্য প্রত্যেক মানুষের তার ঐ সহজ প্রেরণা সহজ কুশলতার দিকে সচেতন হয়ে ওঠা—অর্থাৎ ছু' কথায়—আত্মানং বিদ্ধি।

এই যে আত্ম-জ্ঞান এই আত্ম-জ্ঞানের ফলে আত্মার স্বধর্মের পরিচয় পেয়ে মানুষ সেই অনুসারে আপনার জীবন নিয়ন্ত্রিত করবে আপনার জীবনে তেমনি কর্ম তেমনি ধর্ম বরণ করে' নেবে। একেই আমি আদর্শ শিক্ষা বলি কেননা এতেই মানুষের জীবন সত্যিকার করে' সার্থক হবে স্তুরাং আনন্দময় হবে।

এইখানে যে প্রশ্নটা উঠবে তা জানি। প্রশ্নটা উঠবে এই যে মানুষের উদ্দেশ্য যদি এই হয় যে সে যা তাকেই ফুটিয়ে ধরা তাকেই সার্থক করে' তোলা তবে Human progress, World's Evolution কথাগুলো কেথায় যায়? শিক্ষার উদ্দেশ্য আসলে আপনাকে অতিক্রম করা নয় কি?

কিন্তু Human progress, World's Evolution কি মানুষের যুগে যুগে নিজেকে অতিক্রম করার ফল? এ অতিক্রম করার মানে কি? এর মানে যদি এই হয় যে মানুষ এক অবস্থা থেকে আজগুবি ভাবে আর একটা সম্পূর্ণ বিভিন্ন অবস্থায় রূপান্তরিত হয়েছে মাজিকের দ্বারা তবে আমি বলব যে মানুষ কোন কালেই আপনাকে অতিক্রম করেনি এবং কোনকালে অতিক্রম করতে পারবেও না। আর অতিক্রম করার অর্থ যদি এই হয় যে মানুষ তার আপনার মধ্যেই যে সম্ভাবনার বীজ রয়েছে সেই সম্ভাবনারই চরম অভিব্যক্তির দিকে আপনাকে টেনে টেনে চলেছে তাহলে বলব যে মানুষ প্রতি-মুহুর্তে আপনাকে অতিক্রম করছে। আসলে মানুষ তার সম্ভাবনার প্রসার করেছে আপনাকে অতিক্রম করে' নয়, আপনাকে পরিক্রমণ করে'। বানর আপনাকে অতিক্রম করে' মানুষ হয়েছে এ কথা আমি বিশ্বাস করি নে স্তুরাং আমার বিশ্বাস ও missing link কোন দিনই পাওয়া যাবে না। আর মানুষ যদি কোন দিন দেবতা হয় তবে তার মানেই হবে এই যে মানুষের মধ্যেই দেবতা হবার সম্ভাবনার বীজ গুপ্ত ছিল।

স্তুরাং দেখতে পাচ্ছেন Human progress এর অর্থ মানুষের গুণ সমষ্টির বিকাশ ও প্রসার এক অবস্থা থেকে আর এক অবস্থায় লক্ষ্য প্রদান নয়। স্তুরাং শিক্ষার উদ্দেশ্য প্রত্যেক মানুষের আপন আপন গুণ ও ধর্মের সুসার ও প্রসার। কেননা আমি আগেই বলেছি আমি বিশ্বাস করি যে প্রত্যেক সূত্র ও সবল ও প্রাণবান মানুষের মধ্যে কোন না কোন একটা গুণ আছে যা তার সহজ ধর্ম। প্রত্যেক মানুষের এই গুণের স্বাতন্ত্র্য এমনি, প্রত্যেকের চিন্তাশক্তি



মননশক্তি ধারণশক্তি এমনি আলাদা যে তাদের কি বহির্জগতে কি অন্তর্জগতে চলবার তাল আলাদা হতে বাধ্য। এই কারণেই আমার আদর্শ-শিক্ষার আদর্শটি একেবারে individualistic.

কিন্তু আমার এ আদর্শ আজ প্রকাশ করা বা প্রচার করা অনর্থক। কেননা আজ সভ্যজগতের সকল অনুষ্ঠান এমনি যন্ত্রের মতো হয়ে উঠেছে সমাজ নিজেকে এমনি mechanise করে ফেলেছে যে এমন কি শিক্ষায়ও আমরা ব্যক্তি-স্বাতন্ত্র্যের কথা ভাবতে পারিনে। আমার আশঙ্কা হয় কিছুদিন পরে আমাদের শিক্ষালয়গুলোর ক্লাশে ক্লাশে শিক্ষকের পরিবর্তে গ্রামোফনের দ্বারা বক্তৃতা দেওয়া শুরু হবে—আর তাই থেকে ছেলেরা নোট নেবে।

এইখানেই চিঠি শেষ করতে হল। এই বার পৃষ্ঠা চিঠি পড়ে দেখতে পাবেন যে আপনি যে-কথাটা আমাকে জিজ্ঞেস করেছিলেন অর্থাৎ আপনার ছেলের ভবিষ্যৎ শিক্ষার সম্বন্ধে পরামর্শ সেই কথারই উত্তর দেওয়া হয় নি। কেননা সেসবকম পরামর্শ দেবার আমি উপযুক্ত এ কথা মনে করতাই আমার মন সঙ্কুচিত হয়ে আসে। ইতি—

আপনাদের কয়েকদিনের—

অতিথি।

## নৃত্য-শিক্ষক

—ঃঃ—

(Maupassantর ফরাসী হইতে।)

বুড়ো জিন ত্রিডেল, যাকে আমরা সংসার-বিরাগী বলে ঠাট্টা করতাম, বলে উঠল দেখ, সংসারের বড় বড় দুঃখগুলো আমার তেমন লাগে না। আগেকার কালে আমি ডুয়েল লড়েছি নিশ্চয় হ'য়ে আমার প্রতিদ্বন্দীর বৃকে চড়েছি প্রকৃতির রুদ্রসংহার লীলা দেখেছি, মানুষের উৎকট জিবাংসা প্রবৃত্তির পরিণামও দেখেছি। ঐগুলো চোখে পড়লে আমরা ভয়ে বা রাগে চাঁৎকার করে উঠি, এই পর্যন্ত। ওসব দৃশ্য আমাদের বৃকে যেয়ে কামড়ে খরেনা, ঝড়ের বেগে ভেতর বাঁকি দিয়ে বাঁকিয়ে দিয়ে যায় না, যেমন কতকগুলো ছোট খাটো সাধারণ করুণ দৃশ্য করে থাকে। সংসারের সব চেয়ে কঠোর আঘাত লাগে যখন মা ছেলে-হারা হন, ছেলে মা হারা-হয়। মানুষের হৃদয়কে ভেঙ্গে চুরমার করে দেয়—এত কঠিন, দুর্জয় এ শোক। কিন্তু মানুষ এমনতর শোকও কাটিয়ে উঠে, যেমন করে দেহের অতি বড়, সাংঘাতিক, সজ্ঞ আঘাত সারতে দেখা যায়। কিন্তু সংসারে এমন বহু ব্যাপার আছে যা চোখের স্পর্শে স্পর্শ হ'য়ে না উঠেও ভেতরে তাদের বাস্তবিকতা টের পাইয়ে দেয়, গোপন মর্শ্ব-বাণী, ভাগ্যের অলক্ষ্য আঘাত, আরও বহু এমনতর আছে যেগুলো

আমাদের অন্তর শায়িত, বিবাদময় চিন্তাসমুদ্র আলোড়িত করে ভুলে, বহিষ্কৃত ডিল্লিয়ে মনোজগতের শোক-মন্দিরের বন্ধ, রহস্যময় দোর পলক মধ্যে একেবারে খুলে দিয়ে যায়,—কি সে বেদনা!—উপরে দেখবে যত নির্বিচার তত সে ভেতরে শিকড় গেড়েছে, তার লক্ষণ যত অস্পষ্ট তত সে বিকৃত হয়ে উঠেছে, যত তাকে নেই বলে উড়িয়ে দেবে তত সে বিস্তার লাভ করেছে এমনি করে মনটাকে দুঃখে মুষড়ে দিয়ে, জীবনকে বিস্বাদ করে দিয়ে, পৃথিবীর উজ্জ্বল বর্ণকে মলিন করে দিয়ে যে তারই জের বহুকাল ধরে তোমাকে টানতে হবে।

আমার চোখের স্রুমে দুই তিনটা এমনি ব্যাপার ফুটে উঠেছে, বাঁকগুলো অবশ্য ভাল করে না দেখাতেই ভুলে গেছি। ঐ কয়টি যেন লম্বা, সরু, তেলা-যায়-না-এমনি কাঁটার মত হয়ে আমার মনে বিধে রয়েছে।

ওগুলো আমার মন যে ভাবে ভরে দিয়েছে হয়তো তোমরা তা বুঝতে পারছ না। একটার কথা তোমাদের বলতে চাই। ঘটনাটা খুব পুরানো, কিন্তু এত স্পষ্ট, যে মনে হয় কালকের। হতে পারে আমার মনের টানেই কল্পনার সেটাকে এত তাজা রেখেছে।

আমার বয়স এখন পঞ্চাশ বছর। তখন আমি তরুণ যুবক, আইন পড়ছি। আমার প্রকৃতি ছিল কিছু গভীর ও চিন্তাশীল; এবং দর্শন শাস্ত্র থেকে দুঃখ-বাদটাকেই আমি নিজের জঘ্ন বেছে নিয়ে ছিলাম। এজন্য, কাকের হট্টগোল, কোলাহল প্রমুখ বন্ধু বান্ধব বা নিরব্রুদ্ধি রূপের ব্যবসায়ী যুবতী নারীর প্রাচুর্য্য কোনটাই আমাকে টানতে পারে নি। খুব সকালই আমি বিছানা ছেড়ে উঠতাম; আর

আমার অতি আকর্ষণের বস্তু ছিল ভোর আটটায় লাক্সেমবার্গের উজানে একা একা বেড়ানো।

তোমরা কেউ কখন লাক্সেমবার্গের সেই নাশারী দেখেছ? সেটা ছিল যেন অতীত যুগের একটা ভুলে যাওয়া উজান, স্বপ্নার মুখে মধুর হাসি যেমন শোভার হয়, তেমনি ছিল তার শোভা। সরল অপরিসর, নিস্তব্ধ বেড়াবার ছোট ছোট পথগুলো দুই ধারে ঝাঁপড়া হেজরো দিয়ে বেড়া দেওয়া; মালির লম্বা কাঁচি সমান রেখায় তাদের ডালগুলো ছেঁটে দিয়ে শোভা বাড়িয়ে দিয়েছে। জায়গায় জায়গায় পুষ্পবাটিকা, লাঠন-বাঁধা ছোট ছোট গাছ, সার বেঁধে ছেলেরা যেমন করে বেড়ায় তারই অনুল্লরণে রোপিত, বড় বড় গোলাপের ঝাড় আর ফলবান বৃক্ষের শ্রেণী।

সুন্দর এই উজানের এক পাশে মৌমাছির বাস। কাঠের তক্তার উপর খড় বিছিয়ে কোঁশলে তৈয়েরি তাদের বাড়ী, দরজাগুলো সূর্য্যের আলোতে শেলাইয়ের সূচের ফুটোর মত চিক চিক করছে। লম্বা রাস্তার সবটা নিয়ে কেবল চক চক মাছি গুণ গুণ করছে—দেখে মনে হয় ওরই যেন এই নিঃশব্দ স্থানটির মালেক আর এর শব্দহীন শাস্ত্রিপূর্ণ বেড়াবার পথগুলিতে কেবল মাত্র ওদেরই বেড়াবার অধিকার আছে।

প্রায় রোজ সকালেই আমি সেখানে যেতাম। একটা বেঞ্চের উপর বসে পড়ে পড়া শুরু করতাম। মাঝে মাঝে বইখানা কোলের উপর ফেলে রেখে স্বপ্ন দেখতাম, চুপ করে বসে আমার চার দিকে পারীর প্রাণ-স্পন্দন কান পেতে শুনতাম, এবং পুরানো এই উজানের ছায়ায় বসে তার অগাধ অনাবিল শাস্ত্রি দেখে মন দিয়ে ভোগ করে নিতাম।



কিন্তু শীগুগীরই আমার নজরে পড়ল যে অত সকালেও বাগানে আমি এক মাত্র ভ্রমণকারী ছিলাম না। প্রায়ই ঝোপের আড়ালে বেঁটে, অদ্ভুত দর্শন এক বৃড়োর সঙ্গে মুখোমুখি দেখা হত।

রুপোর বকলসওয়ালী জুতো তার পায়ে, পরণে 'কুলাত' গায়ে স্প্যানিস্ রাইডিং কোট, মাথায় কিন্তুতকিমাকার শাদা এক টুপী, যেমন-প্রকাণ্ড তেমনি খস্খসে; জন্ম তার মাক্কাতার আমলে।

দেখতে সে খিটখিটে, হাড়গোড় সার,—বন্ধিম, আর মুখখানি নানা ভঙ্গিতে এবং হাস্চেস্ফায় সদাই বিকৃত। চোখ দুটি চঞ্চল চোখের পাতা কেবল অস্থির ভাবে নড়ছে। রোজই তার হাতে থাকত সোনারাঁধান একখানা চমৎকার ছড়ি, হয়ত কোন বড় লোকের স্মৃতি-উপহার হবে।

অদ্ভুত এই মানুষটিকে দেখে প্রথমে আমার মনে যে ভাবের উদয় হল সেটি হচ্ছে বিস্ময়; তার পরেরটি অসীম কোঁতুহল।

গাছের ডাল পাতার আড়াল থেকে তার উপর নজর রাখতেম; হঠাৎ ধরা না পড়ে যাই এজন্য প্রতি মোড়ে থেমে থেমে একটু ফাঁকে থেকে তাকে অনুসরণ করতাম।

ব্যাপার যখন এইরূপ তখন একদিন সকালে আপনাকে একা ভেবে সে খামকা নানা ভঙ্গীতে হাত পা নাড়া শুরু করে দিল। প্রথমে কয়েকটি লাফ মেরে, মাথা নুইয়ে কাকে যেন অভিবাদন করা হল; তারপর তার সেই সরু সরু ঠ্যাং দুলিয়ে আরও লম্বা লম্বা ধাপে লাফ দিতে লাগল; তারপর দ্রুত লাফ, লাফ বান্দ, দুলুনী—সে কি চমৎকার ভঙ্গিতেই যে শুরু হল! কোন অদৃশ্য দর্শক মণ্ডলীর সম্মুখে যেন এই কাণ্ড হচ্ছে—তাদের দিকে চেয়েই যেন

সে হাসছে, মাথা নুইছে, হাত ছুঁড়েছে, পুতুলের মত তার শুটকো দেহ একে বঁেকে ঘুরছে আর অতি মিঠে চালে, অদ্ভুত ভঙ্গিতে মাথা নেড়ে সাদর সম্ভাষণ জানাচ্ছে! এই হল তার নাচ!

দেখে শুনে অতি বিস্ময়ে আমি কিছুক্ষণ 'থ' মেরে গেলাম; ভাবতে লাগলেম আমাদের দুইজনের মধ্যে কে উন্মাদ, সে না আমি। কিন্তু হঠাৎ থেমে যেয়ে আস্তে আস্তে সে এগোতে লাগল, যেমন করে রঙ্গমঞ্চের উপর অভিনেতারী করে থাকে; তারপর মাথা নুইয়ে, কমেডিয়েনদের ফাইলে অতি মধুর হাস্ত করে, ঠোঁট দুখানা চুমো খাবার ভঙ্গিকরে এগোতে এগোতে দুসার গাছের দিকে তার কম্পিত হাত দুখানা বাড়িয়ে দিল!

এই ব্যাপার শেষ হয়ে গেলে সে ফের গম্ভীর ভাবে বেড়াতে আরম্ভ করল।

সে দিন বেড়িয়ে যাবার সময়টীতে আমি তার উপর নজর রাখলেম। রোজ সকালেই সে একবার করে তার এই অপূর্ব নাচ নেচে নিত।

কেন জানিনে তার সাথে আলাপ করতে আমার ভারি ইচ্ছা হল। সাহসে ভর করে, তাকে অভিবাদন করে বলে ফেললেম, 'আজকের দিনটি কি সুন্দর ম্যাসৌ!' সে নমস্কার করল,—'হাঁ ম্যাসৌ ঠিক আগেকার মতই'!

ঠিক আধঘণ্টা পরে আমি তার বন্ধু হয়ে দাঁড়ালেম, তার ইতিবৃত্ত সবই জানলেম। সে ছিল পঞ্চদশ লুইয়ের আমলে অপেরার নৃত্য শিক্ষক। তার ছড়ি খানা কাউন্ট ফেরমন্টের উপহার। নৃত্য সম্বন্ধে তার সাথে কথা কইতে আরম্ভ কইলে সে আর খামতে জানতো না।

একদিন আমাকে সে বললে,—‘ম্যাসৌ, আমি লা কাসট্রিসকে বে করেছি আপনার ইচ্ছে হলে তার সাথে আলাপ করিয়ে দেব। সে এদিকে প্রায়ই আসে। এই যে উত্তান আপনি দেখাছেন এ আমাদের জীবন-স্বরূপ, সংসারের শেষ বন্ধন। আমাদের আমলের এইট কেবল অবশিষ্ট আছে। মনে হয় এটি না থাকলে আমাদের বাঁচাই মুক্তি হত। এটি প্রাচীন ও প্রাচীন স্মৃতিতে গৌরবময়—কেমন নয় কি? ওর ভেতরের বাতাসে যখন নিখাস ফেলি, মনে হয় আমি যখন যুবা ছিলাম তখন সে বাতাস যেমন ছিল আজও তেমনি আছে—কিছু বদলে নি। আমরা দুইজন, আমার স্ত্রী ও আমি বৈকেল বেলাটা প্রায় এখানেই কাটাই। সকালে আমি একাই আসি কারণ এখনও আমি খুব ভোরে উঠে থাকি।’

সকালের আহাৰ শেষ করেই আমি লাঙ্গেনবর্গ মুখে চলে এলেম, একটু পরেই দেখি আমার বন্ধু সসন্মানে এক কৃষ্ণপরিচ্ছদাবৃত অতি সুন্দার হাত ধরে আসছেন। তার সঙ্গে আমার পরিচয় করিয়ে দিলেন। ইনিই ইচ্ছেন সেই বিখ্যাত নর্তকী লাকাসট্রিস যার প্রেমে রাজা এবং সমস্ত অভিজাত বংশের যুবকেরা হারুড়ু খেতেন, এবং প্রেমিক সেই যুগে যে যুগে পৃথিবীতে প্রেমের স্মৃতি ছড়িয়ে গেছে, সেই যুগের প্রতি যুবক জীবনে একবার করে এই কাণ্টিককে ভালবেসে খাওয়া হয়েছিলেন।

আমরা সবাই পাথরের একটা বেঞ্চির উপর বসলেম। তখন মে মাস! ফুলের স্রবাস উত্তানের প্রতিবেশী গন্ধময় করেছে। সূর্য্যের মোলায়েম কিরণ পাথার ফাঁক দিয়ে আমাদের গায়ে এসে পড়ছে। লাকাসট্রিসের কাল পোষাক আলোয় যেন সঁতিয়ে উঠেছে।

উত্তান তখন জনমানব শূন্য। দূর থেকে ছাকড়া গাড়ীর ঘড় ঘড় শব্দ কানে আসছে।

বুড়ো সেই নৃত্য শিক্ষককে আমি জিজ্ঞাসা করলেম, ‘ম্যাসৌ ‘মেনুয়েট’ কাকে বলে, আমার বুঝিয়ে দেবেন কি?’

সে কেঁপে উঠল। ‘ম্যাসৌ, মেনুয়েট হচ্ছে নাচের রাণী, মেনুয়েট রাণীদের নাচ বুঝলেন? যেকালে রাজা গিয়েছে, সেকালে মেনুয়েট-ও গিয়েছে?’ তারপর সে প্রচুর পরিমানে বিশেষণ লাগিয়ে মেনুয়েটের এক স্তোত্র আওড়াল যার মাথা মুণ্ড কিছুই আমার বোধ্য হলে না। আমি তাকে ভাল, ধাপ, ভঙ্গী সব বুঝাতে বললেম। নিজের অক্ষমতা দেখে সে আরও চঞ্চল ও অস্থির হয়ে উঠল। হঠাৎ তার নির্বাক গভীর, অতি প্রাচীন নঙ্গীনাটর দিকে ফিরে বলে উঠল,—এলি.এ. এই স্তম্ভলোকটি—উন যা বলছেন—ইচ্ছে হলে—তোমার বেশ হবে—আমাদের একবারটি দেখিয়ে দেবে?

সে চঞ্চল দৃষ্টিতে চার দিক একবার চেয়ে দেখল। তারপর বিনাবাক্যে উঠে তারই মুখে ঘাঁড়াল।

এরপর এক পূর্ণ ব্যাপার আরম্ভ হল যা জীবনে কখন ভুলব না। তারা দুইজনেই নাচা শুরু করলে,—অতি ছেলেমানুষি মুখের ভঙ্গী করে, হেসে, ঘাড় কাৎকারে, লাকিসে ঠিক যেন ছুটে পুরানো পুতুল, শাকা খেলোওয়ানের হাতে নাচছে; বাবহারে যেন কিছু নষ্ট হয়েছে, কিন্তু তৈয়রী পুরানো ফাসনে, অতি পাকা মিস্ত্রীর হাতের।

আমি হাঁ করে তাদের দিকে চেয়ে রইলেম, মনে উদয় হতে লাগল যত অদ্ভুত, এলোমেলো ভাব। সব মনটী কেমন অর্যাক্ত বিষাদে ভরে গেল।



মনে হল চোখের স্রুমে এক শোকাক্ত হাস্যকর ভূত দেখছি—  
অতীত যুগের কোন বিশ্মৃত প্রেতাত্মা ঘুরে বেড়াচ্ছে।

মনে হল হাসি, রুদ্ধ কণ্ঠে আসতে চাইল কামা।

তারপর তারা দুইজন খেমে গেল, নৃত্যের সমস্ত অঙ্গ শেষ করে  
দিয়ে। কিছুক্ষণ ধরে মুখোমুখি চেয়ে অতি অদ্ভুত ধরণে হাসতে  
লাগল। শেষে কামার চাপে ফুঁপিয়ে ফুঁপিয়ে আলিঙ্গন বন্ধ হল।

তিন দিন পরে আমি আপনার জেলায় চলে এলাম। তাদের  
সাথে আর দেখা হয় নি।

দুই বছর পরে ফের যখন পারীতে এলেম তখন তারা উজানটি  
ভেঙ্গে ফেলেছে। হায়,—কোথায় গেল সেই প্রিয় বাগানটি, তার  
আঁকা বাঁকা পথগুলি, তার অতীত যুগের হাওয়া, তার স্নন্দর  
আড়াল করা ঝোপ আর ঝাড়!

আমার বন্ধুরাও কি আর নেই? না এই সব আধুনিক পথ  
বেয়েই হতাশ নির্বাসিতের মত তারা ঘুরে বেড়াচ্ছে? এখন কি  
তারা আলোর মত গোলমালের সাইপ্রেন্স গাডের আড়ালে, যে  
পত্রে দুইধারে দেহান্ত মানুষকে চিরদিনের মত শুইয়ে দেওয়া  
হয়েছে সেই সব পথের উপর তাঁদের আলোতে তাদের অদ্ভুত  
'মেমুয়েট' নৃত্য দেখিয়ে বেড়ায়?

তাদের চিন্তা সব সময়েই আমার মনে হয়,—আর সকল চিন্তাকে  
ঠেলে সরিয়ে দিয়ে, খুঁচিয়ে, সব মনটা দখল করে আজও বাথার মত  
ভা জেগে আছে।

কেন?—আমি তা বলতে পারি না।

নিঃসন্দেহে ব্যাপারটা তোমাদের কাছে খুব হাস্যকর মনে হচ্ছে—  
নয় কি?